




*Amnide*

№6-7  
2000





თაობა მოღის  
გვ. 1-3



გვ. 6-7



გვ. 16-17

გვ. 4-5



ჩისლი ფიჭვნა უთუზისა

კოეზია

გვ.8-9

სამი ჩანახაფი  
ერთ ნაყუდოსად

გვ. 12-13

ლექსები

გვ. 14-15



დედაგი

გვ.  
18-19


უეღბა ი.სტალინის  
უეხვედრა  
ჰიტლერთან?

გვ. 20

გეგნიარის  
ლილი გვა

გვ. 10

არსათქმელი სიტყვა



ჰანი ყმა. დიდოსვაფი.  
პროფესიონალი ...

გვ. 11



გვ. 20-21

გვ. 22-23



გვ. 30-31

№ 6-7 2000 (710)

ყოველთვიური საზოგადოებრივ -  
პოლიტიკური და სალიტერატურო -  
სამხატვრო ჟურნალი

დროება

სარედაქციო კოლეგია:

ჯანსუღ ჩარკვიანი -  
შემოქმედებითი პროექტის ხელმძღვანელი

გულნარა ბახტაძე -  
პასუხისმგებელი რედაქტორი

ვასილ გვეტაძე, ნატა თათარაშვილი,  
ზურაბ კვანტრიშვილი, თემო ნინიძე,  
დინარა ნოღია (მხატვარ - რედაქტორი),  
ელდარ შენგელაია, ზურაბ ფერეთელი,  
თამაზ ჭილაძე.

# მინდა, არ შემრცხვეს ჩემი ხალხის!

გუგუ კუკრაიშვილი



“საით მივდივარ? მე მინდა, პირნათელი მივიდე იქ, საითაც მივდივარ. მინდა, არ შემრცხვეს ჩემი ხალხის, საკუთარი შეილის წინაშე, როდესაც მკითხავენ, რა გავაკეთე სამშობლოსათვის?! მინდა, ჩვენს შეილებს ისეთი ქვეყანა ჩავაბაროთ, იგივე ტერიტორიებით, რაც ჩვენმა მამებმა დაგვიტოვეს, წელგამართული ეკონომიკითა და შესაბამისად ცხოვრების კარგი პირობებით...”

ამბობს ახალგაზრდა მინისტრი მიხეილ მაჭავარიანი და ჩვენ გვინდა, ვირწმუნოთ მისი.

მას ენდნენ. ნდობას კი გამართლება უნდა. გამართლებას – დიდი ძალისხმევა, ახალგაზრდული შემართება, შეუპოვარი და გაბედული ნაბიჯები.

წინ მძიმე გზაა, უკანდასახვეი კი მოჭრილია. მას ხომ თავად ქვეყნის პრეზიდენტი შეჰპირდა მხარში ამოღობას. მხოლოდ ერთიან, სწორ ხედვასა და ერთ პრინციპზე შეკავშირებულ ძალას შესწევს უნარი, გზა გადაუღობოს კორუფციასა და განუკითხაობას.

და კიდევ: საგადასახადო შემოსავლების მინისტრი დროს ითხოვს, იმ მძიმე მექანიზმების აღმოსაფხვრელად, რომელიც ახლადწამოყალიბებული სამინისტროს სწორი მიმართულებით წარმართვის საწინდარი უნდა გახდეს.

მანამდე კი იმ კითხვის პასუხი მოვისმინოთ, საიდან მოღის თავად მიხეილ მაჭავარიანი.

\*\*\*

მაჭავარიანების ოჯახში რომ დაერკვე, ყურმილი მიხეილის დედამ, ქალბატონმა მარინე მდინარაძემ აიღო. მას კარგა ხანია, შორიდან ვიცნობდი, ბევრი კარგი მსმენოდა პირადად მასზე და მის ოჯახზე ჩემი მეუღლისაგანაც და ენათმეცნიერების ინსტიტუტის სხვა თანამშრომლებისაგანაც, სადაც ქალბატონი მარინე ავტო უკვე 45 წელია, ინსტიტუტის უმდიდრეს წიგნთა ფონდს განაგებს – ბიბლიოთეკის გამგეა.

მიშვიკოსთან შესახვედრად შუამდგომლობა ვთხოვე.

– გწუხვარ, მაგრამ ამ მოკლე დროში ვერ შეგპირდებით, ჩემი შეილი ისეა დაკავებული, მე მას წერილებით ვესაუბრები, – მომიბოდიშა ქალბატონმა მარინემ.

ჩვენ შეხვედრა მაინც დაეთქით, უფრო ახლოს რომ გამეცნო ის გარემო, სადაც მიშვიკო და მისი ძმა ვანიკო გაიზარდნენ, დაეაუკაცდნენ და ცხოვრების დიდ გზაზე გავიდნენ.

სანამ შეილებზე რამეს მეტყვოდა, ქალბატონმა მარინემ საუბარი მეუღლის – ვარდენ მაჭავარიანის მოგონებით დაიწყო:

– გასულ წელს ჩვენს ოჯახს ბურჯი გამოეცალა, ჩემმა შეილებმა შესანიშნავი მამა დაკარგეს, მე კი – უერთგულესი მეუღლე და ოჯახის წინამძღოლი. მიშვიკოსა და ვანიკოს ბევრი კარგი თვისება მამისგან გამოჰყვათ.

ჩემი მეუღლე სკოლის მერხიდან წავიდა სამამულო ომში, შემდეგ დაამთავრა სასოფლო-სამეურნეო ინსტიტუტი ნიადაგმცოდნეობის სპეციალობით. ქალბატონმა მარინემ ეს რომ თქვა, საქალაქე გამომიწოდა. მასში მოთავსებული არაერთი სტატია და მოგონება თვალსაჩინო მეცნიერის, ნიადაგმცოდნეობის, აგროქიმიისა და მელიორაციის სამეცნიერო-კვლევითი ინსტიტუტის დირექტორის მოადგილის, სოფლის მეურნეობის მეცნიერებათა კანდიდატის, ბატონ ვარდენ მაჭავარიანის ღირსებებზე, დამსახურებასა და ადამიანურ თვისებებზე მოგვითხრობდნენ.

ქალბატონმა მარინემ თავიანთი წინაპრებიც მოიგონა:

– ჩემი მეუღლის დედა, თამარ წერეთელი მეტად განათლებული ქალი იყო, გომნაზია ჰქონდა დამთავრებული, ეს კი მაშინ დიდად ფასობდა. მამაჩემი ივანე მდინარაძე კი ავტოსარემონტო ქარხნის ინჟინერი იყო, პირველი სტახანოველი. სახლი, სადაც ახლა ვცხოვრობთ და მსუბუქი მანქანა, როგორც მოწინავეს, იმ “ავადსახსენებელი” კომუნისტების დროს არუქეს.

ომი რომ დაიწყო, არც დაფიქრებულა, ჩაჯდა იმ მანქანაში და ცხელ ხაზს მიაშურა, ქერჩში წავიდა...

სწორედ მაშინ, როცა მიშვიკო მინისტრად დანიშნეს, ამ ამბავმა ძლიერ ამბლელვა, ვერხუზე კიდევ, ასეთი თამამი გადაწყვეტილება როგორ მიიღე-მეთქი. იცით, რა მიპასუხა?

– განა შენი მამა, ბაბუაჩემი არ იყო, ფრონტის წინა ხაზზე რომ წავიდა მაშინვე, როცა ქვეყანა განსაცდელში ნახა?

– ვერაფერი ვუთხარი. როგორც ჩანს, ჩვენი შეილებისათვის წინაპართა კარგი მაგალითი ცხოვრების დიდი გაკვეთილია.

ჩემი მეორე ვაჟი ივანე (ვანიკო) ერთი წლით უმცროსია მიშვიკოზე. მანაც დამოუკიდებლად გადადგა ცხოვრების პირველი ნაბიჯები. 1993 წლის 25 ივლისს, როცა ჩემს მეუღლეს პირველი ობერაცია გავუკეთეთ, მეორე დღეს – 26-ში, ვანიკომ მოგვიბოდიშა და გვაცნობა, რომ კონკურსში გაიმარჯვა და სასწავლებლად საზღვარგარეთ უნდა წასულიყო.

ჩვენ, რა თქმა უნდა, არ დავუშალეთ. ჯერ პრადამი სწავლობდა, შემდეგ უნგრეთში, ევროპის მრავალ ქვეყანაში ისწავლა. გახდა სოროსის პირველი სტიპენდიანტი. იქ გაიცნო მომავალი მეუღლე, ლესლი როჯერსი, ჩამოიყვანა საქართველოში და მცხეთაში დაიწერეს ვჯარი. მათ ქორწილს ოცდახუთი უცხოელი დაესწრო. ლესლი ანანურში მართლმადიდებლად მონათლდა.

შესანიშნავი გოგონაა, თბილი, ყურადღებიანი, – სიყვარულით მიყვება ქალბატონი მარინე რძალზე – ქორწილში ქართული ისე იცეკვა, ქართველისაგან ვერც გაარჩევდით. ჩვენთვის რომ ენიაბოვნებინა, სალაპარაკო ქართულად ისწავლა. ახლახან ქალიშვილი შეეძინათ. დამოუკიდებლად ზრდიან პატარას.

ვანიკო ამჟამად საქართველოს საგარეო საქმეთა სამინისტროს წარმომადგენელია ნიუ-იორკში კონფლიქტოლოგიის საკითხებში. ლესლი კი იურისტი და პრესტიჟულ ფორმაში შემუშაბს.

– რას მოიგონებთ თქვენი შეილების ბავშვობის წლებიდან?

– ჩემს შეილებს ლაღი და ბედნიერი ბავშვობა ჰქონდათ. ბალიდან მოყოლებული, თავიანთი საქციელისა თუ გარეგნობის წყალობით რატომღაც სულ ყურადღების ცენტრში იყვნენ. მაშინდელი “პარალებისა” და სხვადასხვა ღონისძიებების “აქტიური მონაწილეები” გახლდნენ. ბავშვობისას ორივე ხატავდა. კინოგადაღებაშიც კი მიიღეს მონაწილეობა. ცოტა რომ წამოიზარდნენ, შაბათ-კვირასა და ზაფხულის ცხელ დღეებს

F 8087

საქართველოს  
პარლამენტის  
გენერალური  
სამსახური

ბუნების წიაღში ვატარებდით. მოვლილი გვექონდა საქართველოს მთა-ბარი.

ჩუმათელეთის გზაზე, სოფელ ხევში მეუღლეს საცდელი ნაკვეთი ჰქონდა და იქაც ხშირად დავდიოდით. ძალიან შეხმატებლებული და მეგობრული ოჯახი გვექონდა.

შუაგულ რუსთაველზე, სადაც ამჟამადაც ვცხოვრობთ, ნამდვილი თბილისური ეზო და სამეზობლო გვაქვს. ჩვენ სახლში კარი არასოდეს იკეტება. ერთმანეთის ჭირსა და ლხინს ვიზიარებთ, ლუკმას ვიყოფთ, ერთმანეთს გვერდში ვუდგავართ.

— მიშიკოზე კიდევ რას გვეტყვი, როგორია დედის თვალთ დანახული მინისტრი მიხეილ მაჭავარიანი?

— ცოტა შორიდან დავიწყებ. მიშიკო თავიდან მამის გზას გაჰყვა, დაამთავრა აგრარული უნივერსიტეტი აგრო-ქიმიკ-ნიადაგმცოდნეობის სპეციალობით, მუშაობდა ნიადაგმცოდნეობის კათედრაზე ლაბორანტად.

ჯერ კიდევ სტუდენტობის დროს სამეცნიერო კონფერენციებისა და სხვადასხვა ღონისძიებების მეშვეობით მსოფლიოს მრავალი ქვეყანა მოიარა. დაეუფლა უცხო ენასაც.

არ შემიძლია, მადლობის გრძნობით არ მოვიხსენიო ჩვენი ინსტიტუტის დირექტორი, ბატონი ბესარიონ ჯობრენაძე, რომელმაც უყურადღებოდ არ დატოვა ჩემი შვილი და ენათმეცნიერების ინსტიტუტში მოიწვია სამუშაოდ. სხვათაშორის, პირველი ხელფასი მიშიკომ ჩვენი ინსტიტუტიდან მიიღო. მთელმა ინსტიტუტმა იცის, როგორ მესმარებოდნენ ჩემი შვილები წიგნების დალაგებაში, როცა ინსტიტუტმა ბუდე შეიცვალა.

— ეს ყველაფერი გასაგებია, მაგრამ საკვირველია, როგორ ჩაება მიშიკო აქტიურ პოლიტიკაში?

— ეს ძირითადად მისმა სამეგობრომ განაპირობა. და ყველასაგან მოულოდნელად მიშიკომ დათმო სპეციალობა, დისერტაცია და პოლიტკოსის სტატუსი შეიძინა.

— როგორ ფიქრობთ, ქალბატონო მარინე, ძნელია მინისტრი შეიღოს დედობა?

— ძნელი და რთული უპირველესად მინისტრობაა, მეტადრე ისეთ სფეროში, მიშიკომ რომ იტვირთა. არც მინისტრის დედობა ყოფილა ვერე ადვილი, როგორც ერთი შეხედვით ჩანს. მიშიკო შინ ღამის 2-3 საათზე, ზოგჯერ კი უფრო გვიანაც, ბრუნდება. გამთენიისას კი ისევ მიღის სამსახურში და ასეა, გაუთავებლად. როგორც ის, მეც დანატრებული ვარ მშვიდ ძილსა და დასვენებას. ჩვენთან ბევრი რეკავდა და რეკავს, ბლოკნოტი საესე მაქვს მათი მისამართებითა და ვინაობებით. გვილოცავდნენ, იმედს გამოთქვამდნენ მიშიკოს მისამართით. ყველას მადლობელი ვარ, ოპოზიციისაც და უმრავლესობისაც. ჩვენ ყოველთვის ვგრძნობდით მათ მხარდაჭერას, განსაკუთრებით მაშინ, როცა მიშიკოს ეს საპასუხისმგებლო პოსტი მიანდეს.

ქალბატონი მარინე ფიქრს მიეცა, ცოტა ხნის შემდეგ კი განაგრძობ:

— როგორც, ალბათ, ყველა დედა, მეც ჩემი შვილების ცხოვრებით ვცხოვრობ, მათით ვსულდგმულობ. ვცდილობ, ჩემს შვილებს დედობაც გაუწიო და უმამობაც არ ვაგრძნობინო, თუმცა, უნდა ვითხრათ, მათ პირად ცხოვრებაში იშვიათად ვერევი, ვიცი, დამოუკიდებლები არიან და არასოდეს ვზღუდავ. აი, თუნდაც, როგორ განვიციდინე მიშიკოს დაოჯახების პრობლემას, მაგრამ მისთვის ეს არასოდეს მიგრძნობინებია, როცა გავიგე მისი გადაწყვეტილება, სიხარულით ცას ვეწიე.


საუბარი გაგვიგრძელდა. ვათვლიერებდი მათ ოჯახში თითქმის კულტად ქვეულ ალბომებს და ასე მეგონა, მათი ოჯახური გარემოსა და მისაური ატმოსფეროს თანამონაწილემ და თვითმხილველი ვიყავი.

აი, საიდან მოდის თურმე მიხეილ მაჭავარიანი.

აქვე გთავაზობთ ინტერვიუს საგადასახადო შემოსავლების მინისტრთან, რომელიც ისევ დედის — ქალბატონ მარინე მდინარაძის დახმარებით შედგა.

\* \* \*

— ბატონო მიხეილ, რა გზა განვლეთ სკოლის მერხიდან მინისტრობამდე?



„სულ ხევით, ხევით, მალა და მალა“...

— დავბადე 1968 წელს, თბილისში, დავამთავრე პირველი საშუალო სკოლა, ვიმსახურე საბჭოთა არმიის რიგებში. ვსწავლობდი სასოფლო-სამეურნეო ინსტიტუტში.

შემდეგ დაიწყო ცნობილი მოვლენები თბილისში. მე რუსთაველის ქუჩაზე ვცხოვრობ და ეს ყველაფერი ჩემს თვალწინ ხდებოდა. 91-92 წლების მოვლენებში და მით უმეტეს „თბილისის ომში“ მონაწილეობა არ მიმიღია, რადგანაც მიმაჩნდა, რომ ეს იყო არასწორი ომი. ჩემი თაობის ბიჭები ერთმანეთს ესროდნენ მხოლოდ პოლიტიკური შეხედულებების განსხვავების გამო და ეს პრობლემა იარაღით არ უნდა გადაწყვეტილიყო.

1993 წელს კი, როდესაც ყველაფერმა გაცილებით ფართო მასშტაბები შეიძინა და მთელს საქართველოს მოედო, ამის აღსაკვეთად შეიქმნა მოქალაქეთა კავშირი. მე გადაწყვეტიე, რომ ჩემი, თუნდაც უმნიშვნელო წვლილი, შემეტანა ამ პროცესების შეჩერებაში. მე და ჩემმა მეგობრებმა ერთად შევექმნით მოქალაქეთა ახალგაზრდული კავშირი.

1995 წელს სმკ-ს პარტიული სიით გავხდი პარლამენტის წევრი, ცოტა ხანში, პარტიის თავმჯდომარისა და ზურაბ ჟვანიას მხარდაჭერით — სმკ-ს გენერალური მდივანი.

...სულ ეს არის ჩემი გზა სკოლის მერხიდან მინისტრობამდე. თუმცა, იყო არჩევნებისათვის მზადებები, გამარჯვებები, იმედგაცრუებებიც...

— ყველას რაიმე აქვს სახსოვარი ანუ “რაც დავიწყებით არ იბინდება”.

— ასეთი მოვლენები ძირითადად ჩემს ბავშვობას უკავშირდება. მე ნამდვილ თბილისურ ეზოში ვავიზარდე. ეს იყო ეზო, სადაც არ არსებობდა არც ენობრივი, არც ეროვნული ბარიერები, სადაც ყველა ერთმანეთის პრობლემით ცხოვრობდა.

ჩვენს სახლში ხშირად იკრიბებოდნენ დედაჩემის და მამაჩემის მეგობრები. მამას კი ხშირად დავყავდით ექსპედიციებში, ნაბიჯ-ნაბიჯ გვაქვს შემოვლილი მთელი საქართველო.

— საიდან მოდიხართ და საით მიდიხართ?

— მე ჩემი წინაპრებიდან, ჩემი ოჯახიდან მოვდივარ, სადაც შრომა, პატიოსნება და ურთიერთპატივისცემა უმთავრესი ფასეულობები იყო...

საით მივდივარ? მე მინდა პირნათელი მივიდე იქ, საითაც მივდივარ. მინდა, არ შემრცხვეს ჩემი ხალხის, საკუთარი შვილის წინაშე, როდესაც მკითხავს, რა გავაკეთე სამშობლოსათვის?! მინდა ჩვენს შვილებს ისეთი ქვეყანა ჩავაბაროთ, იგივე ტერიტორიებით, რაც ჩვენმა მამებმა დავეტოვეს, წელგამართული ეკონომიკითა და შესაბამისად ცხოვრების კარგი პირობებით, რომ დაიმკვიდრონ საზოგადოებაში საკუთარი შესაძლებლობებისა და შრომის შესაფერისი მდგომარეობა.

— ფაქტორები, რამაც თქვენს პიროვნებად ჩამოყალიბებაში გარკვეული როლი შეასრულა.

— ალბათ, ბევრია ასეთი ფაქტორი... გაცნობიერებული თუ გაუცნობიერებელი... თუმცა ვთვლი, რომ დღესაც ჩემს გვერდით უამრავი ადამიანი, ვისი გონებრივი შესაძლებლობები არა მარტო პატივისცემას, არამედ აღფრთოვანებასაც იმსახურებს.

ელჰარდ შევარდნაძე, ზურაბ ჟვანია ჩემთვის ასეთი ადამიანები არიან.

და, რა თქმა უნდა, ჩემს პედაგოგებს, ლექტორებს, ნათესავებსა თუ მეზობლებს ჩემს ცხოვრებაში უკვალოდ არ ჩაუვლიათ.

– რა იყო თქვენთვის მინისტრობის პოსტის შემოთავაზება?

– პირველ რიგში უზარმაზარი პასუხისმგებლობა. რა თქმა უნდა, ნდობაც. გულწრფელად გეტყვით, მინისტრობა ნამდვილად არ მინდოდა. ჩემთვის უფრო მეტად მომგებიანი პოლიტიკური ქულების დასაწერად პარლამენტის ტრიბუნიდან განცხადებების კეთება იქნებოდა, თუმცა ვთვლი, რომ თუ პოლიტიკაში ხარ, პასუხისმგებლობას არ უნდა შეუშინდე და უკან არ უნდა დაიხიო, რადგანაც დღეს აქ, ეკონომიკაში წყდება მთელი საქართველოს ბედი. თუ დაემარცხდებით, საქართველოც დამარცხდება.

– რა არის პრიორიტეტული თქვენს საქმიანობაში და როგორ აფასებთ გზის დასაწყისს?

– პრიორიტეტი საგადასახადო სისტემის მოწესრიგებაა. მე შეგნებულად არ დავიწყე ბრძოლა პერსონალების წინააღმდეგ, რადგანაც ვთვლი, რომ ის მდგომარეობა, რაც საბაჟო-საგადასახადო სტრუქტურებშია, სისტემის ბრაღია.

ეს სამსახურები თავის დროზე ასრულებდნენ საკუთარ ფუნქციებს, მაგრამ დღეს ვეღარ პასუხობენ დროის მოთხოვნებს. ამიტომ აუცილებელია სისტემის მოწესრიგება რეფორმების გზით.

– ვინ გიღვათ გვერდში, ვის მხარდაჭერას ითხოვთ?

– გვერდში მიდგას პრეზიდენტი ელჰარდ შევარდნაძე და პარლამენტი, უმთავრესი კი მაინც მოსახლეობის მხარდაჭერაა.

რადგანაც თითოეულ ჩვენგანზეა დამოკიდებული ქვეყნის მომავალი. გადასახადი არ არის არც იძულებითი, არც ძალადობის ფორმა. ეს არის სოლიდარობის გამოცხადება შენს მეზობლად მცხოვრები პენსიონერისადმი, განათლების სისტემისადმი, ჯარისადმი და საერთოდ სახელმწიფოებრიობისადმი.

დროა, გაეაცნობიეროთ, რომ საქართველოსათვის ასე უჩვეულოდ მომრავლებული მათხოვრები, მასწავლა, უსახლკარო ბავშვები ჩვენი საზოგადოების ბრაღია, ჩვენი ბრაღია, ჩვენი უყურადღებობისა და უპასუხისმგებლობის. თითოეულ ჩვენგანს საკუთარი წვლილი აქვს შეტანილი ამაში საგადასახადო დამალვით და კონტრაბანდით, ყველას, ძალისმიერ თუ არაძალისმიერ სტრუქტურას. ეს ჩვენი დიდი სირცხვილია და ამას უნდა მოვერიოთ.

– “ცხელი ხაზი” ალბათ, საგადასახადო შემოსავლების სამინისტროში გასატარებელი რეფორმების ერთ-ერთი სახეა, სხვა სიახლეებზე რას გვეტყვით?

– “ცხელი ხაზი” არის საშუალება, მოსახლეობამ საკუთარი წვლილი შეიტანოს საბაჟო-საგადასახადო სისტემაში გამეფებული კორუფციის დასამარცხებლად.

ჩვენ დავიწყეთ რეფორმა საგადასახადო სისტემაში. საბაჟოს რეფორმა კი სექტემბერშია დაგეგმილი.

– ახლა კი მცირე ლირიკული გადახვევა: რას ნიშნავს თქვენთვის “ფიქრებთან მარტო დარჩენა”?

– რა არის თქვენი გატაცება, ე. წ. “ჰობი”?

– რა ადგილი უკავია იუმორს, ერთი შეხედვით მკაცრი და შეუვალი მიხეილ მაჭავარიანის ცხოვრებაში?

– ფიქრებთან მარტო დარჩენა არის საშუალება, ავწონ-დავწონო, შეიძლება კრიტიკულადც შევაფასო, პირველ რიგში საკუთარი ნაბიჯები და, რა თქმა უნდა, სამომავლო გეგმები.

მიყვარს ფეხბურთი, ბუნებაში მეგობრებთან ერთად დასვენება, თუმცა, სამწუხაროდ, ამისათვის დრო თითქმის არ მრჩება.

პრინციპში ვფიქრობ, რომ არც ისე მკაცრი ვარ. ადამიანში კი იუმორის გრძნობას ძალიან ვაფასებ.

– და ბოლოს, რითი ანუგეშებთ თქვენსკენ ნდობის თვალით მომზირალ ადამიანებს?

– ნუგეში უიმედო ადამიანს სჭირდება, საქართველოს კი ნამდვილად აქვს საფუძველი, ჰქონდეს მომავლის იმედი, თუმცა ამისათვის აუცილებელია, მთელმა ერმა მოინდომოს, იცხოვროს ნორმალურ სახელმწიფოში.

P.S. ვიდრე ჩვენი ჟურნალი დაიბეჭდებოდა, მიხეილ მაჭავარიანმა დაოჯახებაც მოასწრო და იენისის გეგმაც შეასრულა, რასაც „დროშელები“ გულმხურვალედ კულოცავენ.



მიხეილ მაჭავარიანი მეუღლესთან



ვანიკო მაჭავარიანი მეუღლესთან



მიხეილი და ვანიკო მშობლებთან

მამუკა ცეცხლაძე



# ნისლი ფიქრია შაჰზისა

● “გამოთქმული ფიქრი ტყუილია” – დაუფიქრებლად ვერ დაიჯერებ ამას ადამიანი, მაგრამ თუ დაუფიქრდები, მართლა ასეა – გამოუთქმელი ფიქრია ფიქრი და ჭეშმარიტებაც, ცხადია, იმ გამოუთქმელშია, იმ ნისლში, რომელიც “ფიქრია მთებისა”.

მთები, მოგეხსენებათ, არას ამბობენ, “დგანან და ელიან”.

ბუნების ნაწილია ადამიანიც და მისი ფიქრიც ამიტომ ნისლია ისევე, როგორც მთებისა.

კარგ მთქმელს კარგი გამგონი უნდა, რადგან ყველაფერი, რაც ითქმის, მართლა ტყუილია, ჭეშმარიტი ის ფიქრია მხოლოდ, საიდანაც ეს თქმულია ამოზიდული.

“შე არ ვწერ ლექსებს, ლექსი თვითონ მწერს”, სხვები – ღმერთი მაწერინებსო – ამბობენ, კარგ მოლაპარაკეზე იტყოდნენ გურიამი – კარგი მთარგმნელიაო. პოეზიის, ხელოვნების არსებაც სწორედ ეს არის და ამაშია.

“ტოტებს ქარისას გადაჰყვამარტი” – სრული უაზრობაა, რა თქმა უნდა, მაგრამ ეს “ტყუილი” იმ ფიქრში გვაბრუნებს, საიდანაც ჩვენ სულ სხვა, ერთი შეხედვით გაცილებით უფრო გასაგები და “მართალი” სიტყვები ამოვზიდეთ თავის დროზე და ქარსვე გავატანეთ ამიტომ იმ მარტის მომდევნო აპრილ-მაისებშიც.

ვერც კარგი მთქმელები გამოვდებით და ვერც კარგი გამგონენი.

ახლა უარეს დღეში ვართ – “მუზები” ისე არ “მოგვიდის”, ვინმე თუ არ “წაიკუზა” ფარსავად ჩვენს თვალწინ... “სოფლელი ბიჭის” არ გაიშვა არაფერიო, ვამბობთ – ქალაქელები ვართ, “რაც კარგები ვართ!” “ცვრიან ბალახზე ფეხშიშველებს” არ გაგვივლია და აღარც მამული ვიცით ამიტომ რა არის, აღარც დედამიწაა უკვე დედა, დედინაცვლი გვყავს და იმ დედინაცვლის ხელოვნურ მჭეს ვფიცულობთ – დედაზე უფრო ახალგაზრდულად გამოიყურება, უფრო მდიდრულად, უფრო ლამაზად და ვინბილებით დაუფიქრებლად.

მთები კი “დგანან და ელიან”, ჩვენი მთები, მთები მისტიკური საგვიორგოსი, ანუ მიწათმოქმელთა ქვეყნისა.

“ისინი ჩამოვიდნენ მთიდან” – კი არ ჩამოვიდნენ, ჩამოიყვანეს. შედეგი? ახალგაზრდა ანზორ აბულაშვილის ერთი უჩუმი სტრიქონი მაკონდება: “მე ერთ პატარა სოფელს დაეაკლდი და ამ დიდ ქალაქს ვერ მივემატე”. ჩუქჩების ტრაგედიაც ეს არის – აკყარეს თავიანთი სამკვიდრებელიდან და ყველას დიდ ქალაქებში მოუყარეს თავი, წამოვიდა და წამოვიდა მერე ანეკდოტები, მუცელი ხელით ეკავა მთელს სსრკ-ს. ჩვენ ჯერ ხევსურებს ვუსადაგებდით ამ ანეკდოტებს, ამ ბოლო დროს კი სევანებს ვუსადაგებთ. ვტყუით თან – “მთას დაუბრუნდა მთიელი”. დაბრუნებულებისა რა მოგახსენო – ღმერთმა ყველას მოუმართოს ხელი, თუკი მართლა დაუბრუნდა ვინმე ჩვენს მთას, სასიკეთოდ თუ დაუბრუნდა, მაგრამ პირში ვარდის წყალი უნდა გამოვივლით უეჭველად და ისე მოვიხსენიოთ ყველა, ვინც ჯერ კიდევ გვეუბლება იქ (და სხვაგანაც ყველგან – ჩვენი მთისა თუ ბარის სოფლებში) ჩვენდა იმედად და სასოებად. უპირველესად დალის ხეობას ვგულისხმობ, მაგალითად, კონკრეტულად ჩვენს დღევანდელ შემთხვევაში.

თავისუფლება თუა, უწინარეს ყოვლისა, სიტყვისა უნდა იყოს, ცხადია და “ენაზე მომდგარ სიტყვასა სულ ყველას” რად არ უნდა თქმა, აღარ გვესმის. არადა, თუ კარგად ჩავუფიქრებდით, შეიძლება იმ დასკვნამდეც მივიდეთ, რომ არცერთს არ უნდა თქმა – “ყველა თვალსაზრისი მცდარიაო” – წერდა, მაგალითად, პოლ ვალერი, ანუ – “გამოთქმული ფიქრი ტყუილიაო” – ამაზე ფიქრობდა ისიც.

ტყუილსაც გააჩნია, რა თქმა უნდა, – ერთია, როცა “იცო, რომ არაფერი არ იცი”, მეორეა – როცა გგონია, რომ იცი ყველაფერი. აი, როცა ყველას ასე ჰგონია, რომ ყველაფერი იცის, მართლა აღარ იცის აღარავინ არაფერი. გამოთქმული ფიქრი გამოუთქმელსაც

ამარტივებს და აწვრილმანებს – “ზარბაზნების ქუჩილში მუზები დუმდებიან”.

ომში კი მეომრის თვალსაზრისია, რა თქმა უნდა, გადამწყვეტი. გამოთქმული ფიქრიც სხვა არა არის რა თუ არა მეომრის თვალსაზრისი.

აი, ამ როცოდ გამოთქმული, ვმარტულივით ლამაზი ფიქრით იწყება ყველა ომი, მისით სულდგმულობს და მისითვე მოიგება, თუ მოიგება.

“რაც მტრობას დაუნგრევია, სიყვარულს უშენებია”, რა თქმა უნდა, მაგრამ იმას, ვისაც ჰგონია, რომ ყველაფერი იცის, ნგრევა ეხერხება მხოლოდ და შენება არ შეუძლია. სიყვარულის სახელითაც ანგრევს, ცხადია, როცა ანგრევს, მაგრამ თავად სიყვარულს ხდის ამ დროს შეუძლებელს, შენება კი უსიყვარულოდ არ გამოდის.

პროფესიონალიზმით, რომ ვამბობთ, ცხადია, დიდად საინტერესო რამ არის ეს, მაგრამ რა ჰქვია იმას, სიყვარულს რომ პროფესიად გაიხდის ადამიანი? თავისუფალი სიყვარული რადაა? თუ გიყვარს, რანაირად შეიძლება იყო “თავის უფალი”, ან რა თავში იხლი ამ შენს “თავის უფლებას”?

შენ რომ უყვარხართ, ეს არის, როგორც ჩანს, თავისუფლება და შენების პერეოგატივაც, ცხადია, იმას ეკუთვნის და იმისია, ვისაც უყვარხარ. მშენებელს კი, შემქმნელს, შემოქმედს და, ესე იგი, “ღმრთის ხატს”, ანუ იმას, ვისაც უყვარხარ, პატივი უნდა სცე.

“პატივი ეც მამასა და დედასა შენსაო” – უწინარეს ყოვლისა, შვილის აი, ამგვარ “თავის უფლებას” გულისხმობს და ზღუდავს.

(“დედას ვუყვარვართ შეილები, დედა არ გვახსოვს შეილებსა, მიტომაც წუთისოფელი სულ მუდამ გვაცოდვილებსა”).

აი, ამ “თავის უფლებიდან” იწყება პროფესიონალიზმი სიყვარულში, ანუ გაფუჭება იმისი, რაც ღმრთისაგან კეთილია (ანუ გაკეთებული) და ღვთაებრივი შემოქმედების ნაყოფი გახლავთ.

აქედან იწყება კორუფცია ადამიანისა.

უცხო სიტყვა ყოველთვის მშობლიურზე უფრო ღმობიერია, რადგან ბოლომდე არ გვესმის მისი შინაარსი. კორუმპირებული ის არის, ვისაც ქართულად გაუგებებელი კაცი გვიქვია, თუ გვიქვიოდა და ახლა აღარ გვიქვია.

თბილისში ადამიანს, ამარტივებს და აწერილმანებს მის ფიქრს.

არ ვიცი, მართლა ასე იყო თუ არა, მაგრამ ხმა გამოვიდა მაშინ ასეთი და უეჭველად დიდი სიმაღლე იქნა იმ ჭორში, თუ ეს ჭორი იყო – რეაბილიტაციის მერე ლევან გოთუასათვის კათალიკოსობა შეუთავაზებით თითქოს, შორს დაუჭერია ლევან გოთუას – მე იმდენი უბედურება მაქვს ნანახი, რომ ჩემი მღვდლობა არანაირად არ შეიძლება.

მეომარი, “ომგადახდილი” კაცი იყო ლევან გოთუა – ბანაკში პაპიროსის კოლოფების ნაგლეჯებზე დაუწერია “გმირთა ვარამი”. წამებული და მოწამე ის იყო თუ იყო, მაგრამ აი, მღვდლობის უფლება ვერ მისცა და არ მისცა თავის თავს.

პრეზიდენტობას მონიღობდა თუ არა, არ ვიცი და ვერ მოგახსენებთ.

წერით კი წერდა ყოველთვის და გამოუთქმელი ფიქრების ნისლიში გალია თავისი წუთისოფელი.

იმას, ვისაც “აკაკის ვერ ვაჩვენებთ”, ვერც ლევან გოთუას ნაფიქრებს შეეკადრებთ, ცხადია, მაგრამ ისიც ხომ უნდა ვიკითხოთ ხანდახან, რას გვაჩვენებს და რას გვაკადრებს ის ჩვენ?

იგივე პოლ ვალერიანთან, მაგალითად, არაფერი გვექნებოდა ალბათ საბოლოო “გარემოების საყვირის” გამო – (სწორედ პარიზში დადგა თავის დროზე ნობელის პრემიაზე აკაკის შემოქმედების წარდგენის საკითხი) – მაგრამ დღესდღეობით თურმე სირცხვილით ვერსად ვერ გაგამხელით, რომ ჩვენს პოეტს ასეთი “სოფლური” აზრები მოსდიოდა თავში: “ჩემი ხატია სამშობლო, სახატე – მთელი ქვეყანა”.

რა ხატია, რის სახატე, ტყუილია ყველაფერი, ცივილიზებული სამყარო ამას ვერ გაიგებსო. ჩვენი კარგი პრეზიდენტიც, სამწუხაროდ, იმ თაობას ეკუთვნის, ვისაც ამგვარი ტყუილებისა სჯერათ.

ვაი, ჩვენს მოსწრებას, თუ მართლა მარტო ჩვენი პრეზიდენტის თაობას სჯერა დღეს ჩვენში ამგვარი “ტყუილებისა” და ცივილიზებული სამყარო ამას ვერ გაიგებს, მაგრამ იქნება არც ისე ცუდად იყოს ჩვენი და იმ ჩვენი ცოდვით სავსე ცივილიზებული სამყაროს საქმე, როგორც ჩვენ გვეკონია?

ქართულს ის ებღაუჭება, ვინც უცხო ენები არ იცისო?!

რა მოგახსენებთ – უცხო ენას ადამიანი მხოლოდ იმ მოცულობით შეიძლება დაუფლოს, რა მოცულობითაც თავისი დედენა იცის, ანუ რა მოცულობითაც სჭირდება მას საერთოდ ენა. ჩვენს ბაჩანა ბრეგვაძეს, მაგალითად, თავისი არც უცხო ენების ცოდნა აკმაყოფილებს და არც ქართულისა, მეტი სჭირდება და იმიტომ.

ენამ დაიწყო იცის, რა თქმა უნდა, მაგრამ ამ შემთხვევაშიც ყველაფერი იმაზეა დამოკიდებული თუ რა მოცულობით ფლობდნ თავის დროზე იმ ენას, რომელიც გავიწყდება.

ილიასი და აკაკის, ვაჟას, გალაკტიონის... რუსთაველის მცოდნესა და მეტნაკლებად გამგებს ქართული ასე იოლად არ დაივიწყდება.

შვილიშვილი რომ ბაბუას ჭკუას ასწავლიდეს და ბაბუამ უთხრას – შენ რომ ახლა

იცი, შვილო, იმდენი მე უკვე კარგა ხანია, რაც დამაიწყდა, მცირედენი გამოხატვისის გარდა, ცხადია, ბაბუა იქნება ყოველთვის მართალი.

ბაბუა ბაბუა და რაღაც-რაღაცები შეიძლება მართლა დაივიწყდეს, მაგრამ აი, შვილიშვილს თუ დაივიწყდა, მაშინ არის ცუდად საქმე.

ზოგს დედა-ენის ცოდნა არ აკმაყოფილებს დღეს ჩვენში, რადგან მეტი სჭირდება, ყველას ერთად კი – ის შემოსავალი, რაც დედა-ენის შემყურე და მოიმედე ჩვენი ხალხის უმრავლესობას გვაქვს.

ნეკრასოვისა არ იყოს, მოდი ესეც ვიკითხოთ – “ვინ ცხვრობს დღეს საქართველოში კარგად”, ანუ შედარებით კარგად და, ესე იგი, ჩვენს სამშობლოზე უკეთ (პატრიოსან მოქალაქეებზე მოგახსენებთ, კორუმპირებულებს არა გვეულისხმობ)? ის, ვინც “სრულყოფილად”, ანუ მისთვის საჭირო მოცულობით იცის ინგლისური, ან გერმანული.

უცხო ენების ცოდნას რა სჯობია, მაგრამ ეს ვითარება თუ ქართული ენის სასარგებლოდ არ შეიცვალა, დედა-ენა უეჭველად დაივიწყდება თუ სულ მალე ჩვენს შვილიშვილებს, უცხო ენებზე კი მარტო ის ეცოდნებათ, რაც დედინაცვალმა იცის.

ბევრიც რომ მალე, ჭირი თავის თავს მაინც ვერ დამალავს – იმედის თვალთი აცქერდება გაჭირვებული კაცი თავისივე ბედის მოზარეს, მაგრამ სარგებელი თუ ვერა დაინახა რა მის თვალში, ათეულისწუნებს და აღარ უნდა მერე იმისი არაფერი, ხოლო იქ, სადაც სარგებელია, ბედიც სხვაა და იმ ბედით მოხიბლული საკუთარ ბედს იწყველის უბედური, იმ სარგებელიან ბედს შენატრის და ექოტინება.

მეტისმეტეი ხომ არ მოგვედის ამ ბოლო დროს ეს ბედის სამღურავი? შესაძლებელზე და გასაკებზე მეტად ხომ არ აეთივალისწუნეთ ერთიმეორე? იქნება ყველა იმას ვედრებით, ვისი ბედითაც ვართ მოხიბლულნი და ერთიმეორეს ვეღარ ვცნობთ ამიტომ?

არასოდეს დამაიწყდება – ახალგაზრდა საბჭოთა ქართველებს პარიზული ქართველები გემასპინძლობდნენ, ვერიდებოდნენ, ცხადია, ფიქრის გამოთქმას, ისინიც ერიდებოდნენ, ერთიმეორეს ვერიდებოდით ერთი სიტყვით და ვერა და ვერ ავაწყვეთ საუბარი.

ბოლოს მასპინძელთაგან ერთ-ერთმა, ჩვენს შორის ყველაზე უფროსმა, გულლიად შემოგვიღიმა და ბრძანა: არა, ბატონებო, ჩვენ დღეს ერთიმეორესთან ვერ ვისაუბრებთ გასაკები მიზეზის გამო, (დღემდე არ ვიცი დანამდვილებით, იჯდა თუ არა იმ დღეს ჩვენს შორის ფიზიკურად ეს “გასაკები მიზეზი”) მოდი ვიმღეროთ.

ვიმღერეთ, მთელი საღამო ვიმღერეთ, სიტყვა არ გვითქვამს სხვა ერთმანეთისათვის და მივხვდით, რომ ყველას ძალიან, ძალიან გვიყვარდა ერთმანეთი. დაუვიწყარი საღამო გამოვიდა.

სხვა გამოსავალს მე ვერც ახლა ვხედავ. უნდა ვიმღეროთ, გამოუთქმელი ფიქრი უნდა გაუზიაროთ ერთიმეორეს, ვინმელო მართლა გაუმთლიანდეთ ამ სიმღერაში ისევე, როგორც ამ ორმოცი წლის წინათ გაუმთლიანდით პარიზში საბჭოთა და ფრანგი ქართველები.

გვიჭირს, ყველას გვიჭირს, ან გაჭირვებამ თქვენი მონა მორჩილი ვერის უბნიდან ღრმადლეღვი გადამასახლა ამ ზამთარს. გამოზაფხულდა, როგორც იქნა და ჩემი ახალი სახლის წინ, ჩემი ბინის ძველი მეპატრონის მიერ ოდესღაც დარეკულმა გარგლის ხეებმა

მწვანე ნაყოფი გამოისხეს. მთელი უბნის ბავშვები იმ გარგლის ხეებზე იყრიან თავს, უშფოყარ გარგალს მიირთმევენ და – ყურებს არ დაუფუკერე პირველად – “გიხაროდნო” – მღერიან. მეც ძალიან გამაღლიზიანა, მართალი გითხრათ, თავიდან ამ სიმღერამ, მაგრამ აი, ამ ბავშვების ნამღერო სულ სხვაა – უნდა გიწოდეს, როგორც ჩანს, რომ გაიხარო, თუ არ გინდა – ვერ გაიხარებ.

ტყუილით და ტყუილ-ტყუილით, ძალით და ძალის ძალით ჰარმონიული სსრკ სტალინის მერეც დიდხანს ეწინააღმდეგებოდა (და როგორც ახლა ირკვევა – საქმაოდ ეფექტურად) იმ გულახილად და უკან მოუხედავ დისპარმონიას, რაც “ვეროსის დაის” მოჰყვა, როგორც, უწინარეს ყოვლისა, დასავლური რეალობა. სამოციანი წლებში ჩვენში უეჭველად ამისი ნაძალი გახლდათ ორი, პირდაპირ მისამართს აცდენილი და ლიტერატურის სფეროში შემოიჩიბებული პოლემიკა არქაისტებისა და ვერლიბრის თაობაზე. ცხადია, წმინდა ლიტერატურული თვალსაზრისით აქ სადავო და საკამათო არაფერია და არაფერი იყო – ყველამ მშვენივრად უწყობდა და უწყის, რომ მთავარი “ნიჭია, ძამიკო, ნიჭი!” აი, საფიქრალი კი უეჭველად არის აქ და სულ სხვაა ეს საფიქრალი, საფიქრალი და არა საბოლოო.


“ვარდებისათვის კი არ ვიხრები, პალოებს ვაძირობ” – ვაფრენ, ისე მომწონს ეს სტრიქონი, მაგრამ... უბედურებაა ეს! ბედნიერება კი ის არის ჩვენი, რომ ჩვენ გვეყვს დღეს პოეტი, რომელიც ასე მძაფრად განიცდის ამ ზოგადკაცობრიულ, უკვე ზოგადკაცობრიულ, დისპარმონიას. იმედის სხივც სწორედ აქ ჭიატებს, ამ განცდამში.

“სიყვარული არ იქნება ძალაა” და ვერც პარმონია იქნება, ესე იგი, ძალით, ვერც “ერთ წყალში შევალთ მეორეჯერ”, ცხადია, მაგრამ მეორე მხრივ, გაუცხოება, რაკილა დასავლური, ანუ ცივილიზაციის თანმდევი მოვლენაა დღესდღეობით, ამიტომ კარგი კი არ არის?! სამწუხარო, დიდად სამწუხარო რეალობაა ეს და როგორმე იმას უნდა ვცდილობდეთ ყველა, რომ შეძლებისდაგვარად ავიცილოთ თავიდან, ან რაც შეიძლება ნაკლებად შევიხით.

ცივილიზაციის უეჭველად კულტურული ფენომენია, მაგრამ ცივილიზაცია და კულტურა ერთი და იგივე არ არის. ცივილიზაციის მონაპოვარი კულტურული კონტექსტიდან თუ ამოვარდა, იმ სურათს მივიღებთ “მაიმუნისა და სათვალის” ცნობილ იგავ-არაკში რომ არის დახატული. საოვალე, მოგესხენებათ, ძალიან იოლად და უცხად შეიძლება გატყდეს, მაიმუნის გაადამიანება კი უსაშველოდ ხანგრძლივი პროცესია. ეს პროცესი თუ წინაუქმო შეტრიალდა, საითქენაც წავალთ (და მივდივართ უკვე კარგა ხანია – მას მერე, რაც “ღმერთი მოკვდა” თუ მოკვალთ, ჩვენი ჭკუით), ხომ ცხადია.

კოსმოსიც შეიძლება შემოვიაროთ ცივილიზებულმა ადამიანებმა და ეს ჩვენი ცოდვით სავსე დედამიწაც გაეზვიერეთ ერთი პოლუსიდან მეორემდე, მაგრამ ვერსად ვერაფერს ვერ დაინახავთ მანამ, სანამ ჩვენს შორის ვერ ვიცნობთ და არა ვცნობთ ღმერთს, ანუ იმ ერთადერთ, ყოვლად საყოველთაო და ყოვლისმომცველ ჭეშმარიტებას, რომელიც “სიყვარული არს”!

თუმცა, მცდარია ალბათ ეს თვალსაზრისიც ისევე, როგორც ყველა სხვა თვალსაზრისიც... ჩვენს გამოუთქმელ ფიქრთ გასართოვლად მოგახსენეთ მხოლოდ ის, რაც მოგახსენებ.



● ასი წლის წინათ დიდი ქართველი პედაგოგი იაკობ გოგებაშვილი წერდა: „ბევრმა ქართველმა შესაძლებელია არ იცოდეს, სად მდებარეობს სამურზაყანო“. სამურზაყანოს მახრას 1925 წელს ეწოდა გალის მახრა, სამაზრო ცენტრს – გალის გამო, 1929 წლიდან – გალის რაიონი... გალი ამჟამად თითქმის მიუღმა მსოფლიომ იცის.

გალის, როგორც დასახლებული პუნქტის, შესახებ არავითარი ცნობები არ არის დაცული „ქართლის ცხოვრებაში“, არც ვახუშტი ბაგრატიონს აქვს იგი მოხსენიებული, თ. ჟორდანიას „ქრონიკებშიც“ არაფერია ნათქვამი გალზე. მიუხედავად ამისა, გალი ერთ-ერთი უძველესი დასახლებული ადგილია საქართველოში. 1934 წელს გალში არქეოლოგმა ს.ნ. ზამიატინმა იპოვა ქვედა პალეოლითური კაჟის იარაღები /ხელცული, წვეტანები, სახოკები/. ნაპოვნია გვიან პალეოლითური ხანის, აგრეთვე ნეოლითური კაჟის იარაღები, ხოლო სპილენძის ზოდების აღმოჩენა განვითარებულ ენეოლითზე მიუთითებს. გალის ტერიტორიაზე ნაპოვნია ძველი მეტალურგიული სახელოსნოს ნაშთები, აღმოჩენილი ბრინჯაოს ზოდები და ბრინჯაოსგან დამზადებული იარაღები. შუა საუკუნეებში აქ დასახლებული პუნქტის არსებობაზე ქალაქის ჩრდილოეთ ნაწილში აღმოჩენილი კერამიკული მილები და კოშკის ნანგრევები მიგვიითითებს...

არქანჯელო ლამბერტის რუკაზე/1654 წელი/ გალი გოგიელის სახელწოდებითაა აღნიშნული. გოგიელი ამ დროს სამეგრელოს სამთავროში შედიოდა: ტოპონიმ „გალის“ წარმოშობა მეცნიერულად ახსნილი არ არის, ვარაუდობენ, რომ მეგრული დალი რუსულად გალი არისო. ეს ვარაუდი არ უნდა იყოს სწორი.

სიტყვა „გალი“ მეგრულად მოულოდნელად, უეცრად შეკრომას ნიშნავს. გალი

ძლიერ ემსგავსება აფხაზეთის აღმოსავლეთი ნაწილის ტოპონიმებს: ჯალი, ფალი, დალი, ფსკალი, აგრეთვე ჯგალი – სამეგრელოში. რატომ არ შეიძლება ვივარაუდოთ, რომ მე-17 საუკუნიდან მე-19 საუკუნის ჩათვლით ტოპონიმი გოგიელი შეცვლილიყო გალით... ჯერ კიდევ 1989 წელს აფხაზეტმა მიიღეს დადგენილება გალისაივის ეწოდებინათ ალეკუშპარა:

1840 წელს სამურზაყანოს ცენტრი ბედიიდან გადატანილ იქნა სოფელ ოქუშში. ჩენი საუკუნის დასაწყისიდან სამურზაყანოს მოწინავე საზოგადოებრიობამ დასვა საკითხი სამურზაყანოს ცენტრის განაპირა მხრიდან გეოგრაფიულ ცენტრში, სოფელ მეორე გალში გადმოტანის შესახებ. ამ საკითხს გამოეხმაურა ილია ჭავჭავაძის „ივერია“./1902წ. N68. 29. მარტი/. „ივერია“ მოუწოდებს მთავრობას და საზოგადოებას ცენტრის ოქუშიდან მეორე გალში გადმოტანის შესახებ. მართლაც 1906 წლიდან სამურზაყანოს უზნის /შემდეგ მაზრის/ ცენტრი გახდა მეორე გალი, რომელსაც გალი უწოდეს. კონსტანტინე მაჭავარიანი, რომელიც წარმოშობით ოქუშიდან იყო, თავის წიგნში სოხუმის შესახებ, გულისტკივილით აღნიშნავს, რომ ცენტრი ოქუშიდან გადატანილ იქნა „ჭაობიან ადგილას, სახელდობრ სოფელ გალში“-ო.

1888 წელს ადგილობრივმა მაცხოვრებლებმა აღძრეს საკითხი სოფელ მეორე გალში დაწყებითი სკოლის დაარსების შესახებ.

მოსახლეობის დაყინებული თხოვნით გადაწყდა სკოლის გახსნა სოფელ მეორე გალში. შემდგომ ეს სკოლა გადაკეთდა ორკლასიან სასწავლებლად... სკოლისათვის შენობის აგება დამთავრდა 1899 წელს /ამჟამად გალის პირველი საშუალო სკოლა/.

ორსართულიანი ქვის ორი შენობა /სკოლა და სასამართლო/, მთავარი

გზატკეცილის გასწვრივ ჩამწკრივებული ხის დუქნები ადგილობრივი ვაჭრებისა და ხელოსნებისა, აი რა იყო გალის ცენტრალური ნაწილი 1925 წლისათვის.

1917 წლამდე გალს ერთი ექიმი და ორი ფერშალი ემსახურებოდა. ექიმი იყო იოსებ შავგულიძე, ცნობილი ფეხბურთელის შოთა შავგულიძის მამა. ათადგილიანი საავადმყოფო კერძო სახლში იყო მოთავსებული. 1925 წელს გალში აშენდა აგურის ქარხანა, 1930 წელს ჩაის ფაბრიკა. 1931 წელს გალი რკინიგზით შეუერთდა თბილისს.

1932 წლიდან გალი ქალაქია. 1926 წელს მოსახლეობა შეადგენდა 1431 კაცს, 1982 წელს – 16052-ს. უკანასკნელ ათეულ წლებში გალში აიგო კულტურის სახლი, რაიონული საავადმყოფო, საშუალო სკოლის სამი შენობა, ფოსტატელეგრაფი, ადმინისტრაციული სახლი, კომუნალური სახლები. გალის ცენტრში აგებულმა ოთხ და ხუთსართულიანმა სახლებმა კიდევ უფრო დაამშვეინეს ქალაქი.

გალი სამრეწველო ქალაქიც იყო. ქალაქში იყო ოთხი საშუალო, ორი მუსიკალური და საბავშვო-სამხატვრო სკოლა, არსებობდა სახალხო თეატრი, ისტორიულ-ეთნოგრაფიული მუზეუმი, რომელიც აფხაზმა ბოევიკებმა გამარცხეს და გაანადგურეს. გალის სცენაზე მაყურებელს მოუხმენია თბილისის ოპერისა და ბალეტის თეატრის მონღერლებისათვის. უნახავთ მარჯანიშვილის თეატრის სპექტაკლები, სოხუმის თეატრი ხომ ხშირი სტუმარი იყო. გალელებს მოუხმენიათ გენიალური გალაკტიონისათვის, გოგლა ლეონიძისათვის და სხვა პოეტებისათვის. 1962 წ. შეხვედრა მოუწყვეს კ. გამსახურდიას. შემოქმედ ადამიანებს უყვარდათ გალში ჩამოსვლა, რადგანაც იცოდნენ, რომ მათ სიხარულით, აღტაცებით შეხვდებოდნენ. გალის მოსახლეობა ქართული იყო. 1921 წელს გალში მხოლოდ სამი რუსი და ერთი



# გაღი გაღი

ლატივილი ცხოვრობდა. გაღს მრავალი სასახელი შეილი აღურზადა სამშობლოსათვის.

გაღის შესახებ შეიძლება ბევრი დაიწეროს. ჩვენ მხოლოდ რამოდენიმე ფაქტს აღვნიშნავთ: მოხდა თებერვლის რევოლუცია. აი, როგორ აქვს აღწერილი რევოლუციის პირველი დღეები სამურზაყანოში გაზუთ „ერთობას“ (1917 წლის 12 აპრილი. N2/. სტატიის სათაურია: „საერთო აღფრთოვანებამ სამურზაყანოშიც კპოვა გამოძახილი“: „26 მარტი სამურზაყანოსთვის ისტორიულ დღედ უნდა ჩაითვალოს. ამ დღეს გაღში მიწვეულ იქნა ხალხი, რომ ფიცი მიეღოთ ახალი მთავრობისადმი ერთგულებასზედ... ჯერ გადახდილ იქნა პანაშვიდი თავისუფლებისათვის დალუქულთა სულის მოსახსენებლად. სიტყვით მიმართა ხალხს მღვდელმა ს. სვანიძემ. ილაპარაკეს კომიტეტის წევრებმა ბატონებმა ი. გეგამი, ვ. შარიაძე, ე. გულუამ, შემდეგ ხალხმა მიიღო ფიცი.

აი, ამ დღეს მოხდა ის, რისი წარმოდგენაც ძნელი იყო ყველასათვის. ამ ზღვა ხალხთან თავისი ნებით გამოცხადნენ ის ძველი ყაჩაღები, რომლებიც მთელ სამურზაყანოს და სამეგრელოს შიშის ზარს სცემდნენ... მშვენიერი სანახავი იყო ეს ღომი ბიჭები /18 კაცი/ შუა მოედანზე გამოსულნი და მორცხვად თვადანრილინი. მათ განაცხადეს: ძველ მთავრობას თავს შევაკავადით და არ დაეწებებოდით, თქვენ კი სიამოვნებით გზებდებით და ყოველივე გადაწყვეტილებას თუ ვინდ თავის მოკვეთას, სიხარულით ვეგებებით. ხალხმა მიიღო რა მათი ვაჟკაცური მოქცევა მხედველობაში, აპატიეს ყველაფერი და მიიღეს საზოგადოების პატიოსან წევრებად“. ასეთი რამ იშვიათად ხდება ცხოვრებაში.

1918 წლის 28 მაისს გაღში, მთავარ მოედანზე შედგა სამურზაყანოელთა კრება, მიძღვნილი საქართველოს დამოუკიდებლო-

ბის გამოცხადებისადმი. გაღს არ ახსოვს ამდენი ხალხის შეკრება. ისინი ერთმანეთს ულოცავდნენ, კოცნიდნენ: მიტინგის მონაწილეებს საქართველოს დამოუკიდებლობა მიულოცეს თბილისის წარმომადგენლებმა გრ. ცინცაძემ, გაღელებმა ი. გეგამი, ე. გულუამ, ვ. ქავთარაძემ, ა. ზუხბაიამ, გრ. მიქავამ. არჩეულ იქნა სამურზაყანოს ერთობის გამგეობა.

1921 წლის 6 მარტს გაღის მოსახლეობა ძლიერ აღელვებული შეხვდა. დილიდანვე დაბაში ისმოდა ხმები: მოდიან, მოდიან, მოდიან, ვილაცამ დაიძახა: კი არ მოდიან, უკვე მოვიდნენო. დაიხ, მოვიდნენ მეცხრე არმიის ნაწილები. გაღსა და სამურზაყანოში დამყარდა საბჭოთა ხელისუფლება. ხალხი შეშინებული, უკმაყოფილო იყო. მხოლოდ ერთეულ ადამიანებს - ბოლშევიკებს უხაროდით. შემდგომ წლებში იყო მიწების ჩამორთმევა, დაპატიმრებები - განსაკუთრებით სოციალ-დემოკრატების /მენშევიკების/ და თავადანაურებისა. 1924 წლის აგვისტოში გაღშიც იყო აჯანყება საბჭოთა ხელისუფლების წინააღმდეგ, მაგრამ ისე, როგორც მთელ საქართველოში, აჯანყებულები აქაც დამარცხდნენ. აჯანყების მეთაური ვანო ხონელიძე დახვრიტეს. ერთ დამეს ციხიდან გამოიყვანეს 30 პატიმარი დასახვრეტად. გზაზე ორი გაიქცა, უშიშროების უფროსი დაბრუნდა ციხეში, გააღებინა საკანი და ვინც პირველი მოხვდა ხელში, გამოიყვანა და დახვრიტა. აი, როგორი სამართალი იყო გაღში 1924 წელს. რაკი ციხეში ვერ ეტეოდნენ პატიმრები, სკოლა გადააქციეს საპატიმროდ.

1928 წელს გაღელ სტუდენტებს საქართველოს კომპარტიის ც.კ-ის პირველი მდივნისათვის - მიხეილ კახიანისათვის მიუციათ განცხადება, გაღის რაიონი ქართულია, აფხაზეთს ჩამოაცილეთ და უშუალოდ თბილისს შეუერთეთო. კახიანს აფხაზეთის პირველი მდივნის გიორგი სტურუასა და მთავრობის თავმჯდომარე ნესტორ ლაკობასათვის დაუვალვებია გადავლებთან შეხვედრა. არა მარტო კლუბი, კლუბის ეზოც სავსე იყო ხალხით. სტურუა და ლაკობა აცხადებდნენ, აფხაზები და ქართველები ერთად უნდა იყვნენო. მაგრამ სტუდენტებმა შ. ზუბუტიამ, ა. მარხულიამ სამურზაყანოს ისტორიის, ეთნოგრაფიის ისეთი ცოდნა გამოამჟღავნეს, რომ ლაკობა გააჩუმეს. ეზოდან ისმოდა ძახილი: არ გვინდა აფხაზეთიო. ბოლოს ლაკობამ განაცხადა: ჩვენ თქვენი აზრის გაგება გვინდოდა, თორემ საკითხი გადაწყვეტილია: კახიანი ელაპარაკა მოსკოვს, პარტიის ცენტრალური კომიტეტიდან მიიღეს მითითება, გაღის რაიონი რჩება აფხაზეთის ფარგლებში, ქართველები და აფხაზები ერთად უნდა იყვნენ, მათი დაცილება არ შეიძლებაო. ამის გაგონებაზე ხალხმა ამოიგმინა და უსიტყვოდ დატოვა დარბაზი.

სამამულო ომში ხუთიათასზე მეტი

გაღელი ღებულობდა მონაწილეობას, მათი ნახევარი ვერ დაუბრუნდა მშობლიურ კერას.

ქართულ-აფხაზური კონფლიქტის დაწყებისთანავე ყველაფერი შეიცვალა. მარტო 1993 წელს გაღის რაიონში აფხაზებმა უდანაშაულოდ 1200 კაცი დახვრიტეს, ათასობით სახლი დაწვეს, აფხაზ-ბოვიეკებმა გაღელებს სახლში არაფერი დაუტოვეს, ყველაფერი რაც მოეწონებოდათ, მიჰქონდათ.

აფხაზთა სისასტიკეზე ათასობით მაგალითის მოტანა შეიძლება. ჩვენ მხოლოდ ერთ შემთხვევაზე ვილაპარაკებთ: აფხაზ-ბოვიეკთა შიშით ოჯახის უფროსმა 12 და 14 წლის გოგონები სახლის სხვენზე აიყვანა და იქ დამალა. მეუღლემ მეზობლის სარდაფს შეაფარა თავი და ამ დროს შემოიჭრა სახლში სამი „ბოვიეკი“. მარტო ოჯახის უფროსი მამაკაცი დახვდათ სახლში: - თქვენ შეილები სხვენზე გვეყოლებათ დამალული - უთხრეს მათ, კიბე მოიტანეს და სხვენზე ავიდნენ. გოგონები შიშით ცაცხანდნენ: - ავერ ყოფილან ოქროები! - წამოიძახეს არამზადებმა, ბავშვები ჩამოიყვანეს და სამმა მხეცმა მამის თვალწინ გააუბატიურეს გოგონები. მათ ვერ გაუძლეს ასეთ ტანჯვას და ხელში შემოაკვდათ. ამის შემყურე მამა ჭკუოდან შეიშალა. „ბოვიეკები“ წავიდნენ და მეზობლის სახლს წაუკიდეს ცეცხლი. დედამ რომ მკვდარი შეივლიდა ნახა, ჭკუიდან შემოიღო ქალი გაიქცა და მეზობლის ცეცხლმოკიდებულ სახლში ჩავარდა და თავი დაიწვა. ასე მოისპო გაღის ერთ-ერთი უპატიოსნესი ოჯახი.

მჯერა, მკითხველს არსად წაუკითხავს ასეთი შემზარავი ტრაგედია - გაღის სინამდვილეში კი მოხდა! ვაპატიოთ ეს ყველაფერი აფხაზ-ბოვიეკებს და ვიძახოთ, ჩვენ მეგობრები ვიყავით? ჯერ დამნაშავე აფხაზები უნდა დაისაჯონ და მეგობრობაზე შემდეგ ვილაპარაკოთ.

ლტოლივლებად აქციეს გაღის ქართული მოსახლეობა. თურმე უფრო უარესი ელოდა გაღელებს - 1998 წლის 20-დან 26 მაისის ჩათვლით. ეს იყო ჟამი მკვლელობებისა, მარცვისა, ხანძრებისა, სრული გენოციდისა. მკვლელობა, მარცვა, სახლების დაწვა დღესაც გრძელდება.

გაღი - ეს პატარა ქალაქი - აფხაზმა-ბოვიეკებმა ნანგრევებად აქციეს, მრავალი მისი შვილი წაძებით მოკლეს. ტყვია და ცრემლი ბატონობს უკანასკნელი წლების მანძილზე ამ ლამაზ ქალაქში.

მხოლოდ ერთი რამ გვაძინებებს, რომ გაღელებს შორის არ ყოფილა ლაჩარი, გამცემი, მოღალატე.

გვეჯერა, რომ აფხაზი სეპარატისტები მალე წავლენ ისტორიის არენიდან და კვლავ აღსდგება ჩვენი ქალაქი, ჩვენი რაიონი, ჩვენი რესპუბლიკა.

# პოეზია

## ოთარ შალამბერიძე

\*  
მაშინ ჩამქოლეთ, — ბორგავს ქარი უაღვირ-ღეზო, —  
ჩემი გავარდნა ცხრა ულაყი თუ არ ღირდესო.  
\*  
აყვავებულ ატმებს ქარები მოტირიან:  
ხანმარი! . . . არიქა! . . . — იწვისო ფლოტილია . . .  
\*  
ო, პოეზიის წყალდიდობა რომ არსებობდეს,  
ზღვად მოგაქცევდი მთელი ქვეყნის რომანსერობებს . . .  
\*  
ორძალებს მუშტებს ნუ უღერებთ ისარ-ჯიღებად, —  
ისინი მათთვის იწერება, ვისაც სჭირდება.  
\*  
ჩემ სულს, ჩემ ფიქრსაც აკლიაო მწვანე გვირგვინი, —  
ამბობს ბუნების გულმოდგინე პანეგირისტი.  
\*  
რა უფლება მაქვს ჩემი რწმენა თავს მოვახვიო,  
მაგრამ სიმართლის დაეალებით რატომ აყვიობ?  
\*  
ზევით და ქვევით . . . მარჯვნივ და მარცხნივ . . .  
ღმერთმანი, — პირველად იწერდა ცაცხვი . . .  
\*  
მეტაფორებში (თუ მკითხავთ) არ ეყოლება სწორფერი  
ამ ორსიტყვიან სასწაულს: “ბინდისფერია სოფელი” . . .  
\*  
სიყვარულმა სიხარული იცის, მარა,  
სინანულმაც აკი მისგან იცისმარა?!  
\*  
ვის რად უნდა ეს ბალი და პეიზაჟი,  
ზევალის დღეც თუ არ მწიფდება დღეისაში?!  
\*  
გზა გაიკვლიეს ერისაკენ (ვინ იფიქრებდა?) —  
ჩემგან ხმობილმა “ორძალებად” — ფილიპიკებმა.  
\*  
ქალს მაჯისცემას ვინც უსინჯავს, ვიცი, მოცდება, —  
რალა აზრი აქვს, დაითვალო ზღვის მიმოქცევა?!

\*  
ჩვენ ჩვენი ზღაპრით (ვინ არ იცის) უმცროს ძმას ვაქებთ,  
მაგრამ იქ, განთქმულ “უფროს ძმებში” რაფრაა საქმე?!  
\*  
მინდა ვიცოდე, დუმილს ვინ თელის თანხმობის ნიშნად? —  
უთუოდ იგი, ვისაც ენა ჩაუგდო შიშმა . . .  
\*  
ჩემ ჩრდილს უსმინეთ, რა მითხრა, — ყურიო, ცოტა მომიწი,  
არარას რატომ მეძახი, ვისი ჩრდილი ვარ, ხომ იცი?!  
\*  
სიყვარული სუროსა ჰგავს, ვაი, სულ —  
ცივ ქვაზედაც ძალუმს ნატვრა აისრულოს.  
\*  
მარცხი არაა დასასრული (ეს უნდა მეთქვა) —  
რადგანაც მასში კიდევ ისმის სიცოცხლის ფეთქვა.  
\*  
ჩემში არ არის არც დემონი, არც ანგელოსი,  
კვნესა მხოლოდ სვედაცხველ საჭართველოსი! . . .  
\*  
დრომ ბევრი ბრძნული აზრიც გაცვითა,  
მათ შორის ესეც: “კაცი კაცითა” . . .  
\*  
სხვას რომ ატყუებ და ცმუტიობ, როგორც ტინგიცა,  
ვინც შენ გატყუებს, დააფასო უნდა იგიცა.  
\*  
რაკი წერ, უნდა გიყვარდეს, სხვა ყველაფერი უარპყავ!  
რა პოეტობა გიშველის, შეყვარებული თუ არ ხარ?!  
\*  
ბოლო დროს ხშირად ვიმეორებ “პოლიგამიას”!  
ალბათ სიბერის ხუმტურია, მეონი, გამიარს . . .  
\*  
ამბობენ, თითქოს სიმდიდრე არ შეშენისო შემოქმედს,  
ის შემოქმედი მაჩენა, რო სიღარიბე შენერდეს.  
\*  
ფოთლის მწვანე კლავიშებზე გალობს წვიმა,  
ყრმობა ხომ არ გაიხსენა დალოცვილმა? . . .  
\*  
მრუდედ ჩახრილი ბირკის მესმა თითქოს ღაღადი,  
გავმართე ის და მომეჩვენა: თვითონ ავმადლდი . . .  
\*  
სახლი, რომელშიც არ ჰკილია არცერთი ხატი,  
არ არის სანდო, შეაქციე ზურგი და წადი.

## პალმერიან ჩეკურიშვილი

# არსათქმელი სიტყვა

ბიჭს ეჩქარებოდა.  
სადარბაზოს კიბე აირბინა, მეოთხე  
სართულზე შეჩერდა და ზარი დარეკა.  
კარი დეღამ გაუღო.  
— მოდი, დედა! მოდი! — სახეზე  
ღიმილგადაფენილმა აღერსი შეაგება.  
ბიჭმა ზღურბლს გადააბიჯა თუ არა,  
მაშინვე გადაეხვია, კონცა დაუწყო, მერე  
ჩაეხუტა:  
— შენ გენაცვალოს შენი დედა! რად  
ირბინე, რად დაიღალე?  
— მამა სად არის?  
— შინ არის.  
— რა იყო, ბიჭო, რამ ავაფორიაქა?  
მოხდა რამე? — ჰკითხა მორე ოთახიდან  
გამოსულმა მამამ. ბიჭმა მამასაც აკოცა.  
რაც ლევანი წამოიზარდა, მამა-  
შვილი ერთმანეთს აღარ კოცნიდნენ,  
ყოველთვის კაცურად ღაპარაკობდნენ  
და ახლა უკვირდა გაღიმებულ ქალს.  
მამას ეუცნაურა ბიჭის ასეთი აფო-  
რიიქება.  
— დედა, გამომიტანე ჩემი  
სამხედრო ფორმა. ჩქარა, ჩქარა! — დაჯდა  
და მილიციის კურსანტის ფორმის გახდა  
დაიწყო.

ბიჭს ის ფორმა ძალიან უხებოდა.  
— მოიცა, მოიცა, რას აპირებ? — ჰკითხა  
მამამ.  
— მეჩქარება, მივდივართ.  
— სად, სად მიდიხარ?  
— დაბლა კურსელები მელოდებიან.  
— სად მიდიხარ-მეთქი?  
ბიჭმა თავი ასწია და მამას მოლუსულ  
სახეში შეხედა.  
— აფხაზეთში. ხომ იცი, იქ რაც ხდება?  
— კი ვიცი, მაგრამ...  
— ჰოდა, იქ მივდივართ.  
— შენ ხომ ახლა ჩამოხვედი სამა-  
ჩაბლოდან, ხომ იბრძოლე იქ?  
— მერე?  
— ათი დღით გამოვიშვეს, დაისვენეო.  
ჯერ სამი დღეც არ გასულა, სად გარბიხარ?  
— მამა, რა დროს დასვენება?  
ბიჭი სამაჩაბლოდან ჩამოყოლილ  
სამხედრო ტანსაცმელს ფართიფურთით  
იცვამდა.  
— შეგებულება ჩამოთავრე და მერე წადი.  
— ქვეყანას ახლა უჭირს.  
— ჰო, დედა, მამა მართალს გეუბნება.  
დაუჯერე, დაამთავრე შეგებულება, დედა  
გენაცვალოს და მერე წადი, ომი ერთ

კვირაში ხომ არ დამთავრდება — შევედრა  
ქალი.  
— დედა, კურსელები ერთად მივდივართ.  
მერე მარტო ხომ არ წავალ.  
— გამოგიძახებს? — ჰკითხა გაჯა-  
ვრებულმა მამამ.  
— არა, ჩვენ თვითონ მოვილაპარაკეთ.  
— ჰოდა, ვერ წახვალ!  
— როგორ ვერ წავალ? — ბიჭმა ახლა  
თვალებში შეხედა.  
შეგებულება მოგცეს ოფიციალურად,  
დაისვენეო. ვერაინ დაგაძალებს. ვერ  
წახვალ! მორჩა და გაათავდა!  
— მამა, რატომ მტუქსავე? არაკაცურ  
საქმეზე ხომ არ მივდივარ. შენ კიდევ უნდა  
გვაპყებოდე. ჩემი ქვეყნის წინაშე ახლა  
თუ არ მოვისხადე კაცური ვალი, მაშ როდის?  
— ბიჭო, აბა, კარგად მომისმინე.  
— მამა, კი მოვისმენ, მაგრამ შინ მაინც  
არ დავრჩები, ბიჭებს არ ვათქმევინებ, ლევანი  
დელიკომ და მამიკომ არ გამოუშვესო.  
— კაცო, სამაჩაბლოში ხომ იბრძოლე?  
— მერე? ახლა აფხაზეთსაც უჭირს!  
ბიჭი ჩაცმას მორჩა, ხალათის საყვლო  
გაისწორა, დედას გადაეხვია,  
ცრემლიანი თვალები ამოუკონცა.

# ახალი ორძაღვები

\*  
დაღლილ გულიდან ეს-ეს არის მივიღე ცნობა, —  
ვიკმარებდიო ჩემს ასაკში ერთ მტკიცე გრძნობას . . .

\*  
ძველი წისქვილი შემცხარავით დაგდაგებს ხევში, —  
ბაწია სოფლის ბებერ გულთან საუბარს შვერი . . .

\*  
ნუთუ დროებით შემოფრინვიან, ნუთუ დროებით,  
ჩემი აპრილის ცვარჩამდგარი ქუთუთოები?!

\*  
თუ შეგობრობა სიყვარულის არის ტოლფასი,  
ყველა მესამე ზედმეტია შეგობრობაშიც.

\*  
რა ამბავშია ბაქია ქარი, —  
ბალი გახადა ნაქიაქარი . . .

\*  
ძალზე ხომ არ ვებერებით, —  
გახლავართო იბერები?!

\*  
ზოგჯერ სიკვდილიც კაცის ნატვრას გაიწილადებს, —  
აგერ, მევაზეს უმეგზურა ვაზის ძირამდე . . .

\*  
კვირტები ღამით სკდებიანო? — ვიხელთე ყაში,  
არ გაუღია (ჩემ ჯინაზე) არცერთ კვირტს ჩქამიც . . .

\*  
მამული ჩემო, შენს სიყვარულს ნუ დამამადლი,  
ჯერ ხომ ადრეა, რომ ავიკრა გულა-ნაბადი?!

\*  
თუმცა იუდა მოკვდავთ შორის ერთადერთს ჰქვია,  
სამაგიეროდ წამხელურნი ქვეწმისა ყრიან . . .

\*  
შემაქო ერთმა, — აკეთებთო ორძაღვს კარგად,  
მე შევახსენე, რომ განცილილი კეთებას არ ჰგავს.

\*  
ამბობენ, გულიც უკან რჩება, კვალიც — უკანო,  
ამიტომ არ ღირს, წინა კაცო, განვილილს უკანო.

\*  
მტრის ყოლა თუ გინდა, ძმას გაეყარეო, —  
ეს სიბრძნე დღეისთვის აჯობებს ბარე ორს . . .

\*  
ცოდვაა კაცი, ვისაც ბედი ვერ მოუგვარდა  
და არაფერი გააჩნია . . . სინდისის გარდა . . .

\*  
მოვერიდოთ თაფლის ფუტკარს,  
ფუტკრის თაფლს კი მადლი ეუთხრათ.

\*  
გამოცდილებას გვეძენს ყრმობისას თოვლი უდავოდ, —  
მერე ტალახით, ბატონებო, რომ ვიგუნდათ . . .

\*  
რა საწყენია, სული რომ გაქვს ახალგაზრდული,  
ხოლო ასაკით ხარ საკმაოდ ლახვარდასმული . . .

\*  
ცოლ-ქმრობა სხვაა, სხვა საბაღნე დღიური პროზის,  
სიყვარული კი — პიუზია შხიური ღოზით . . .

\*  
სადაც კაცისას მძულვარებას აფრქვევს მსაჯული,  
იმ სახელმწიფოს არაფერი აქვს შესასური.

\*  
სიტყვა “წალეკვას” კავშირი აქვს ხუნძთან<sup>2</sup> ეგება? —  
წინაარებს ჩვენსას, წავგვლეკესო, უთქვამთ, ლეკებმა.

\*  
მზე ცხინვალის კალთებს მიღმა აქანდა ზე,  
რა ყოფა აქეთ, ძმაზე მითხარ, აქ ან დაზე . . .

\*  
ღამეებს თეთრად მე ვათენებ (ახლა იკვლიე):  
თავად ვთეთრდები . . . ღამეები რჩება იგივე . . .

\*  
სწევოდა დავითს ტაძართა და დაბათა გება,  
და მერე მათი ლოცვის ენით დაბადაგება . . .

1 პოლიგამია — ბერძნ. მრავალცოლიანობა

2 ხუნძი — იგივე ლეკი

— დედა, ნუ ტირიხარ. მე იქიდანაც  
სალ-სალამათი დაგბრუნდები.

თუ საშუალება იქნა, საიდანმე დავი-  
რეკავთ, ამბავს შეგატყობინებთ.

ბიჭმა მამისკენ გაიწია.

— მე შენი კონცა არ მინდა! ნუ  
მიღიხარ! ნუ მიღიხარ, მე შენ გეუბნები!  
გამოძახებული არა ხარ, თავს ხიფათში  
ძალით რატომ ჰყოფ?

— არ გინდა და ნუ გინდა, —  
მიტრიალდა და ისევ დედას აკოცა. მერე  
მამისკენ შეტრიალდა და ღიმილით  
უთხრა:

— შეგული, არწივი, კაი ყმა, არცერთი  
არ გაიწერთნება.

კარი გააღო და გაეარდა.

— მაინც მიღიხარ?

— მივედივარ, მამი, მივედივარ! —  
კიბეზე ჩექმების ბრაზუნით დაეშვა.

— ჩემი თუ არ გესმის, წადი მაშინ  
მამჩემთან!

ბიჭს ნასროლ ქვასავით მოხვდა  
მამის წყევლა და წამით შეჩერდა.  
მალლიდან გადამდგარს ახელა.

— მადლობა, მამჩემო, მადლობა! —  
ამოსძახა და ახლა უკვე ნელა დაუყვა  
კიბეს.

— კაცო, ომში წამსვლელ ბიჭს ეს  
რა უთხარი?! შენ გაგიხმეს ეგ ენა-პირი!  
შენ წადი მამაშენთან, შენი ნახვა უფრო  
გაუხარდება.

— ეგეც შენსავით თავნებაა და  
იმიტომ.

— ღმერთო, შენ არ გაიგონო ამ  
უკულმართი კაცის ნათქვამი! — ქალმა  
პირჯვარი გადაიწერა და საწოლი ოთახის  
ფანჯარა გააღო, გზისკენ გადაიხელა.

საბარგო მანქანასთან ბიჭები იდგნენ,  
ხუმრობდნენ, სიგარეტს ეწეოდნენ. ლეკანი  
მათთან მივიდა, იქაც წამით შეჩერდა,  
ფანჯარასთან გადამდგარ დედას ახელა,  
ხელი დაუქნია, მაგრამ არ გაღიშებია,  
როგორც ადრე იცოდა ხოლმე დამშვი-  
დობების დროს.

ქალს გულში რაღაც ჩასწყდა.

ლევანის ამხანაგებმაც დაუქნიეს  
ხელი, თან იღიებოდნენ. მერე სიგარეტის  
ნამწვავები ქუჩაში მოისროლეს და მან-  
ქანაზე აცვიდნენ.

— შენ მოიკვდე და, მამაშენს  
გაუხმეს ენა, შენ ჯვარი გეწეროს. დედა  
ღვთისმშობელმა დაგიფაროთ, შვილებო.  
მშვიდობით დაუბრუნდით თქვენ-თქვენ  
დედებს... როგორ დამაბნია ამ უკუ-  
ლმართმა კაცმა, საგზალიც კი ვერ  
გავატანე, დედა მოუკვდე...  
ქალმა ცრემლიანი თვალები ამო-  
იმშრალა და ფანჯარა დახუჭა.

იმ დღეებში ცხარე ბრძოლები იყო  
აფხაზეთში.

კაცი ყოველ საღამოს კრიჭაშეკრული  
უყურებდა ტელევიზორს, უყურებდა

ეკრანს და ნანობდა, ბიჭი ასე გულნატკენი  
რატომ გაუშვიო. თვალწინ ედგა, კიბეზე  
შეჩერებულმა როგორ ამოსძახა, მადლობა  
მამაჩემო.

... ათი დღის შემდეგ იმავე ამხანაგებმა,  
იგივე მანქანით ცინკის კუბოთი ჩამოსავენეს  
ლევანი, შეტყვევს დროს ნაღმზე აფეთქაო.  
მხედრული პატივით დაკრძალეს ძმათა  
სასაფლაოზე.

ორმოციეც გადაუხადეს, წლისთავიც.

ცოლს ერთხელაც არ უთქვამს ქმრი-  
სთვის, ომში მიმავალი ბიჭი შენ ეგრე რომ  
არ დაგეწყველაო...

ადამიანს თუ არ უწერია, არაფერიც  
არ დაემართება, მაგრამ კაცს მაინც  
მოსვენებას არ აძლევდა ხალხში ნათქვამი:  
დედა როცა იწყევლება, ძუძუები ლოცავენ,  
მამის წყევლაზე კი ემოწმებიან, ამინო.

მწუხარებამ წელში მოხარა და დააპა-  
ტარავე შეიღმკვდარი კაცი.

ახლა ყოველ შაბათს გოზის ბჯენით  
მიღის შვილის საფლავთან, სულის  
მოსათქმელად ჩამოჯდება. ცრემლიან  
თვალებს მოიმშრალებს. მერე უბიდან  
ამოიღებს სანთლებს, ასანთს, დაუნთებს და  
დაჩოქილი ეჩურჩულება, შვილო, მაპატიეო.  
ლევანი ისეთი გულის ბიჭი იყო... ის  
კი აპატიებს, როგორ არ აპატიებს, მაგრამ,  
ეჰ!..

კაცმა არსათქმელი სიტყვა მაინც არ  
უნდა თქვას!

# გეგნიერის ლილი გზა



ჯ. რუხაძე

ბუნების ძალიან  
აღორძინების  
ხალხური დღესასწაული  
საქართველოში

ჩვენთვის

ქართული ეთნოგრაფიული სკოლის უთვალსაზიროესი წარმომადგენელი პროფესორი ჯულიეტა რუხაძე მთელი თავისი სამეცნიერო მოღვაწეობით ღირსეული გამგრძელებელია იმ ბრწყინვალე სამეცნიერო კოპორტივისა, რომელიც ასპარეზზე ჩვენი საუკუნის დამდეგს გამოვიდა და რომელმაც თავის წმიდათაწმიდა მოვალეობად ქართული ეთნოგრაფიის აღორძინება დაიხსნა. საგანგებოდ უნდა აღინიშნოს, რომ ქალბატონი ჯულიეტა რუხაძე დღესაც ჭეშმარიტად ახალგაზრდული შემართებითა და გატაცებით აგრძელებს მისთვის სისხლხიზრცეულად საყვარელი დარგის, ქართული ეთნოგრაფიის მეცნიერულ კვლევა-ძიებას. მას ფეხით აქვს შემოვლილი საქართველოს მთაბარი, მისი ყოველი კუთხე-კუნჭული, რამაც მკვლევარს უმდიდრესი და უიშვიათესი ემპირიული მასალა შეაგროვებინა. სწორედ ამ მასალის ანალიზმა მისცა შესაძლებლობა გაერკვია ტრადიციული კულტურის უძველესი საწყისები, დაედგინა ამ საწყისთა ცვლა-განვითარების საეტაპო საფეხურები. პროფ. ჯ. რუხაძის მრავალწლოვანი კვლევა-ძიების შედეგები შეჯამებული სახით მოცემულია მის ფუნდამენტურ მონოგრაფიაში “ბუნების ძალთა აღორძინების ხალხური დღესასწაული საქართველოში” (ბერიკობა-ყვენობა) (თბ. 1999 წ.), რომელმაც სპეციალისტთა მაღალი შეფასება დაიმსახურა. წიგნში დადგენილია ბერიკობა-ყვენობის, როგორც დღესასწაულის, გენეზისი, ნაჩვენებია მისი აგრარული და სოციალური ბუნება, წარმოდგენილია სხვადასხვა ისტორიული ფენებისა და დანაშრეების შემცველი ამ ურთულესი და მრავალსახოვანი მისტიკის სხვადასხვა ასპექტები.

ბერიკობა-ყვენობა კალენდარული მოძრავი დღესასწაულია. იგი ადრე

“ასეთ პიროვნებებზე იდგა და იდგება დარგი”

ალ. რობაქიძე

გაზაფხულზე, ყველიერის დღეებში იმართებოდა. ახალ წელს სანახაობის მთავარი პერსონაჟები – თავბერიკა, ნეფე, დედოფალი, რიგითი ბერიკები სხვადასხვა ცხოველის ნიღბებით გარკვეულ რიტუალს ასრულებდნენ, წარმოდგენის სიმბოლურ შინაარსში ადამიანის საკულტო-რელიგიური აზროვნებისა და სოციალური ყოფის უძველესი ფენები (წყლის სტიქია, მიცვალებულის კულტი, სიცოცხლის ხე...) იკითხებოდა. ამ გარემოებამ მკვლევარი იმ დასკვნამდე მიიყვანა, რომ ბერიკობა-ყვენობა ნაყოფიერებისა და ბუნების ძალთა აღორძინების საწყისებთან მდგარი მისტიკია იყო. ჯ. რუხაძემ მასში გამოჰყო წმინდა რელიგიური პასაჟებიც და ისტორიულ-ეთნოგრაფიული ყოფის ნაშთებიც, რომელიც ათასწლეულების მანძილზე რთული პროეცირებით ყალიბდებოდა.

მეცნიერის უდავო დამსახურებაა ის, რომ იგი დღესასწაულს განიხილავს ისტორიის უწყვეტ დინამიკაში, განიხილავს როგორც ნაციონალური კულტურის სპეციფიკურ მოვლენას. ეს მოვლენა კი გამოხატავს ეროვნული ყოფიერების თავისებურებებს, ქართველი ერის ოდინდელ ეთნო-კულტურულ კავშირს სხვა მეზობელ ხალხებთან. კვლევა-ძიების რეტროსპექტული გზა


თვალსაზიროდ წარმოგვიჩენს ქართველი ტომების უძველეს კავშირ-ურთიერთობებს წინა აზიისა და ხმელთაშუა ზღვის აუზის უძველეს ცივილიზაციებთან.

ნაშრომს საფუძვლად დაედო ის უნიკალური ეთნოგრაფიული მასალა, რომელსაც ავტორი 1949 წლიდან კრებდა და პერიოდულად ავსებდა. ამ მასალის თანამედროვე მეცნიერული მეთოდოლოგიის მომარჯვებით პროფ. ჯ. რუხაძემ ნათლად, ცალსახად წარმოაჩინა ბერიკობა-ყვენობის სოციალური ბუნება, მისი იდეოლოგიური საფუძვლები; მან ასევე ნათლად გაარკვია დღესასწაულის ეროვნული ფესვები, ხალხური მითოსური ცნობიერების სპექტრი, რაც მას სხვა ხალხებში არსებული ანალოგიური დღესასწაულებისაგან ასე განასხვავებს.

პროფ. ჯულიეტა რუხაძის წინამდებარე ნაშრომი ეთნოლოგიური კვლევის სწორუპოვარი ნიმუშია. ამიტომაც ის უკვე იქცა ჩვენი ეთნოლოგების, ისტორიკოს-ენათმეცნიერთა და ქართული კულტურის პრობლემებით დაინტერესებულ მკითხველთა სამაგიდო წიგნად.


თამილა ცაბარაიშვილი

P.s. ჟურნალ “დროშის” რედაქცია მხურვალედ მიესალმება ქალბატონ ჯულიეტა რუხაძეს, ულოცავს ამ ჩინებული ნაშრომის გამოქვეყნებას და უსურვებს კიდევ დიდხანს ეღვაწოს ჩვენი ეროვნული მეცნიერების საიღებლად.



ქალბატონი ჯულიეტა შვილიშვილითან

# კაი ყმა, დიდოსტატი, პროფესიონალი . . .



დრო გადის, მაგრამ ქართველი ერთ-სათვის კვლავ უცვლელად რჩება დავით გურამიშვილის "დავითიანში" წამოჭრილი გულსტიკვილი. დღეს ჩვენ უცხოეთის მაღალგანვითარებული ქვეყნების გამოცდილებით ვსწავლობთ თუ რამდენად საჭიროა ქვეყნის მუდმივობის ყველა დარგში საქმის მცოდნე ე. წ. პროფესიონალი. და თითქმის გვაფიქვდება, რომ საქმის მცოდნე კაი ყმა, დიდოსტატი მამულში-ვილები საქართველოს ყოველთვის ჰყავდა და ჰყავს. ისევ და ისევ მახსენდება კონსტანტინე გამსახურდიას ისტორიული რომანი "დიდოსტატის მარჯვენა", რამაც ალბათ დღევანდელი რუბრიკის "საქმის ოსტატის" სახელწოდება განაპირობა. მაგრამ მთლიანად ისევ ჩვენს რეალობას მოეუბრუნდეთ. რა თქმა უნდა, საქმის მცოდნე პროფესიონალები ჩვენშიც მოიძებნება. სამწუხაროდ, დღეს, არეულ დროში, მათი შრომა და ცოდნა ტაბუდადებულ, უხმარ განძად დევს - ისინი ჩვენს გვერდით ცხოვრობენ.

ჩვენ თითქმის ყოველ დღე ვხვდებით, მაგრამ აღარ მახსოვს, როდის მივესალმეთ. (ყოველ შემთხვევაში, ჩვენი საუბრის პერიოდში ორგანიზაციის რეორგანიზაცია-ლიკვიდაცია ბოლომდე ჯერ არ განხორციელებულიყო). სახელმწიფო კომპანია "საქენერგოს" რადიოკავშირის სამსახურის უფროსი ტარიელ ბერბიჭაშვილი პირველივე საუბრიდან იმ პროფე-

სიციცხლის გამოცდილება, მეორეში რომ საქმედ აქციოს" . . . დაიხ, შეიძლება ითქვას, ბატონმა ტარიელ ბერბიჭაშვილმა ერთი სიციცხლის განმავლობაში ორჯერ იცხოვრა, შესძლო გამოცდილების დაგროვება და რეალიზება, ოჯახის შექმნა და სახლის აშენება.

რადიოტექნიკისადმი სიყვარული მას ჯერ კიდევ ბავშვობაში მამამ, სსრკ-ს საპატიო რკინიგზელმა გიორგი ბერბიჭაშვილმა ჩაუნერგა, რომელსაც სახლისთვის რადიომიმღები "სი - 235" შეუძენია და წლების მანძილზე "ძველი მიმღების" რემონტს უნდებოდა. შეიძლება ამითაც აიხსნას მე-9 საშუალო სკოლის მე-8 კლასში ფიზიკის სწავლისას ბიჭის განსაკუთრებული დაინტერესება ელექტრობით და შემდგომ სწავლის გაგრძელების სურვილი თბილისის კავშირგაბმულობის ელექტროტექნიკუმის რადიოფაქულტეტზე, რომლის დამთავრებისთანავე საკავშირო კავშირგაბმულობის ინსტიტუტის რადიოფაქულტეტის დაუსწრებელ განყოფილებაზე ჩაუბარებია. პარალელურად მუშაობდა საქართველოს კავშირგაბმულობის სამინისტროს რესპუბლიკურ რადიოცენტრში ტექნიკოსად, უფროს ტექნიკოსად, ინჟინრად და უფროს ინჟინრად. სწავლის დასრულების შემდეგ სამეცნიერო-კვლევით ინსტიტუტში რადიოელექტრონიკისა და სქემა-ტექნიკის დარგში წამყვან ინჟინრად ითვლებოდა. 1974 წლიდან ბატონი ტარიელი მუშაობას მამ-

ბატონი ტარიელი განსაკუთრებულად იხსენებს 1978 წლის 3 ნოემბერს ენგურების გაშვებას, როდესაც მისი საკუთარი სქემით დამზადებული რეტრანსილატორების დახმარებით პირდაპირი რადიოკავშირი საბერიდან თბილისში "საქმთავარენერგოს" ცენტრალურ სადისპეჩეროსთან პირველად განხორციელდა. 1974 წლიდან მოყოლებული დღემდე საქართველოს ენერგოსისტემაში 400 ცენტრალური, მობილური თუ გადასატანი რადიოსადგური უზრუნველყოფს ენერგობიექტებს შორის რადიოსატელეფონი კავშირებს.

"საქმთავარენერგოში" 1974-1985 წლებში მუშაობის მანძილზე ტარიელ ბერბიჭაშვილმა 50-ზე მეტი ადგილობრივი და საკავშირო მნიშვნელობის რაციონალიზატორული წინადადება დაწერა. არის მრავალი სტატიის ავტორი საკავშირო სამეცნიერო-პოპულარულ გამოცემებში. უფროსი: "ენერგეტიკა", "რადიო"; ბროშურები: "რადიომოყვარულთა დასახმარებლად", "ექსპრეს-ინფორმაცია".

თავის ცხოვრებაში ყველაზე წარმატებულად 1986 წელს თვლის, როდესაც დაიჯანდა და პირველი ვაჟიშვილი, მამის მოსახელე გიორგი დაებადა. ამავე წელს მას საქართველოს დამსახურებული რაციონალიზატორის საპატიო წოდება მიენიჭა.


მისი წინადადებების დაწერვას საბჭოთა კავშირის ენერგეტიკის ხაზის უზარმაზარი ეკონომიკური ეფექტი მოჰყვა, ყოველწლიურად ორი მილიონი მანეთის ეკონომია. სახალხო მეურნეობის მიღწევათა საკავშირო გამოფენაზე ენერგეტიკის სტენდმა მის მიერ წარმოდგენილი ექსპონატებით სამი ბრინჯაოსა და სამი ვერცხლის მედალი დაიმსახურა. მინიჭებული აქვს საბჭოთა კავშირის საპატიო რადისტის წოდება.

ბატონი ტარიელი წლების მანძილზე პედაგოგიურ მოღვაწეობასაც ეწეოდა ერთ დროს მის მიერ დამთავრებულ კავშირგაბმულობის რადიოფაქულტეტზე.

ტარიელ ბერბიჭაშვილს საამაყო მართლაც ბევრი აქვს. ორი ვაჟიშვილის - 13 წლის გიორგის და 10 წლის ლევანის მამას, საკუთარი ხელით აუშენებია კასპის რაიონის სოფელ წინარეხში მამა-პაპურ ნაკვეთზე სახლი. ახლაც ყველაზე მძიმე წლებში მიწასთან მუშაობამ გადაარჩინა.

ხოლო როგორც პროფესიონალს გული სტკივა, რომ ენერგოსისტემაში რადიოკავშირის განახლებას სათანადო ყურადღება არ ექცევა. არადა, არსებული აპარატურა ჩანაგდება, იძარცვება. არადა, ამ საქმეს მისი აზრით დღეს ყველაზე დიდი ყურადღება უნდა მიექცეს.

თამარ ნინიძე



სიონალთა რიცხვს მიეკუთვნე, რომლებიც თავის ცხოვრებაში იოლ გზებს არ ეძებენ. პოეზიის მოყვარული კაცი ხშირად თავისი საყვარელი პოეტის ომარ ხაიამის ლექსებს მოიშველიებდა. სხვათა შორის დამამახსოვრდა ერთი ციტატა: "ორმაგად უნდა ცხოვრობდეს კაცი, ცხოვრების მიზანს რომ მიადწიოს, პირველ

ინდელი "საქმთავარენერგოს" რადიოსამსახურის უფროსად აგრძელებს. მისი უშუალო ხელმძღვანელობით პირველად საქართველოს ენერგოსისტემაში ინერგება ულტრაბოკალტალდორანი რადიო-სატელეფონი კავშირები, რომლებიც დღესაც წარმატებით ფუნქციონირებს.

# სამი ჩანახატი ერთ ნოქედთან

პირველი

“ლუხუმი სადღაა?”

შუაფხოდან უკანა ფშავისაკენ რომ წახვალ, ახადამდე არმისულს ლაშარის ჯვარი გადმოგხედავს მაღალი გორიდან.

აქ გააჩერებენ გეოლოგები “ვილისს”. გადმოიყვანენ ჭედილას, იმის რქებზე ჩაბმულ თოკს ჩაბლუჯავს ერთი მათგანი და ზემოთ დაადგება ბილიკს. მიჰყვებიან სხვებიც – მოწნული კალათითა და ღვინის ათლიტრიანი ბოცით.

შემთქმელს, ვინც ამ ჭედილას ჰკლავს, სანთლებიც მოაქვს.

ქოშინით ააღწევენ ზემოთამდე და შეისვენებენ, მუხლის ქარს ამოიღებენ.

შემთქმელი სანთლებს დაანთებს ნიშში, პირჯვარს გადაისახავს. ქარი ჩაუქრობს. თავიდან მოუკიდებს.

მერმე სანთლით შუბლს შეუტრუსავენ ცხვარს. ამომყვანი დაკლავს, ჩამოკიდებენ იქვე, საგანგებოდ ამ საქმისათვის მომზადებულ კაუჭზე და ჩამოტყავებას დაუწყებენ.

სანთლები ისევ ჩამქრალა. შემთქმელი ხელახლა დაანთებს და იძულებული ხდება, დაიჩოქოს და სანამ სანთელი ჩაიწვება, ასე იდგეს.

გეოლოგები იმის ვაგლახად გაჩეხილ შუბლს ხედავენ, ზედ რომ მუხის ფოთლებში ჩამოღწეული მზის სხივები დასთამაშებს და თავისთვის უკვირთ, როგორ გადარჩა ოთხ-ხუთ მეტრიანი კლდიდან გადავარდნილი.

სანთლები რომ ჩაიწვება, შემთქმელი ცოტა ქვემოთ ჩავა, სალუდე დარბაზს, სახატე დროშებს ნახავს, ირმის შემოწირულ რქებს, ცხვარ-ძროხის მოჭრილ თავებს. ქვები სულ ხავსიანია. ათვალთვალს დიდ მუხებს, თითქოს ცას რომ მიბჯენიან. ერთი იმხელაა, სამი კაცი ვერ შემოაწვდენს ხელებს – ერთი ტოტი მეხს ჩამოუგლეჯია, მეორე

გამხმარა და მოტეხილა. გაიხედ-გამოიხედავს შუბლნაიარევი, არა მხედავდნენო და იმ მუხას აკოცებს ჩუმად. ნატვრის ხეები ღვას ამ არე მარეზე, ზედ თეთრი ნატვრები შეუბამთ. ისიც ცხვირსახოცს ამოიღებს და მთლიანად შეაბამს, ყველანი კარგად მიმყოფო, ჩაუთქვამს.

გაღმა ახადის სათიბები მოჩანს და მთები, მთები – ლეგლურჯები, დეკიანები, ლეგა კუდიანები – რა ლამაზია! კიდევ კარგი, გადარჩა და შეუძლია უყუროს ამ სილამაზეს.

ბიჭებს ცეცხლი დაუნთიათ, შამფურები დაუთლიათ, მწვადებს წვავენ, მაგიდაზე აწყობენ შინიდან წამოღებულ ჰამიდვრებს, ყველს, პურს, ხახვს, ღვინის ბოცას, ორ ჭიქას... დანარჩენი ცხვარი ცელოფანში გაუხვევიათ, ბუზი რომ არ მიეკაროს.

მერმე იმ მაგიდასთან ღვანან ყველანი, შემთქმელს ავედრებენ ღმერთს – ვინც დაბადა, გაზარდა, ასწავლა, ცოლ-შვილი მისცა, ეს ქვეყანა უბოძა და იმ ხიფათსა თუ ფათერაკსაც თავის ნებისაებრ გადაარჩინა...

ამის შემდეგ შუბლნაიარევი, ლაშარის ჯვრიდან ფიქლები რომ ჩამოიტანა თბილისში და თავის საწერ მაგიდაზე დაალაგა, რამდენიმე დღე სულ ლამაზ სიზმარს ხედავს – გაგრძელებებით, მრავალსერიანი ფილმივით.

აუყვება ფეხით არაგვის ხეობას. ივლისი, ივლისი, ივლისი. გადაივლის ჟინვალს, მადაროსკარს, ჩარგალს, ხომს, ფშავისკენ გადაუხვევს, გაივლის შუაფხოს, მუქოს, ბინდილაურთას და ლაშარის გორს შეუყვება მადლა. გაღმა ახადის სათიბებსაც შეხედავს ხოლმე, ტურფა ყვავილებს რომ გადაუჭრელებია.

ავა ლაშარის გორზე, ჩამორეკავს ზარს, რომლის ხმა ლაშა-

რის გარშემო შეყრილ ყორნებს გაფანტავს. იმ დიდ, ნამეხარ მუხას ხელებს შემოხვევს და დაკოჭრილ, ხავსიან ზროზე აკოცებს. მერმე გაშლის ხელებს და გამოფრინდება, ნისლებში მოფარფატებს, გველივით მბზინავ არაგვსა ხედავს, მწვერვალებსა და უფსკრულებს; ჯვარსა და სვეტიცხოველს რომ გადმოუფრენს, მაშინ ხომ ისეთი ბედნიერია, რომ მეტი აღარ იქნება.

და ეს ყველაფერი ერთხელ კი არა, რამდენჯერმე მეორდება: აუყვება ფეხით არაგვს და იქიდან მოფრინავს, ისევ და ისევ, ისევ და ისევ...

ჰო, არ დამავიწყდეს, რომ მოფრინავს, თან ამას მღერის:

შეიყვებიან ყორნები,  
არ გაირევენ ძერასა.

კაცი ვერსაით წაუვა  
თავის ბედსა და წერასა.

ეუამბე ეს ამბავი ბატონ რევაზ ინანიშვილს, თან ვებოდიშებოდი, ლაპარაკი არ მეხერხება, წერა უფრო შემძილია-მეთქი.

ერთხანს მათვალთვალა მოჭუტული თვალებით. ეტყობა, იმას ფიქრობდა, რომ ვუთხრა, გაიგებს და მიხვდება თუ ვერაო. ბოლოს მაინც ვედარ მოუთმინა გულმა:

ლუხუმი სადღააო?

ვინ ლუხუმი-მეთქი? – გვარიანად დავიბენი.

ქართველ მწერალს ლაშარის გორი თუ დაესიზმრება, ლაშარის გორზე შემდგარი ლუხუმიც უნდა დაინახოსო!.. მიმიხვდიო?!

მპირა

სიღნაღის გადასახვევთან  
მარტო ხმა

სკოლაში რომ ვსწავლობდი, შემოიტანდა ხოლმე გახარებული

დღეაჩემი “ცისკრის”, “მნათობის”,  
“ლიტერატურული საქართველოს”  
რომელიმე ნომერს — აქ ჩვენი რეზო  
ინანიშვილის ნოველებიაო! — ნათე-  
სავზე რომ იტყვიან ხოლმე, ისე  
ამბობდა და სწორიც იყო. ეს რანა-  
ირად, რა კარგად წერდა! ხოლო  
მისი წიგნის ჩვენს ოჯახში შემო-  
ბრძანება ხომ ზემოთ იყო, დაისვა-  
და მამაჩემი დედას და ხმამაღლა  
აკითხებდა საღამოობით, დაღლილი  
რომ მოვიდოდა სამუშაოდან და  
წაინებებდა, იმის მერმე. სხვათა  
შორის, ვაჟა-ფშაველასაც ზუსტად  
ამ მეთოდით ისმენდა...

ფშავის მთებში კლდიდან რომ  
ჩამოვვარდი და გადავრჩი, მამაჩემ-  
მა დაიჟინა — შეთქმული მაქვს,  
ცხვარი უნდა დავკლა წმინდა გიორ-  
გის საყდარში და ჩამოდი, ჩამოიყ-  
ვანე, ვინც გინდაო.

მაშინ დაბეჭდილი მქონდა რამ-  
დენიმე მოთხრობა, უკვე ვიცნობდი  
ბატონ რეზოს. ჯერ დავურეკე, მერ-  
მე სახლში მივედი და დავპატიჟე,  
ძალიან გაახარებთ ჩემიანებს თქვენ  
სტუმრობით-მეთქი.

ავად ვარ, აღარ შემიძლიაო —  
დაიჩვილა და თავაზიანად გადამიხ-  
ადა მადლობა — ალბათ, ვერ შეე-  
ძლებო.

რეზო, ნუ ჩავიკეტებით სახლ-  
ში, გავახაროთ ის ხალხიო — მხ-  
არი დამიჭირა ქალბატონმა  
როზამაც — თქვენ სვალისთვის  
დარეკეთ, გადაწყვეტილი გვექნებაო.

შემდეგ თავისი უბრალო, სადა  
ბინის კედლებზე დაკიდული ტი-  
ლოები დამთვალეირებინა ბატონ-  
მა რეზომ, ფანქრით შესრულებუ-  
ლი საკუთარი ნახატებიც მაჩვენა...

მეორე დღეს შევიტყე, წამოსვ-  
ლა გადაწყვიტათ და — თქვენს  
სადარბაზოსთან დაგელოდებით ჩემი  
მანქანით-მეთქი. მაშინ მწვანე ნულ-  
ექსი მყავდა, იმით ვაკედი და დიდხ-  
ანს არ მილოდნია, ბატონი რეზო  
გამოჩნდა. უმაღლესი, მივეგ-  
ებე, მანქანის კარი გაუღე. თავისი  
ერთი რჩეული მარჯვენა ძვირფასი  
წარწერით და სანამ ქალბატონი  
როზა ჩამოვიდოდა, ერთი პატარა  
ნოველაც წამიკითხა დაგემოვნებით,  
დინჯად და მოზომილად...

სასიამოვნო მუსიკით ჩავედით  
სოფელში, ჩვენები უკვე საყდარში

იყვნენ, სამჯერ შემოვატარე ცხ-  
ვარი და დავკალით, უცებ ჩამო-  
ვატყავით. გაიშალა სუფრა...

მართლა ცუდად იყო ბატონი  
რეზო, შეთავაზებულ კერძებზე უმე-  
ტესად უარს ამბობდა, ვეღარც სვამ-  
და და ტკივილის ჩრდილიც გადა-  
ურბენდა ხოლმე სახეზე, მაგრამ  
არ იმჩნევდა და ხარობდა ჩვენების  
შემყურე — თავისი პერსონაჟები თუ  
ასხენდებოდა.

მერმე შეღამდა, აცივდა.  
იჯდა ქურთუკმოსურული ბატო-  
ნი რეზო და ფოთოლგაცვენილ ტყეს  
გასცქეროდა, ბინდში რომ იძირე-  
ბოდა ნელი-ნელ და ისმენდა,  
აყურადებდა, იგემოვნებდა ჩვენს  
საუბარს. წარა-მარა თვალეში  
შესცქეროდა ძვირფასი მეუღლე,  
ხომ არ ასტკივდა რამეო.

თბილისში რომ ვბრუნდებოდით,  
გზაში იმ ადგილების ისტორიას  
მიახმობდა, სადაც ვავივლიდით.

ოცნებად მაქვს, სიღნაღის გა-  
დასახვევთან რომ მარტოხეა და  
გარშემო შავად გადახნული მინდ-  
ორი — აი, იქ უნდა მოვკვდეო —  
მითხრა და თან ერთგვარი შიშითა  
და საბოდიშო ღიმილით გადახედა  
განაწყენებულ მეუღლეს.

რა დროს მაგაზე ლაპარაკია-  
მეთქი — მივუგე და სხვა თემაზე  
ჩამოვავლე სიტყვა.

უკვე ღამე იყო, კანდელაკის ქუ-  
ჩაზე მდებარე კორპუსს რომ მივაყ-  
ენე მანქანა.

ერთმანეთს რომ ვემშვიდობე-  
ბოდით, უცებ ვიგრძენი — კახეთიდან  
დანახული მთელი საქართველო ეს-  
ვენა გულზე — ამისგან თუ იყო  
ისეთი დარდიანი და დაღლილი...

ერთი წლის შემდეგ მწერალთა  
კავშირში ვნახე, უკვე ძალიან ავად  
იყო...

— ეპო — მითხრა — ნეტავი,  
კიდევ თუ წავალთ შენთან, რა კარ-  
გი იყო მაშინო — ის წმინდა გიორ-  
გობა გაიხსენა.

დავაიმედე — აუცილებლად  
წავალთ-მეთქი...

მართლაცდა, ეპ!

ვერაგის ვეღარ გაახარებს ბა-  
ტონი რეზო თავისი სტუმრობით  
— საახალწლოდ ზეციურ საქარ-  
თველოში გაგვეპარა ერთმანეთის  
ზოცვა-ჟღელტაში გართულსა თუ

სეირის მაცქერალ, დაუნდობლობა-  
ში, განუკითხაობაში ჩაფლულ  
ქართველობას...

და ახლა, ცხოვრების ათასნაი-  
რი უკუღმართობით გადაღლილს,  
ხშირად მახსენდება ხოლმე სიღ-  
ნაღის გადასახვევთან, შავად გადა-  
ხნულ ველზე მდგარი მარტოხე —  
ბერტყენას ეძახდა ბატონი რეზო  
— და ისე ვმშვიდდები, თითქოს ეკ-  
ლესიაში ამნთოს საწითლები.

მესამე

**ოსტატი**

**(უცაბემლი პორტრეტი  
სიზმრიდან)**

მავანი დიდია, ძალიან დიდი. იმ-  
ისმა მასშტაბურმა პერსონაჟებმა  
ლამის დაახანზარონ სამყაროო  
— მითხრა ჩაფიქრებულმა და კაინ-  
ნის ღუმილის მერმე დასძინა —  
არადა, ადამიანი მაგხელა არააო.

თქვენ-მეთქი?

მე პატარა ვარ. დაქანცული და  
ჯოხზე დაბჯენილი ბერძუნის ძირში  
ვზივარ და მაშინვე ცაში კი არა,  
დაბლა ვიყურები — ჭიანჭველებს  
დავცქერი, თავისზე ბევრად მძიმე  
ტვირთი რომ მიაქვთ ან ეძებნო. —  
გაჩუმდა, ჩემს პასუხს თუ უცდი-  
და.

არ მინდა მავანი ვიყო, იმ ჭიან-  
ჭველად ჩამთვალეთ-მეთქი.

ისე გამიღიმა, მარტო თვითონ  
რომ იცოდა — მოწყალედ, მაინც  
დარდიანად და თავზე დამადო და-  
კოჟრილი ხელი.

მერმე ჯოხს დაეხვინა, მძიმე-  
მძიმედ წამოდგა და ასევე წავიდა...  
წავიდა და წავიდა, გაქრა.

დიდებული ადამიანი იყო ცხ-  
ონებული, ნამდვილი ქრისტიანი. მე  
ვწერ, ჩემს სულს რომ ლოცვა  
დასჭირდებაო — ამბობდა. მისმა სი-  
სადავემ არ შეგაშფოთოს, “ორლო-  
ბის მწერალს” ნუ დაუძახებ და  
თუ დაუძახებ, ისიც იცოდე, რომ  
მისი ორლობე მთელ საქართველოს  
იტევს. მაინცდამაინც, ნიკო ფიროს-  
მანაშვილისა არ იყოს, ჯერ ევრო-  
პამ უნდა აღიაროს, რომ შენც აუბა  
მხარი და სულ ნიანგის ცრემლები  
აღვარღვარო?







ზავშვავისათვის ისე უნდა  
ვითაჟაჟოთ, როგორც უფროსებისათვის,  
ოღონდ უფრო უპატივსაღ,  
უფრო ბუნებრივად და სათუთად.

სტანისლავსკი

უფრო დაიხვეწა. ამ პერიოდიდან იწყება ფორმისა და შინაარსის განვითარების გზების ძიება. სპეციალისტების წინაშე დაისვა საკითხი ავტორობის შესახებ. ერთ-ერთი ვერსია ასეთი იყო: ვინ ქმნის სპექტაკლს – ერთი პიროვნება თუ დასი? გამოიკვეთა – მარიონეტულმა თეატრმა გარკვეულ დონეს რომ მიაღწიოს, საავტორო უნდა იყოსო. სპექტაკლი ერთი პიროვნების, ერთი გონების მიერ უნდა შეიქმნასო. მხოლოდ ამ შემთხვევაში მოხ-

თოჯინების თეატრის შემქმნელზე, კაცზე, რომელიც ძალზე ბევრს აკეთებს ჩვენი ყმაწვილებისათვის. მალხაზ სამსონაძემ თბილისის სამხატვრო აკადემია დაამთავრა, მიიღო მხატვარ-დიზაინერის კვალიფიკაცია.

1989 წელს მცხეთაში მისი თაოსნობით გაიხსნა თოჯინების და ჩრდილების თეატრი “ფასკუნჯი”. დირექტორიც თავად განლდათ და სამხატვრო ხელმძღვანელიც. თეატრს ნაწილობრივ ადგილობრივი

# სუფთა ხელებით

მპა ჩილაჩავა

თოჯინების თეატრი...

ეს უძველესი ჟანრი სათავეს რელიგიურ-მისტიკური სანახაობებიდან იღებს. თურმე ჯერ კიდევ ძველ ეგვიპტეში წარმოადგენდნენ მისტიკურას ოსირისსა და ისიდაზე. მეთერთმეტე საუკუნეში კი ეკლესიებსა და მონასტრებში თოჯინების თეატრის წარმოდგენები ბიბლიურ სიუჟეტებზე იმართებოდა. მთავარი პერსონაჟი წმინდა მარიამი იყო. აქედან მოდის რომანულ-გერმანულ ენებში დღემდე შემორჩენილი თოჯინას სახელწოდება: მარიამი – Marion Marionette. დროთა განმავლობაში ბიბლიური სიუჟეტების პარალელურად თოჯინების თეატრში საერო “მიწიერი” თემატიკაც შეიჭრა. ამიტომ თეატრი ეკლესიიდან გააძევეს. იმ დროიდან იგი მოედინებდა და ბაზრობებზე დამკვიდრდა...

მას შემდეგ დიდმა დრომ განვლო...

მე-20 საუკუნის 50-60-იან წლებში მსოფლიოს მრავალ ქვეყანაში იწყება ექსპერიმენტები საბავშვო სპექტაკლების ფორმისა და ტექნიკური მხარის დასახვეწად. დროთა განმავლობაში თოჯინების თეატრის გამოშასხველი მხარე გამდიდრდა. წარმოდგენები უფრო თავისუფალი და მეტყველი გახდა. გამოიკვეთა მხატვრის ფუნქცია და მსახიობ-მეთოჯინეთა ხელოვნება

ერხდება თოჯინების გაცოცხლებაც და წარმოდგენის ერთიანი სულისკვეთების შექმნა. მხოლოდ ამ გზით დაიხვეწება და გაერთიანდება შინაარსი და ფორმაო. (ირინე ლოღობერიძე, თოჯინების თეატრის მსოფლიო ფესტივალზე – შარლევიმეზიერი, 1988 წელი).

დროთა განმავლობაში არაერთი საავტორო თეატრი შეიქმნა. უნდა ითქვას, რომ საბავშვო თოჯინების თეატრს თავისი სპეციფიკა გააჩნია. ეს ის კერაა, რომელმაც სკოლასთან ერთად, მის მხარდამხარ, ყმაწვილის სული და ზნობა უნდა ჩამოაყალიბოს, მის ზრდასა და განვითარებას სწორი გეზი მისცეს, ავისა და კარგის გარჩევა, ბოროტის სიძულვილი და კეთილის დაფასება ასწავლოს. ეს ურთულესი ამოცანაა, რადგან ბავშვის ბუნება უადრესად ფაქიზი და სათუთია, იგი ფრთხილ, დაკვირვებულ მიდგომას მოითხოვს. მასთან “უფრო ბუნებრივი” და “უფრო სუფთა” უნდა იყოს, რათა ბოლომდე გენდოს. პატარა მაყურებელი ტყუილსა და სიყალბეს არ “გაპატიებს”. იგი მხოლოდ მაშინ დაეიჯერებს, როცა შენს სიმართლეს და ერთგულებას დაინახავს, როცა სცენაზე მთელს შენს სიყვარულს უშურველად მიიტან.

ამ წერილში საუბარი გვექნება ერთ-ერთი საავტორო, საბავშვო

ბიუჯეტიდან აფინანსებდნენ, თავადაც არ იშურებდა საკუთარ დანაზოგს. ერთხანს თეატრი თვითდაფინანსების პრინციპით მუშაობდა. ბატონი მალხაზი სიამოვნებით იხსენებს იმ დროს, როცა თეატრმა საკუთარი ავტობუსი შეიძინა და შეძლო ორგანიზებულად ჩამოეყვანა მაყურებელი თბილისის სკოლებიდან და რაიონის სოფლებიდან. ბავშვები ესწრებოდნენ სპექტაკლებს, ხოლო შემდეგ, სვეტიცხოველსა და დედათა მონასტერს ათვალთვლიერებდნენ.

მცხეთაში დღესაც იხსენებენ ამ თეატრს და მის მიერ მინიჭებულ სასიამოვნო წუთებს.

1991-92 წლების მოვლენების გამო თეატრმა არსებობა შეწყვიტა. სულ მალე ბატონმა მალხაზმა შექმნა მოძრავი თეატრი და არსებული რეპერტუარით გააგრძელა მუშაობა თბილისის სკოლებსა და საბავშვო ბაღებში.

1997 წელს, ისევ საკუთარი სახსრებით, ახალი მარიონეტული თეატრი გახსნა მუშათაიდის მიმდებარე, საბავშვო რკინიგზის ტერიტორიაზე. მეორე სეზონში მან გადაწყვიტა განეხორციელებინა “მცხეთური სისტემა” – ორგანიზებულად მოეყვანა მაყურებელი სკოლებიდან და საბავშვო ბაღებიდან. გააკეთა სპეციალური პროგრამა: სპექტაკლი, ატრაქციონები, საჩუქრები. ექს-

პერიმენტმა გაამართლა. პედაგოგებმა და მშობლებმა სიაშოვნებით მიიღეს წინადადება, მაგრამ რამდენად გულდასაწყვეტია, ბრწყინვალედ ჩატარებული პრემიერის შემდეგ, იმავე ღამეს თეატრი დაიწვა... დაიწვა ფრიად საეჭვოდ და, სამწუხაროდ, დღემდე დაუდგენელ ვითარებაში. დაიწვა ყველაფერი — თოჯინები, დეკორაციები, აპარატურა, წლების ნაშრომი და ნაწვალეები. თითქოს ცხოვრებაც დამთავრდა...

მაგრამ ყოველივე ამის მიუხედავად, ხელოვანი არ გატყდა, საყვარელ საქმეზე გული არ აიყარა და რამდენიმე კვირაში ახალი მოძრავი თეატრი შექმნა.

თუმცა, სჯობს თავად მას მოეხსენიოთ:

— დავიბადე თბილისში, მელიქაზარიანის სახლში. მოგეხსენებათ, ადრე ამ შენობაში მოზარდ მყურებელთა თეატრი იყო. ეზოში კი — თოჯინების სახელმწიფო თეატრი. მე არც ერთ წარმოდგენას არ ვტოვებდი. შეიძლება სწორედ აქედან დაიწყო ჩემი დაინტერესება...

ხატვა მიყვარდა. ი. ნიკოლაძის სამხატვრო სასწავლებლის დამთავრების შემდეგ სამხატვრო აკადემიაში ჩავაბარე. ვმღეროდი აკადემიის ხალხური სიმღერების გუნდში და ვხელმძღვანელობდი ვოკალურ-ინსტრუმენტულ ანსამბლს. მესამე კურსიდან პარალელურად ვმუშაობდი ჟურნალ „მეცნიერება და ტექნიკის“ სამხატვრო რედაქტორად. თავისუფალ დროს ვაკეთებდი მარიონეტულ თოჯინებს და ვაბარებდი სამხატვრო სალონებში გასაყიდად. ამ თოჯინების დამსახურებაა, რომ სადიპლომო ნამუშევრების თემად მარიონეტების საბავშვო თეატრის პროექტი მქონდა...

დღემდე სულ ოთხი თეატრი მაქვს შექმნილი. სპექტაკლების თემატიკა ზღაპრებია. დადგმული მაქვს გ. ნახუცრიშვილის „ნაცარქექია“, ჯ. როდარის „ჯელსამინო ცრუთა ქვეყანაში“, რ. კიპლინგის „რატომ აქვს სპილოს ხორთუმი“, ჯ. ჰარიის „ბიძია რიშუსის ზღაპრები“, მ. არჯილისა და გ. პარკას „ლურსმანას თავგადასავალი“, თბილისის

სახელმწიფო თეატრში გაფორმებული მაქვს სპექტაკლი „საჩუქარი“.

დღეს მოძრავი თეატრი მაქვს, სადაც თითქმის ყველაფერს მე ვაკეთებ: სცენარი, რეჟისურა, მხატვრობა, მუსიკა, სტუდიური მუშაობა, თოჯინები, ტექნიკური მომსახურება, პერსონაჟებსაც მე ვახმოვანებ. ეს არის ერთი კაცის თეატრი, რომელსაც სპექტაკლებზე მეთოჯინე მსახიობები ეხმარებიან.

მოგეხსენებათ, ადრე, ძველ დროში, წარმოდგენები ბაზრობებზე იმართებოდა. ჩემი მიზანიც დღეს ეს არის. მე თვითონ უნდა მივიღე სკოლებში, საბავშვო ბაღებში. ეს მომგებიანია როგორც ჩემთვის, ისე მშობლებისთვისაც. ჩემი აზრით, ბავშვი, რომელიც პედაგოგთან ერთად უყურებს წარმოდგენას, უფრო ბევრის მოცემია, რადგან იმავე დღეს იმართება სპექტაკლის განხილვა და, ბუნებრივია, ეს მასწავლებელს მოზარდის აღზრდაში ეხმარება.

დღევანდლობამ ახალი პრობლემები და ახალი შესაძლებლობები მოიტანა. მე ყოველთვის ცვდილობდი მშობელთა ნებაყოფლობითა და თანხმობით ყოფილიყო ბილეთების რეალიზაცია. ახლა ეს რეალურ სახეს იღებს, მაგრამ არიან ადამიანები, რომლებიც თვლიან, რომ დღევანდელ მძიმე სოციალურ ვითარებაში საბავშვო თეატრი „ფუფუნებაა“. ნება მიბოძეთ, არ დაგეთანხმოთ, ბატონებო! საქმე ისაა, თუ ვინ გვინდა გამოვზარდოთ და ვის გვინდა ჩავაბაროთ ჩვენი ქვეყანა.

შეიძლება და ალბათ საჭიროა, მომჭირნე ვიყოთ ბევრ რამეზე, მაგრამ არსებობს, როგორც ჩვენს პარლამენტში ხშირად იტყვიან, „დაცული მუხლები“ და პირველ რიგში ეს ბავშვებს ეხება. არ შეიძლება ეკონომია ბავშვების სიხარულზე, სულიერ და ესთეტიკურ აღზრდაზე, თუ არ გვინდა მორალურად და სულიერად მახინჯი არსებები, დაპროგრამებული რობოტები გამოვზარდოთ.

რუსეთის სკოლებში სხვათა შორის ცირკიც მართავს წარმოდგენებს: აქ ჟონგლიორები, ილუზიონისტები, აკრობატები და პატარა

ცხოველები იგულისხმება. ოდითგანვე ეს იყო მოძრავი ფუნქცია და ტრადიცია, რაც ჩემი აზრით, არ უნდა მოშლილიყო.

არსებობს კიდევ ერთი გზა — სპონსორი. ხომ შეიძლება კერძო ორგანიზაციებმა, ცალკეულმა მეწარმეებმა, რომლებსაც დიდი მოგება აქვთ, თანხა თეატრში „დააბანდონ“? ამ შემთხვევაში მე უფასოდ ჩავატარებდი სპექტაკლებს...

ბავშვის წარმოდგენა ცხოვრებაზე ჯერ კიდევ არ არის ჩამოყალიბებული. პასუხის ძიებაში კითხვაზე, თუ რა მოსწონს და რა არა პატარა მყურებელს, რა აღელვებს და რის მიმართ რჩება გულგრილი, რატომ იცინის ან რატომ ტირის სპექტაკლის ყურებისას, თავს იჩენს ბავშვთა აღქმის სპეციფიკის კონკრეტული პრობლემები და გამოიკვეთება საბავშვო თეატრის ახალი და ფართო აღმზრდელობითი შესაძლებლობები.

მოსწავლის ესთეტიკური აღზრდის პროცესში ყურადღებით უნდა აიწონ-დაიწონოს გაანალიზებული და ორგანიზებული მხატვრული ინფორმაციის მთელი ნაკადი, ბავშვებთან სხვადასხვა არსებით რომ მოეძინება. ამავე დროს, ბავშვს უნდა მიეცეს შემოქმედებითი საქმიანობის და თავისი პიროვნების გამოხატვის საშუალება. აი, მხოლოდ ამით ეშველება ამ საქმეს...


თოჯინური ხელოვნების ყველა ჟანრში მინდა თავი მოვსინჯო, მაგრამ ჩემი ოცნებაა წარმოდგენები გაკვეთილების სახით დავდგა. ამ შემთხვევაში მეცნიერულ კლასგარეშე ლიტერატურას გამოვიყენებდი. მეთოჯინე მსახიობებად ზრუნვა მოკლებულ ბავშვებს აღვზრდიდი, უდემამო ბავშვთა ბაზაზე კი ახალ თეატრს შევქმნიდი.

\*

დასასრულ, ესთეტიკური აღზრდა მარტო მშობელმა, სკოლამ, წიგნმა, გაზეთმა და ჟურნალმა კი არ უნდა მისცეს ბავშვს, არამედ თეატრმაც, ამით ჩვენ პედაგოგებსაც დავეხმარებით და მშობლებსაც...

მთავარია, გესმოდეს თოჯინების, გრძობდე მათ „ტკივილს და სიხარულს“ და თუ ასე მოხდა, ბავშვებსა და თეატრს შორის დამყარდება ის სულიერი სიახლოვე, რაც ესოდენ აუცილებელია.

F8091





ბურამ ბელოზვილი

# დედუჯი

● ქალმა შავმუხიანის დაბალი, სშირი ტყით შემოვლებული ოლე გაიარა და შემოდგომის ფერებით უცხოდ აჭრელებულ ტაფობს ზემოდან გადახედა. დამრეცი ტყისპირები დაღვინებული ფერებით იყო გადალესილი. საერთო სიყვითლიდან ღვიძლისფრად ჩამუქებული შვინდის, კოწახურის და კუნლის ბუჩქები იჭყიტებოდნენ. ბექობი რომ ჩამოიდაბლა, არაგვის მხრიდან მომდინარე ყრუ შხუილის სმას მიაყურადა; რატომღაც სურდა ერთხელ კიდევ მოეკრა თვალი მდინარის პირ-პირ წავრმელებული ანანურისათვის, მაგრამ სოფელს უკვე მუხნარის ვარჯი უფარავდა. უცნაურია, როგორც კი იგი თვალსაწიერიდან გაუქრა, ქალს უჩვეულო სევდა დაეუფლა, ოღონდ ეს სევდა შიშისა არ ყოფილა, შიში არც გახსენებია. უბრალოდ, ეს იყო სურვილი თავისი ზემოუბნის ხელახლა ხილვისა, რადგან მისი დანახვა, თუნდაც — შორიდან, ოჯახში უუფროსოდ, ერთიმეორის მიიძღედ დატოვებულ შვილებზე ფიქრს უცხოველებდა. ეს ფიქრი დედას ხალისსა და ენერგიას მატებდა.

არა, მარტო არ უნდა წამოვსულიყავ! — საკუთარ თავს ადანა-

შაულებდა ქალი: - განა პირს რამე დამცემს, მაგრამ ტყე მაინც ტყე არის! მაღალ ღმერთს ტყე მარტო კაცისთვის და ნადირ-ფრინველისათვის გაუჩენია. ქალისა კერაა. კერა და შვილები!..

შინიდან დილაუთენია გამოსულს თხილის თხელი ლარტყებით მოწნული კალათა ჯერ სანახევროდაც ვერ მოეყარა, თუმცა, რაც ხელთ მოხვდებოდა, - კოწახური იყო, შვინდი თუ გასაკროლად გამზადებული თხილი, ყველაფერს გაურჩევლად, ყუნწ-ფოთლებიანად, შიგ ყრიდა.

ქალმა თელის ქვეშ ამოსულ წყაროსთან შეისვენა, ტყის მტკვრმოდებული ყელ-კისერი და სახე სველი ხელისგულებით მოიწმინდა და ძველ ბალახგადავლილ მიწაყრილზე ჩამოჯდა. მცირე ხანს იჯდა ფიქრიანი, უბრალოდ ტუჩებმოძუწული. ტყის დიდ სიმშვიდეს ხანდახან ჩხიკვის მჭახე ხმაური თუ არღვევდა. ქალს წყლის სიახლოვემ წყურვილი გაუძლიერა, წამოხეზვედა, იქვე მწვანედ ამოდუყებულ ბუერას მისწვდა, ფოთოლი ხინკლურად მოანაოჭა და „ჯამი“ შირიმის ფიჭა-ფიჭა დასვრეტილ ლოდზე ჩამომდინარე ჭავ-

ლს შეუდგა: სმას რომ მორჩა, თავი მაღლა ასწია და... წყურვილის მოკვლით მოგვრილი სიამე სახეზე შეაცივდა: იქვე, ხუთიოდ ნაბიჯზე, მომცრო ხევის პირას, უკანა ტოტებზე ავრეხილი დათვი იდგა!

ქალს არ უკვილია, საშველად არავისთვის მოუხმია. ერთადერთი, რაც სრულიად გაუცნობიერებლად მოიმოქმედა, ის იყო, რომ კალათს ხელი დაავლო და ზეზე ადგომა იწყო. დგებოდა ნელა-ნელა, დაყოვნებით, თითქოს ნადირის დაფრთხობისა ემინიაო. როცა წელში გასწორდა, მაშინლა შენიშნა, ძუ დათვის ზურგს უკან ერთიმეორეს გორგლად ჩანასკვულ-ჩახვეული ბელები ბუდრაობდნენ.

- ორი ჰყოლია, - გაიფიქრა ქალმა და, იმის ნაცვლად, რომ ბელებიანი დათვის პირისპირ შეერთი ზაფრა დასცემოდა, ცნობისმოყვარობამ სძლია, - მზერა ახლა ძუ დათვის გაუსწორა. ტოტებზე შემდგარი დათვი რუხ თავ-პირს აქეთ-იქით იღებდა, წინ წაწვდილი შავი დრუნჩით ჰაერს ხარბად ყნოსავდა, თან გაბმით ყუყუნებდა. თხილის თეთრი ლარტყებით დაწნულ კალათს, მთელ შიგთავსს, ნაცნობი, მშობლიური ტყის უმ-

ფოთველი სუნი უდიოდა, ამიტომაც ნადირს თაფლისფერ თვალებში გაბოროტებისა თუ სიანჩხლის ნატამალიც არ უჩანდა. დათვმა კიდევ ერთხელ მოყნოსა ჰაერი და, სრულიად დამშვიდებულმა, ტორები ძირს ჩამოაწყო.

ძუ დათვმა ბელებს მოავლო თვალი და ერთ-ერთს, უფრო დაუდგარსა და კბენიას, თავში ტორი მსუბუქად გაჰკრა. ბელმა თამაში შეწყვიტა და, დედის ლაჯებშია მორჩილად ჩამდგარმა, სული გატრუნა. ქალს ბელის დასჯამ გული აუჩვილა და, როგორც შვილებთან სჩვეოდა, გამოქომაგება სცადა: ორიოდ ნაბიჯი წადგა და ხელისგულზე დაყრილი შინდის მარცვლები წადიერად გაუწოდა:

- აჰა, მოდი, ნუ გემინია!.. ისეთი გემრიელია, შენი მოწონებული!..

ქალის ხმაზე ძუ დათვმა თავი შეაქანა და იქაურობა კვლავ ბეჯითად მოყნოსა: მის წინ მდგარ ორფეხა არსებას, ადამიანს, რკინის უცხო, მუხანათი სუნი არ უდიოდა; მაშ, დათვსაც, მის ონავარ ბელებსაც შეეძლოთ თავი უსაფრთხოდ ეგრძნოთ და დილის ჩვეული გასეირნება ამჯერადაც მშვიდობიანად დაესრულებინათ.

დათვი ხევის პირას, შემადლებულზე იდგა და მეორე მხარეს გადასვლას არ აპირებდა, სწრაფი, მოკლე ნაბიჯებით გადი-გამოდიოდა და თან ყრუ, მოგუღული ხმით ბურღღუნებდა.

- ბრაზობ, განა? - გაელაპარაკა ქალი, - გაბრაზდები, მაშ რა მოგივა, როცა მთელი სოფელი ასე გაქიმითა, გახარება! დიდი და პატარა ტყეს არის მოდებული, ჰკრეფენ, ლეწავენ, ფხოზავენ... იმას კი აღარავინ ნადვლობს, ამოდენა ნადირ-ფრინველს და იმათ წვრილებს რჩენა რომ უნდა! მე კი, ჩემი ვასოს და სოფიკოს გამრავლებამ, ტყეში დღეს პირველად გამოვედი... ვიფიქრე, ცოტას მეც რამეს გამოემარცვლიო. ამოდენა ზამთარი წინ მიდევს, მარტო, ავად რომ დამიხდნენ, კერკით ცხელ კისელს მაინც მოვუღლებ...  
 გაცოდინა მაინც, მეც შენსავით ორი მყავს, ქალ-ვაჟი. ჯერ გოგო მეყოლა, მერე, წლისთავზე, მოვიხედოთ და ვაჟიშვილი, გამიჩნდა. უმამოდ კი დავზარდე, თავს რა

ცოდვისხილება არ გადამხდა!.. რატომ და, წავიდა, ავი ანგელოზი თუ რამ დააჯდა მხარზე! ისე, სიმართლე თუ გინდა, შვილებზე გულაყრილი კაცი გინდა გყოლია, გინდა - არა!

- შენაც, ხომ ვიცი, ბელებს უმაგათმამოდ ზრდი. ჩემი კაცისა არ იყოს, მაგათ მამასაც შვილებზე ჯავრი გულში ერთხელ ფიქრდაც არ გაუვლის! დადიან, დაბუნიობენ გამოშვებული ხარებივით... ჩვენ ვიკითხოთ, ჩვენ, დედებმა, მამებს რა უჭირთ!..

ძუ დათვი შეჩერდა, გაიყურსა, მერე უკანა თათებზე შედგა და ენაპირად გაკრეფილ ქალს დაჟინებით მიაშტერდა.

- არ გამიბრაზდე, ქალო, აგრემც სილალით დაგეზრდებიან ეგ შენი ანგელოზი შვილები... მე მარტო ის გითხარი, რაც ცხოვრებაში უკადრი ტანჯვა-ჯაფა მადგას... გული დედურად გადაგიშალე, სხვა კი არაფერი...

- ეუჰ, ეუჰ! - ამოიგმინა დათვმა და ქალისათვის თვალმოუშორებლად აქეთ-იქით გაიარ-გამოიარა. ერთხანს შეჩერდა, მერე უკან მოიხედა და მუხლამდე ყვავილნარად ამოდულებულ ბალახებში სამკვდროსასიცოცხლოდ წაკიდებულ ბელებს ტორი დედური სიფრთხილით წამოჰკრა, ერთიმეორეს გააშორიშორა.

- იყვნენ, ითამაშონ, ქრისტეიანო! თამაში და ბღლარძუნი მაგათი მოგონილია!.. ჩემებიც ეგრე არიან. მიჰხედავ, - თაფლწასმულებივით ერთიმეორეს ლოკავენ, მოჰხედავ და უცხოებივით წაიკიდებიან, ლამის ერთმანეთი დაჭამონ! ავსა და შარს ნურაფერს მოიწვევენ და, რა გინდა, ითამაშონ, ითავყირონ!..

უცებ ქალს აუტანელი წყურვილი დაეუფლა. იგრძნო, ტუჩები ერთიანად როგორ გაბმოდა, მთელი პირის ღრუ ბლის ხმელი კანივით დამაშროდა. წყაროსთან მისულის ბუერის ხინკლურა ჯამი აღარ გახსენებია, წყალს პეშვში იგროვებდა და ბავშვური ნეტარებით სვრებდა. წყურვილი რომ მოიკლა, კალათს ხელი გაუყარა და წასვლა დააპირა, მაგრამ მიხვდა, სამოთხ ნაბიჯსაც ვერ გადადგამდა, - შარდის ისეთი უნებური მოწოლა იგრძნო. ბევრი არც უფიქრია, ჯერ ქალური რილით სავსე მხერა მოავ-

ლო იქაურობას, მერე გვიმრიანში შევიდა და წელამდე მოზრდილ სიმწვანეში ჩაცუცქდა. სულ მალე ზურგს უკან ბალახების შარი-შური შემოესმა. ქალს ტანში შიში ჩაუდგა, - ბალახობიდან ზაფრავა მცურავის უბრალო ხსენებაც კი. მოხედვაც ვერ მოასწრო, თოვლივით ქათქათა გლუვ ბარძაყებზე ბელები შემოენთნენ...

ქალი ხელებით იცილებდა ონავრებს, ისინი კი გოჭბივით ხრუტუნებდნენ, ქოშინებდნენ და ლაჯებქვეშ უძვრებოდნენ, მზედაუკრავ მუხლისთავეს ჰაწია, თბილი და ხაოიანი ენით ულოკავდნენ.

- ჰო, რა იყო, რა ნახეთ, რა გამოგივარდათ!.. გასწით, დამშორდით, თქვე უნამუსოებო, თქვე ფინთებო!.. რას ისუნებით, რამ შეგშალათ, რამ გადაგრიათ?..

ბელების ცნობისმოყვარეობას კი ბოლო არ უჩანდა. ქალი რომ წამოდგა, ისინი კვლავ კანჭებზე ეტოტებოდნენ, კრუტუნებდნენ, ლოკავდნენ... ქალი გაღიმებული დაიხარა, ორივეს ზურგზე ხელი გადაუსვა, მოეფერა და გაღიმებულმავე ჩაუგურგურა:

- ვაიმე, როგორი საყვარლები ჰყოფილხართ, თქვე ყროლებო, თქვე ფინთებო!

მერე ძუ დათვისკენ გაიხედა. დათვს დრო ეხელთა, გვერდზე მიმდგარიყო და თხილის ბარდს ამოფარებული, ქალურებ ჩაცუცქეული, მშვიდად შარდავდა...

- ღმერთო, დაგელოცა სამართალი! - წყნარად დაილაპარაკა ქალმა და უსაფრთხოობაში უკვე სრულიად დარწმუნებულმა ბელებს დაუცაცხანა:

- წადით, თავიდან დამშორდით, დამეკარგენით! მიდით თქვენს დედიასთან! არ გააბრაზოთ თქვენი კარგი დედია! მეც წავალ, ჩემებსაც, ვიცი, გზისკენ ექნებათ თვალი დარჩენილი!..

ქალი შეტრიალდა, კალათს ხელი დაავლო და ბილიკს გაუყვა. ათიოდე ნაბიჯიც არ ქონდა გადადგმული, გულმა უკანვე მოახედა: ძუ დათვს თავისი ბუთხუზა შვილები წინ გაეყარა, თვითონ კი მწყემსურად კვალში ჩასდგომოდა. სულ მალე ისინი აღმართს შეუყვანენ და ყვითლად მოღალანე ხშირნალს შეერივნენ.

# შეღვა ი.სტალინის შეხვედრა ჰიტლერთან?

თბილისში გამოძავალი "კავკასი კალენდარი" გამოქვეყნებული ინფორმაციების თანახმად, 1911-1914 წლებში გერმანიის გენერალურ კონსულად თბილისში მუშაობდა გრაფი შულენბურგი. იგი 1911 წლის აპრილში ჩამოვიდა თბილისში. მაშინ გენერალური საკონსული მდებარეობდა პასკევიჩის ქუჩის №14-ში. ტელეფონი 12-16.

გრაფი შულენბურგი 1914 წლის ივლისში ბერლინში გაიწვია საგარეო საქმეთა სამინისტროში.

როგორც გაზეთი "საქართველო" იუწყებოდა, გრაფი შულენბურგი - საიმპერიო მთავრობის დიპლომატიური წარმომადგენელი საქართველოს მთავრობასთან მეორედ 1918 წლის 30 მაისს ჩამოვიდა თბილისში. 4 ივნისს იგი თბილისში პრესკონფერენციას ატარებს ჟურნალისტებთან, ხოლო 11 ივნისს - ნიუ რამიშვილთან ერთად კოლონის (რუსთაველის) პროსპექტზე ესწრებოდა ქართველი და გერმანელი სამხედროების აღლუმს და სიტყვით გამოდის.

1919 წლის 17 იანვარს გრაფმა თბილისი დასტოვა და რამდენიმე წლის განმავლობაში ბერლინში საგარეო საქმეთა სამინისტროს აღმოსავლეთგანყოფილების რეფერენტი იყო. მერე დაინიშნა გერმანიის ელჩად ჯერ თეირანში და შემდეგ ბუქარესტში. 1934 წლის აგვისტოში იგი მოსკოვში ჩადის როგორც გერმანიის საგანგებო და სრულუფლებიანი ელჩი სსრკ-ში.

1938 წლის 29 სექტემბერს მიუნხენში დიდმა ბრიტანეთმა (ნ. ჩემბერლენი), საფრანგეთმა (ე.დელადი), ფაშისტურმა გერმანიამ (ა. ჰიტლერი), ფაშისტურმა იტალიამ (ბ. მუსოლინი) ხელი მოაწერეს შეთანხმებას ჩეხოსლოვაკიის სუდეტის ოლქის გერმანიისათვის გადაცემის შესახებ (ამ ოლქში ძირითადად გერმანელები ცხოვრობდნენ). ამასთან შეთანხმებით დაკმაყოფილდა უნგრეთის და პოლონეთის პრეტენზიები ჩეხოსლოვაკიისადმი. ამ შეთანხმებამ განაპიროვნა შემდგომ გერმანიის მიერ მთელი ჩეხოსლოვაკიის ოკუპაცია თოფის ერთი გასროლის გარეშე.

1938 წლის ნოემბრიდან გრაფი შულენბურგი მოსკოვში აკრედიტებული დიპლომატთა კორპუსის დუაინია, რამაც მას საშუალება მისცა პირადი კონტაქტები დაემყარებინა საბჭოთა უმაღლეს ხელმძღვანელებთან და ი. სტალინთან.

1939 წლის აგვისტოში გერმანიამ მოსკოვთან თვდაუსხმელობის პაქტი დასდო.

1939 წლის 3 სექტემბერს საფრანგეთმა და დიდმა ბრიტანეთმა ომი გამოუცხადეს გერმანიას, მაგრამ აქტიური საომარი მოქმედება არ დაუწყოთ (ე.წ. "უცნაური ომი").

და აი, სწორედ 3 სექტემბერს ი. სტალინი წერს გრაფ შულენბურგს:

"სსრკ-ში გერმანიის ელჩს გრაფ ვერნერ ფონ ლერ შულენბურგს. გამ. №980 1939 წლის 3 სექტემბერი

მე პრინციპულად თანახმა ვარ შეხვედრე ბატონ ადოლფ ჰიტლერს. შეუცვლელად ვიქნები ამ შეხვედრის მოსურნე. შეხვედრის ორგანიზაცია დაგვაღე ჩემს შინაგან საქმეთა სასკომის ანხ. ბერიას. პატივისცემით ი.სტალინი"



როგორც ჩანს, ა. ჰიტლერი იყო შეხვედრის ინიციატორი.

გრაფმა შულენბურგმა წერილით აცნობა ჰიტლერს სტალინის თანხმობა შეხვედრაზე. წერილის ასლზე შემორჩენილია მინაწერი: „მოსკოვის დროით 1939 წლის 9 სექტემბერს 17 საათზე და 10 წუთზე სსრ კავშირში გერმანიის საელჩოს მეორე მდივანმა დარეკა და ითხოვა გადაცემა ამხ. მოლოტოვისთვის, რომ ბატონმა რეიხკანცლერმა ადოლფ ჰიტლერმა მიიღო ამხ. სტალინის მიმართვა." შემდეგ ასეთი წერილი:

„სსრ კავშირში გერმანიის ელჩს გრაფ ვერნერ ფონ ლერ შულენბურგს. გამ. 1001 1939 წლის 20 სექტემბერი. აცნობეთ გერმანიის რეიხკანცლერ ადოლფ ჰიტლერს, რომ შხადა ვარ მასთან პირად შეხვედრისათვის 1939 წლის 17, 18 და 19 ნოემბერს ლეოვში. ჩამოვალ სპეციალური მატარებლით და შეხვედრაც ჩემს ვაგონში მოხდება. პატივისცემით ი.სტალინი"

ადოლფ ჰიტლერმა შეხვედრის დროს ოქტომბრის 17, 18 და 19 რიცხვები მიიჩნია. ამით მან ასეთი შეხვედრა ი. სტალინთან უფრო დაჩქარა. სტალინის მესამე წერილი: „სსრკ-ში გერმანიის ელჩს გრაფ ვერნერ ფონ ლერ შულენბურგს. გამ. 1037 1939 წლის 11 ოქტომბერი. გთხოვთ საბოლოოდ ჩასთვალოთ შეხვედრის დროდ 1939 წლის 17, 18 და 19 ოქტომბერი და არა ნოემბრის 17 - 19 ნოემბერი, როგორც ადრე იყო დაგეგმილი. ჩემი მატარებელი შეხვედრის ადგილზე იქნება 1939 წლის 17 ოქტომბრის 15 საათსა და 30 წუთზე. შინსახკომის ორგანოების მიერ მიღებულია ყველა ზომები დაგეგმილი დონისძიე-

ბათა უშიშროებისათვის. პატივისცემით ი. სტალინი"

1940 წელი. აპრილ-მაისში ჰიტლერ-ელმა დანიისა და ნორვეგიის ოკუპაცია მოახდინეს. მაისში ოკუპირებული იქნა ბელგია, ნიდერლანდები, ლუქსემბურგი. 14 ივნისს გერმანული ჯარები პარიზში მარშით შევიდნენ.

1941 წლის 22 ივნისს გერმანია საბჭოთა კავშირს თავს დაესხა.

ივნისის ბოლოს გრაფი შულენბურგი ბერლინში ბრუნდება ბაქო-თბილისი-ლენინაგან-ანკარის გავლით. იგი ჩამოშორდა დიპლომატიურ საქმიანობას. 1944 წელს მონაწილეობს ჰიტლერის წინააღმდეგ მიმართულ შეთქმულებაში, რომლის თანახმად გადავიდოდა ფრონტის ზახზე, ჩავიდიდა მოსკოვში და სტალინთან მოლაპარაკებას გამართავდა ზავის დადების თაობაზე. ჰიტლერის რეჟიმის დამხობა ვერ მოხერხდა, შულენბურგი დააპატიმრეს და წამების შემდეგ, 1944 წლის 10 ნოემბერს ჩამოახრჩეს.

გრაფ შულენბურგის გასახსენებლად დღეს მოსკოვში გერმანიის საელჩოს შენობაზე მემორიალური დაფაა გაკეთებული.

სტალინის მიმორწრა გრაფ შულენბურგთან აღმოჩენილია არქივებში, როგორც ამას იუწყება მოსკოვში გამოძავალი „კალიდოსკოპი“.

მართლაც შეღვა ი. სტალინის შეხვედრა ლეოვში ა. ჰიტლერთან?

# შილერი და გუსტავ პაზა

მერაბ კალანდიაძე



● გამოჩენილი გერმანელი მწერალი და დრამატურგი ფრიდრიხ შილერი, ამავე დროს, გერმანული განმანათლებლური ისტორიოგრაფიის ერთ-ერთი თვალსაჩინო წარმომადგენელია. შილერი, როგორც ისტორიკოსი, ქართული საზოგადოებისათვის შედარებით ნაკლებად ცნობილი და ამ კუთხით საკითხის წარმოჩენა გამართლებული უნდა იყოს.

შილერი წლების განმავლობაში ემსახურებოდა ისტორიის მუზას “კლიოს” და არაერთი ისტორიული ნაშრომის ავტორია. ამიტომ შედეგის მქონე გუსტავ პირველი ვახასაძე იყო. შილერის დამოუკიდებლობა ალბათ ინტერესმოკლებული არ იქნებოდა.

რა თქმა უნდა, უპირველეს ყოვლისა, წამოიჭრება კითხვა, რითი მიიპყრო შილერის ყურადღება შედეგის ისტორიამ? (აქ, ცხადია, ვგულისხმობთ შილერის დინტერესებას არა მარტო გუსტავ პირველის, არამედ გუსტავ-ადოლფის მოღვაწეობითაც). ამ ქვეყნის ისტორიით ფრ. შილერის გატაცება შემთხვევითი არ ყოფილა და მნიშვნელოვანწილად განაპირობა ორმა გარემოებამ – კონფესიონალურმა და პოლიტიკურმა. რეფორმაციის წარმატებამ შედეგში და ეროვნული აბსოლუტიზმის ჩასახვამ და განვითარებამ. აღსანიშნავია, რომ პირველი სერიოზული ნაბიჯები ამ მიმართულებით შედეგში სწორედ გუსტავ პირველი ვახასაძის (1523-1560) დროს გადადგა. ამიტომ შილერის დინტერესება მისი მოღვაწეობით სავსებით ბუნებრივი ჩანს და ადვილი გასაგებია. აქვე დავძებნით, რომ გუსტავ ვახასაძის მოღვაწეობამ ქართული საზოგადოების ყურადღება უკვე გასულ საუკუნეში მიიპყრო და 1900 წელს გამოიცა ბროშურა “გუსტავ ვახა”. ეს დინტერესება შემთხვევითი არ ყოფილა და შედეგი ხალხის ბრძოლა თავისუფლების და დამოუკიდებლობისათვის კარგად გამოხატავდა იმ დროის ქართული საზოგადოების პატრიოტულ სულისკვეთებას.

გუსტავ პირველი ვახასაძე შილერის დამოკიდებულებაზე შეიძლება ვიმსჯელოთ მისი თხზულებით, “საფრანგეთის არეულობის ისტორია ანრი მეოთხის გამეფების წინ” მიხედვით. ამ ისტორიულ ნაშრომში, რომელსაც მისი ისტორიული შეხედულებების მკვლევარები შედარებით ნაკლებ ყურადღებას უთმობდნენ, ფრ. შილერი ერთ ადგილას ჩერდება გუსტავ პირველი ვახასაძის მოღვაწეობაზე და წერს: “გუსტავ ვახა სპობდა შედეგში არა მარტო ძველ რელიგიას, არამედ გასაოცარ ბოროტმოქმედებას”. ამ ერთი გამოწვევით დაიწყო, რა თქმა უნდა, ძალიან ძნელი რაიმე სერიოზული დასკვნები გამოვიტანოთ, მაგრამ შეიძლება თქვათ, რომ მასში ძალიან კარგად ჩანს შედეგის მუხის მოღვაწეობის

შეფასებისას შილერის მიერ დაკავებული პოზიცია.

რითი იყო განპირობებული შედეგის მუხის გუსტავ პირველი ვახასაძე შილერის კეთილგანწყობა? ამისი მიზეზები უწინარესად მის მსოფლმხედველობაში უნდა ვეძებოთ.

პირველ რიგში, შილერი პატივს მიაგებდა შედეგის მუხის ბრძოლას დამოუკიდებლობისათვის, თავისუფლებისათვის, რასაც შილერი ძალზე დიდ მნიშვნელობას ანიჭებდა და ყველაზე უფრო მაღლა აყენებდა.

კალმარის უნიის (1397-1523) გაუქმება და შედეგის დამოუკიდებლობის აღდგენა ამ ქვეყნის ისტორიაში ერთ-ერთი ყველაზე უფრო დირსშესანიშნავი მოვლენა იყო. შედეგი ხალხის განმათავისუფლებელ მოძრაობას სწორედ გუსტავ ერიქსონი, ვახა ჩაუდგა სათავეში. დანიელების მიერ 1520 წლის ნოემბერში მოწყობილმა “სტოკჰოლმის სისხლიანმა აბანომ” საბოლოოდ აავსო შედეგის მოთმინების ფილა და ახალი მძლავრი სტიმული მისცა განმათავისუფლებელ ბრძოლას. 1518 წელს დანიელების ტყვეობას თავი დააღწია გუსტავ ერიქსონ ვახამ. მან თავი შეაფარა დალეკარლის მიერ, სადაც ცხოვრობდა თავისუფლებისმოყვარე გლეხობა. გუსტავმა თავი გამოიჩინა როგორც ბრწყინვალე ორატორმა, ორგანიზატორმა, მხედართუფროსმა და დიპლომატმა. მან სწორად განჭვრიტა, რომ დანიისთან ომში მარტო შედეგის წარმატების მოპოვება გაუჭირდებოდა. ამიტომ შედეგით დაუახლოვა დანიის კიდევ ერთ მტერს ლიუბეკს, რომელსაც არ მოსწონდა დანიის პრეტენზიები ბალტიის ზღვაზე გასაბატონებლად. დანიისათვის ორ ფრონტზე ბრძოლა არ აღმოჩნდა ადვილი საქმე. დანია იძულებული გახდა თავი დაეცა ლიუბეკის ფლოტისაგან და პრაქტიკულად ბედის ანაბარა დარჩა თავისი მომხრეები შედეგით. ამით კარგად ისარგებლეს შედეგმა და ქვეყნის ტერიტორიების უდიდესი ნაწილი გაათავისუფლეს. ამ წარუმატებლობით გაგულიანებულმა დანიელებმა ხრისტიან მეორე ტახტიდან ჩამოაგდეს და იგი იძულებული გახდა პოლანდიაში ექებნა თავშესაფარი. შედეგით კი 1523 წლის 8 ივნისს რიგსტაგმა შეფედ აირჩია გუსტავ პირველი ვახა. ქვეყნის დამოუკიდებლობა აღდგენილი იქნა.

გუსტავ ვახასაძე შილერის კეთილგანწყობა გამოწვეული იყო შედეგის მუხის რელიგიური პოლიტიკით, სახელმწიფო რეფორმაციის წარმატებებით. რეფორმაცია შედეგით უწინარესად განპირობებული იყო ფისკალური მოსაზრებებით. შედეგის ლიუბეკის დიდი ვალი დაუგროვდა. ამავე დროს ფული საჭირო იყო არმიის შესანახად. მან გადაწყვიტა დაცარიელებული ხაზინა შეეცოცხლებინა ხარჯზე. მაგრამ სწორი არ იქნება ყველაფერი ფისკალურ საკითხზე დავიყვანოთ და გვერდი ავუაროთ რეფორმაციის პოლიტიკურ და ეკონომიკურ საფუძველს. საქმე ისაა, რომ მეთექვსმეტე საუკუნის

დასაწყისისათვის კათოლიკურ ეკლესიას თავი დამოუკიდებლად ეჭირა და სამეფო ხელისუფლებას არ ემორჩილებოდა. ახალი იდეების გავრცელებას იმანაც შეუწყო ხელი, რომ დამოუკიდებლობისათვის ბრძოლის პერიოდში ეკლესია მეფეს კი არ ამოუდგა გვერდში, არამედ პირიქით მის წინააღმდეგ იბრძოდა და დანიელებს უჭერდა მხარს. ამას თან მოეცა ეკლესიის პრესტიჟის მკვეთრი დაკეცვა. გასათავალისწინებელია, რომ კათოლიკური ეკლესია თვითონ იყო დიდი მიწების მფლობელი და ამ გემრიელ ლუკმაზე კარგა ხანია ეჭირათ თვალის შედეგი დიდებულებს. ამით სახელმწიფოს სურდა კათოლიკური ეკლესიის ძლიერებისათვის ეკონომიკური წინადაგი გამოეცალა და თავისი იურისდიქციისათვის დაექვემდებარებინა. 1527 წელს ვესტეროსში მოწვეულმა რიგსტაგმა მიიღო გადაწყვეტილება საეკლესიო მიწების სეკულარიზაციის თაობაზე. ამის ლოგიკური შედეგი იყო კათოლიკური ეკლესიის პოლიტიკური დამოუკიდებლობის და ეკონომიკური ძლიერების შესუსტება და სახელმწიფოს განმტკიცება. ეს გუსტავ პირველი ვახას პოლიტიკის დიდი წარმატება იყო.

რა თქმა უნდა, შილერი ყურადღებას მიაპყრობდა იმ დონისძიებებს, რომელიც შედეგის მუხამ გაატარა ცენტრალური ხელისუფლების განმტკიცების გზაზე, რამაც ხელი შეუწყო ეროვნული აბსოლუტიზმის განვითარებას შედეგით. ამ თვალსაზრისით საგულისხმოა სახელმწიფო მმართველობის რეფორმა, ფინანსური რეფორმა, სამხედრო რეფორმა, მან ააღორძინა შედეგის სახელაო ფლოტი.

საინტერესოა აღინიშნოს, რომ შილერის თხზულებებში შედეგის მეფე მოხსენიებულია ინგლისის დედოფლის ელისაბედის (1558-1603) და საფრანგეთის მეფის ანრი მეოთხის (1589-1610) გვერდით. ეს კიდევ ერთხელ უსვამს ხაზს გუსტავ პირველი ვახასაძე შილერის სიმატეებს. საკითხისადმი ამგვარი მიდგომა შემთხვევითი არ ყოფილა და მნიშვნელოვანწილად იმით აიხსნება, რომ შილერის შეხედულებით შედეგით მიმდინარეობდა იმის მსგავსი ისტორიული პროცესები, რომელსაც ადგილი ჰქონდა ინგლისში და საფრანგეთში. ეროვნული აბსოლუტიზმის განვითარება, ცენტრალური ხელისუფლების ავტორიტეტის განმტკიცება, რეფორმაციის წარმატება. შილერი შედეგის მუხის გუსტავ პირველი ვახას საქმიანობაში ხედავდა განათლებული მონარქის განსახიერებას, რომელიც სავსებით შეესატყვისებოდა მის პოლიტიკურ იდეას.

ამრიგად, შილერის მიერ გუსტავ პირველი ვახას მოღვაწეობის დადებითი შეფასება სავსებით კანონზომიერად მიგვაჩნია, თუმცა, შესაძლოა, შილერი ცოტათი აჭარბებდა შედეგის მუხის ისტორიულ დამსახურებას და მისი მოღვაწეობის იდეალიზაციისაკენ უფრო იხრება, რაც პროტესტანტული ბანაკისადმი შილერის სიმატეებით აიხსნება.



## ნიკუპა სირაძე

„ნერგში“ შედგა მისი პირველი ჩანახატების ნათლობა. გურამ რამიშვილის სახელობის საავტორო მე-ნ საშუალო სკოლის დირექტორმა – ნინო რამიშვილმა და ქართული ენისა და ლიტერატურის მასწავლებელმა ქეთი ცხომელიძემ დაულოცეს გზა მეშვიდე კლასელი ნინუკა სირაძის კალმის დებიუტს.

თვითონაც ნერგია ძლიერი ფესვის ყლორტებიდან ამოზრდილი. ნინუკას ბაბუა – ზურაბ ჩილაჩავა შესანიშნავი პიროვნება, ჟურნალისტი და ფილოლოგი, წიგნის დიდი მოამბე და ტრფიალი გახლდათ. ბებია – მაყვალა თვალჭრელიძე – მუსიკოსია. დედა – ეკა ჩილაჩავა – ჟურნალისტი, ხოლო მამა – ზურაბ სირაძე მხატვარი იყო.

ახლოებულ ადამიანებთან განმორებით გამოწვეული უდიდესი სევდა, ტკივილი და თანაგრძობა, მეოცნებე გოგონას ბავშვური თვალთ დანახული დღევანდელი სინამდვილე, სიცოცხლის სიყვარული და სიკეთე გამხდარა მისი ჯერაც გაურანდავი კალმის შთაგონების წყარო.

ეს მხოლოდ გზის დასაწყისია.

გვჯერა, რომ პატარა შემოქმედი მის წინამორბედთა კვალზე ივლის და კვლავ არაერთხელ გაგვახარებს. ფეხბედნიერი ყოფილიყოს ნინუკა სირაძის ნაწერების ჭაშნიკი „დროშის“ ფურცლებიდან.

ნუნუ მაღრაძე



## მოხუცი

ქუჩაში მიდის ნელი ნაბიჯით, ფეხის აუჩქარებლად. არსად არ ეჩქარება, შეიძლება ეჩქარება კიდევ, მაგრამ უფრო ჩქარა არ შეუძლია. ნაღვლიანი, ამღვრეული თვალებით გაჰყურებს ქუჩას. მას ვერავინ ამჩნევს იმიტომ, რომ თავისი არსებობით არავის აწუხებს. მას აღარ აღელვებს მომავალი, ის აწმყოში წარსულის მოგონებებით ცხოვრობს. მისი ცხოვრება შეიძლება ხვალვე შეწყდეს, მაგრამ მას სიკვდილის არ ეშინია, ამიტომ მშვიდად მიაბიჯებს რუსთაველზე. ოპერის წინ ჩერდება, ზანტად ათვალიერებს აფიშებს და შემდეგ კვლავ აგრძელებს გზას.

მოსალამოვდა.

ცოტა აცივდა.

მოხუცს შეაჟრჟოლა, მაგრამ ყურადღება არ მიაქცია, მის ასაკში ჩვეულებრივი ამბავია.

მთებთან ცა ცისარტყელის შვიდფერად აბრღვლიადა, მზე მათ შორის ჩაესვენა.

მოხუცმა გახედა მთებს მზერით დაღლილი, მწუხარე თვალებით, ამოიხსრა და გზა განაგრძო...

## პატარა მათხოვარი

დამტკვერილი, ჩამოძენილი ტანსაცმლით მიხტის მოკირწყლულ გზაზე. მხიარულია, მაგრამ ნაღვლიანი თვალები აქვს. მას შია, ამიტომ ცდილობს, რაც შეიძლება მალე გამოსტყუოს გამვლელთ ფული. ის მათ ტანსაცმელზე ეკონწიალება და არ ეშვება მანამ, სანამ ფულს არ მისცემენ. ზოგი უხეშად იშორებს მას და ზიზლით უვლის გვერდს, პატარა ამას ყურადღებას არ აქცევს და ხალისიანად განაგრძობს საქმიანობას. ახლა ცოტაოდენი ფული შეუგროვდა, ის ბედნიერია და ილიმება, მაგრამ უეცრად სახე ეღრუბლება, რადგან ახსენდება, რომ შინ ავადმყოფი დედა, ლოთი მამა და დამშეული დამამა ელოდება. იცის, რომ თუ ფულს არ მიიტანს, მამა სცემს. მზისგან გაშავებულ სახეზე კურცხალი ჩამოუგორდა, მაგრამ უმაღვე მოიწმინდა ჭუჭყიანი სახელოთი და ისევ გამხიარულდა.

## ვიღაცამ დააკაკუნა

შინ მარტო ვარ, თუმცა მთლად მარტო არა – ჩემი ფისოც აქ არის და ღრმა ძილით სძინავს.

გარეთ წვიმს...

წვიმის წვეთები მხიარულად ეხეთქება ფანჯრის მინას.

მე ფანჯრის რაფაზე ვარ ჩამოსკუპებული. ამ დროს ათას რამეზე შეიძლება ფიქრი.

– ნეტავ ვინმე მოვიდოდეს, – ვნატრობ მე და გავყურებ ქუჩას, რომელიც თითქმის დაცარიელდა, მხოლოდ რამდენიმე ლანდს ვარჩევ ბუნდოვნად.

წვიმამ მოუმატა.

– ამ თავსხმაში ვინ მოვა, მე კი ისევ მარტო მომიწევს ყოფნა, – გავიფიქრე უიმედოდ.

კატას გაეღვიძა. აღმაცერად გამომხედა, გაიზმორა, მოცუნცულდა ჩემთან და კალთაში ჩამიწვა.

გულისფანცქალით ველი კარზე კაკუნს. უეცრად მართლა გაისმა კაკუნი. მივევარდი კარს, გავაღე, მაგრამ... მაგრამ ეს მხოლოდ ტოტი აღმოჩნდა, რომელსაც ქარი არხვედა და ახეთქებდა კარებს. იმედგაცრუებული დავბრუნდი უკან და ძველი ადგილი დავიკავე.

საათის ისრები ნელა მიიზლანუნებოდა და წვიმას ბანს აძლევდა: წიკ-ტაკ! წიკ-ტაკ! – წიკ-წიკ! წიკ-წიკ!

მალე კვლავ გაისმა კაკუნი.

– ნეტავ, ვინ იქნება? – გავიფიქრე მე და კარის გასაღებად წავედი...



## თებრონე საჯაია

თებრონე საჯაია მშობლიურ ცასა და ქვეყანას, ქართულ სიტყვას შეყვარებული გოგონაა. დაიბადა 1983 წელს იურისტისა და მათემატიკოსის ოჯახში. დედა – ქეთევან საჯაია თბილისის სახელმწიფო უნივერსიტეტის ზუგდიდის ფილიალის პროფესორია.

თებრონემ დაამთავრა ზუგდიდის I გიმნაზია პირველი ხარისხის დიპლომით. გადაწყვეტილი აქვს, ეზიაროს უურნალისტი პროფესიას. უკვე მოასწრო რამდენიმე პუბლიცისტური წერილის, მოთხრობისა და ნარკვევის გამოქვეყნება.

ჟურნალ „დროშის“ ჭაშნიკი გთავაზობთ, ბავშვური გულწრფელობით აღსავსე თებრონე საჯაიას პატარა ჩანახატებს.



გოგონა ფანჯარასთან ზის და ქუჩას გასცქერის. ქუჩა სავესა ხალხით, მანქანებით, რომლებიც დაუსრულებლად მოძრაობენ. ხალხი თითქოს ფეხს უწყობს მანქანის მოძრაობას. ასეთ ქაოსს გადმოჰყურებს მაღლიდან და ფიქრობს. - „სად გარბის ეს ხალხი ასე ადრინანდ? აი, ბავშვებიც, ალბათ სკოლაში მიიჩქარიან სადაც მე ვერასოდეს წავალ – აგერ მოხუცი გადადის გზაზე. მას – ყმაწვილი ეხმარება გადასვლაში“ ღმერთმა უშველოს.

გადის დრო, ბინდდება, ფანჯარას ქალი უახლოვდება და ორივე შორებიან სარკმელს...

გათენდა მეორე დღია. მზემ ამონათა, ფანჯარას ისევ ეწვია მუდმივი სტუმარი. „- დღესაც იგივეა, რაც გუშინ“ – ფიქრობს გოგონა. „ხვალაც ასე იქნება, ზეგაც და ასე გაგრძელდება დაუსრულებლად.“

რა ერთფეროვანია ეს ცხოვრება, რომელიც ერთ ნაკადს მიჰყვება. ნაკადს, რომელმაც გოგონა ხმელეთზე გამორიყა. გოგონა ხეიბარია, მისი ნუგეში კი მხოლოდ ეს ფანჯარაა, საიდანაც იგი მის აწმყოსა და მომავალს ხედავს. ფანჯარა, რომელიც მის დარდსა და ნაღველს, მის ბავშვურ, შენიღბულ სიხარულს იზიარებს.

19.03.98წ.

### ცოდვების კვალდაკვალ

ღამის სამოსელისაგან თანდათან იძარცვებოდა ქვეყანა და ბინდუნდში ლანდების კორიანტელი მიქროდა შორეთისაკენ. წყნარი საღამო იღვავს, წყნარი და არაჩვეულებრივად ნათელი.

სავსე მთვარე კი ამაოდ ეჭიდებოდა წყლის გუბეში გაჩრილ ორეულს. დუღუნებდა მტკვარი, წარსულის სონეტიდან ამოკვეთილ მელოდიას. მდინარეს კი წერო მოუყვებოდა ყელმოღერებით. მისცურავდა შორეთისაკენ და წყლის ზედაპირზე პატარ-პატარა რგოლებს ხაზავდა.

არაჩვეულებრივი ღამე იყო, მაგრამ ბნელს ოდნავ შეჰპაროდა ფერმკრთალი შუქი დაისისა.

დადუმებულ იღვავა მთაწმინდა, მაღლიდან დაჰყურებდა კაცთა საცხოვრის, მის კალთაზე კი უცნობი მიცოცავდა: ეს იყო სიყვარული.

სიყვარული მიცოცავდა ციცაბოზე.

სიყვარული – სასოწარკვეთილი და ცხოვრებისაგან გაძევებული, რომელიც უაზროდ მიუყვებოდა გოგონას სიმაღლისაკენ, სადაც ეგულებოდა იმედი, სიწმინდე და ნათელი. ფეხი უცურდებოდა სალი კლდის სიბ ქვებზე, დაეცემოდა, მაგრამ ფინიშაიმე მისვლას მოწყურებულს ჩოჩილიც სიამოვნებდა. დაკარგოდა მუხლები, ხელის გულები, საიდანაც წვეთ-წვეთად მოჟონავდა სისხლი წამებულისა. კენესოდა შუაზე გახლეჩილი სული, მაგრამ უნდოდა გადაეჩინა ბნელით მოცული ქვეყანა, უსიყვარულო ქვეყანა. უნდოდა საკუთარი თავი გაეწირა, საკუთარი თავი მიეტანა სამსხვერპლოზე და იქ ქცეულიყო ფერფლად, მისი ხალხის კეთილდღეობის სანაცვლოდ. თვითონ კი გაქრებოდა როგორც შორეული სიზმარი, შორეული ზმანება, მაგრამ ხალხს უშველიდა, კაცობრიობას იხსნიდა, იხსნიდა ცოდვებისაგან – რომელსაც მხრებით მიათრევდა მთის კალთაზე მობობდი-ალე.

სულს ლაფავდა, სუნთქვა ეკვროდა, მაგრამ აი, ცოტაც და მიაღწევდა მიზანს.

ესიამოვნა ტანჯვის გზის გავლით მწვერვალზე ყოფნა, უკანასკნელად გადმოხედა ცოდვილ ქვეყანას, ცოდვილი ხალხით დასახლებულს და ამოიკენესა...

თვალედახუჭულს ყურში ჩაესმა მტკვრის დუღუნი, რომელშიც ათასი მუდარა შეიცნო, მაგრამ...

ნათელმა თვალეი მოსჭრა, გაუხარდა, იგრძნო როგორ ეღვრებოდა სულში სითბო...

იბადებოდა მის თვალწინ მზე, ოქროსფრად აბრწყვიალებული, მედიდური, უსაზღვროდ ნათელი და მის შუქზე საცოდავად გამოიყურებოდა მხრებში მოხრილი, სისხლიანი, თვალედაწყებული და გარინდებული მორჩილი მზისა. მნათობის დიდებულებით თვალე გაშტერებოდა და გაეკერპებინა ხილვთას...

დაიჩოქა, მოხონენლმა, დაიჩოქა ამ უზარმაზარი სტიქიის წინაშე. მზეს შეხედა და ხელგამოწვდილმა დაიჩურჩულა:

– უნათე, ხალხს უნათე! – იწვებოდა მისი სხეული, იხრუკებოდა ხორცი, ფერფლს კი ქარი მიაქროლებდა დაბლა, ცოდვილი ხალხისაკენ, მდინარეში ცვიოდა ნაფლეთებად და იკარგებოდა მის შორეულ სიღრმეში.

გაქრა, გაუჩინარდა, ფერფლად იქცა, კაცობრიობამ კი განაგრძო არსებობათა მზით განათებულ, მაგრამ ამჯერად უსიყვარულო ქვეყანაში...

● თავისუფალი და ბერძნულ-რომაული ჭიდაობის ფედერაციაში დილით მივედი, რათა ნარკვევისათვის მასალები ამელო სიდნის წლევეანდელი ოლიმპიადის მონაწილეობაგანადებულ ელდარ კურტანიძისაგან, მაგრამ ვარაუდი მომიცდა: ჯერ ცხრა საათიც არ იქნებოდა, მოჭიდავეები კი დიდი ხნის წასულები ყოფილიყვნენ კუს ტბაზე სარბენად – გრაფიკით იმ დილით ფიზიკური მომზადება ჰქონოდათ და ფალავანთა კლუბის საწვრთნელ დარბაზში მხოლოდ ამის შემდეგ შეუდგებოდნენ ვარჯიშს.

– ნუ დეღავთ, – დამამშვიდა ფედერაციის გენერალურმა დირექტორმა ომზარ შოშიტაშვილმა და თავის კაბინეტში შემიძღვა, – გინდაც მოგესწოთ, ვარჯიშს ხომ არ გააცდენდა?! ერთი ორმოციოდე წუთში დაბრუნდებიან!


“ორმოცწუთიანი გულშესაწუხებელი ლოდინი” – გამეგლო გუნებაში, მაგრამ ჩემი მასპინძლის წყალობით საქმე სახეიროდ შეტრიალდა: იგი ისეთი საქმის ცოდნითა და გატაცებით მემასლაათებოდა თავის სათაყვანო სფეროზე – ჭიდაობაზე, რომ გუნებაში დმერთს ვევედრებოდი – ნეტავ მოჭიდავეები შუა დღემდე არ დააბრუნა-მეთქი.

სამოც წელს მიტანებულ ომზარ შოშიტაშვილს მთელი ცხოვრება ჭიდაობისათვის – სპორტის ამ ერთ-ერთი ყველაზე ვაჟკაცური და, თუ გნებავთ, ყველაზე ქართველური სახეობისათვის დაუკავშირებია. იგი საერთაშორისო კატეგორიის მსაჯია, საქართველოს დამსახურებული მწვრთნელი, ღირსების ორდენის კავალერი...

– საქართველო მოჭიდავეთა უნიკალური ქვეყანაა მთელს მსოფლიოში, – განავრძობს ბატონი ომზარი, – დღევანდლამდე მან ჭიდაობაში აღზარდა 14 ოლიმპიური, 52 მსოფლიოს და 62 ევროპის ჩემპიონი!.. ხოლო ევროპის, მსოფლიოსა და ოლიმპიურ შეჯიბრებებზე ჩვენმა ათლეტებმა სხვადასხვა სინჯის 300-მდე მედალი მოიპოვეს!!! აი, ასეთი მაჩვენებლები ჩვენისთანა პაწაწკინტელა ქვეყანას კი არა, მსოფლიოს გიგანტებსაც შემურდებოდათ და რომ იცოდეთ, შურთ კიდეც!

მოსაუბრის შუბლს უცებ სევდის ღრუბელი გადაეფარა.

– ბოლო წლების მოვლენებმა სპორტსაც საშინელი დაღი დაასვა... მაგრამ ჩვენი სპორტსმენები მაინც არ ყრიან ფარ-ხმალს: ბერძნულ-რომაულ და თავისუფალ ჭიდაობაში 1995-99 წლებში ევროპისა და მსოფლიოს



პირველობებზე შესაბამისად მოვიპოვეთ 11, 13, 15, 22 და 24 მედალი... სამწუხაროდ, დღეს ჩვენ თითქმის ერთუზიაზმზე ვმუშაობთ. აგერ, მარტის შუა რიცხვებია და ფედერაციის ხელმძღვანელებსა და ნაკრები გუნდების მწვრთნელებს 1998 წლის ორად ორი თვის, შარშანდელი კი მხოლოდ ერთი თვის ხელფასი მოგვეცეს, წლევეანდელზე ხომ ლაპარაკიც ზედმეტია. რით ვიარსებოთ?..

მიძიე დუმილი ჩამოწვა.

– ჰა, ჯანდაბას ჩვენი თავი! დიდი სპორტის მასულდგმულებელი პერიფერიული ნაკადებიც რომ იშრიტება?

– რა გაქვთ მხედველობაში?

– რა და უსახსრობის გამო ვეღარ ვმართავთ საქართველოს ჩემპიონატებსა და პირველობებს! მომავალმა ოლიმპიელმა თუ მსოფლიოს ჩემპიონმა კი პირველად სწორედ აქ უნდა გაიეღვოს და აღმოაჩინონ!.. მოკლედ, ჯერ კიდევ ძველი ინერციით მივგორავთ და თუ ყველაფერი რადიკალურად არ გაუმჯობესდა, არ ვიცი, მომავალში რა იქნება!..

სიდნის ოლიმპიადაზე, რომელიც წელს სექტემბერში გაიმართება, თავისუფალი და ბერძნულ-რომაული სტილის რვა მოჭიდავე გაემგზავრება საქართველოდან. ესენია: ქუთაისელი ალექსანდრე ცერცვაძე, ბათუმელი გენადი ჩხაიძე, გარდაბნელი კობა გულიაშვილი, თერჯოლელი მირიან გიორგაძე, თბილისელი ემზარ ბედიჩიშვილი, თელაველი ალექსანდრე მოდებაძე და ამ ნარკვევის მთავარი პერსონაჟი ელდარ კურტანიძე, რომელიც 97 კილოგრამ წონით კატეგორიაში იასპარეზებს. იგი, სპეციალისტების აზრით, ოქროს მედლის ერთ-ერთი ყველაზე საიმედო პრეტენდენტი იქნება ოლიმპიადაზე.

ელდარ კურტანიძე დაიბადა სოსუმში 1972 წელს და ჭიდაობაშიც პირველად იქვე დაუწყო ვარჯიში ცნობილი მწვრთნელის შოთა კიკაბიძის ხელმძღვანელობით. აფხაზეთის მოვლენების შემდეგ თბილისში ცხოვრობს და სწავლობს – თბილისის უნივერსიტეტის იურიდიული ფაკულტეტის მეორე კურსის სტუდენტი.

რაც ელდარს მიუღწევია თავისი ხანმოკლე სპორტული კარიერის მანძილზე და თანაც იმ ბელუკულმართ 90-იან წლებში, კაცს ფანტასტიკადაც კი შეიძლება მოეჩვენოს. იგი სამგზის (1996, 97,98 წ.წ.) ევროპის ჩემპიონია, მსოფლიოს პირველობის ორგზის (1993,97 წ.წ.) და ოლიმპიური (ატლანტა) თამაშების პრიზიორი. რეიტინგული მონაცემებით ელდარი სამჯერ (1993,96,97 წ.წ.) იყო მსოფლიოს ჩემპიონი.

მას მაღალგანვითარებულ ქვეყანაში რომ ეცხოვრა, ერთ-ერთი უმდიდრესი სპორტსმენი იქნებოდა, ელდარი კი ხელმოკლედ, უფრო სწორედ, უმრავლესი ქართველი სპორტსმენის მსგავსად ღარიბად ცხოვრობს. როცა უცხოელი კოლეგები იგებენ მისი საარსებო შემოსავლის ოდენობას, უბრალოდ არ ეჯერებათ და ეს პროპაგანდა ანდა იაფფასიანი თავმოსაწყლება ჰგონიათ.

– პრობლემები?! – თავშეკავებით გაიმეორა ელდარმა, – ეჰ, პრობლემები რას დამაკლებდა, ტრაგედია რომ არ მტანჯავდეს!

– ტრაგედია?! – განცვიფრება ვერ დაეფარე, – თქვენ? ევროპის სამგზის ჩემპიონს? მიმავალი საუკუნის ბოლო ოლიმპიადის მონაწილეს?

– მერე რა!.. – მომიჭრა და ჩემს გაუთვითცნობიერებაზე მწარედ ჩაყენა, – მთელი ჩემი ტრაგედია, როგორც

ალბათ ბევრი სხვა ქართველი სპორტსმენისა, იმაში მდგომარეობს, რომ მე, როგორც სპორტსმენი, არავის ვჭირდები და ვენაღვლები!!! ჩემი თავი უნდათ მხოლოდ როგორც ბრმა ძალა, როგორც რობოტი, რომელმაც უცილობლივ უნდა გაიმარჯვოს და კიდევ ერთი ოქროს მედლით გაამდიდროს ეროვნული სპორტული ყულაბა! მაგრამ რა გზითა და რის ფასად, ეს უკვე აღარავის აინტერესებს! "მიდი, იჭიდავე!" — მხოლოდ ეს გვესმის გლადიატორებივით.

მოსაუბრემ თავშეკავებით ამოიხრა.

— განა შეიძლება ამ პირობებში ვარჯიში? ფალავანთა კლუბი თითქმის გაპარტახებულია. მინებჩამტკრეულ სავარჯიშო დარბაზებში გავხვითქულ სპორტსმენებს გამკრავი, ყინულივით ცივი ქარი გვეცემს!.. არ არის გათბობა, მხაბი, ინვენტარი, ავეჯი, საცმელი..


ეჰ, რომელი ერთი ჩამოვთვალა!.. ახლოდან რომ გაჩვენათ, დასავლეთში ვარჯიშის რანაირი პირობები აქვთ, თავი სიზმარში გვეგონებათ! იმ გარემოსა და რეჟიმში ქართველი მოჭიდავეები რომ ამყოფოთ, არ ვიცი, მერე ნეტავ თუ იქნებოდა ვინმე მათი მომრევე?! ყველაფერს რომ თავი დაეანებოთ, მარტო ეს რად ღირს: იმათ ერთ სპორტსმენს შეჯიბრზე თავს ვინდა არ დაჰყოფინებს — მენეჯერი, მწვრთნელი, ჟურნალისტი, ფოტორეპორტიორი, ექიმი, ცალკე ქირურგი, ცალკე ფსიქიატრი, ცალკე მასაჟისტი...

აქ ელდარს ისე მტკივნეულად დაემანჯა სახე, თითქოს ტიტველი ფეხი აკაციის ეკალს დაახიაო.

— შეჯიბრზე მეტისმეტი დაძაგვისაგან ზოგჯერ ისე დამბუყებია და გამქვავებია ხელ-ფეხის კუნთები, შემშინებია — შეიძლება სულ ჩამწყდეს და სამუდამოდ კუთლად ჩავეარდე-მეთქი. იმ წუთებში ნამდვილი ალერსს-დანატრებული ობოლი ბავშვივით მომწყურებია, რომ მეც დამტრიალებდნენ თავზე და მასაჟით აღმიდგენდნენ უშელავათო შერკინებისაგან დანგრეულსა და გამოფიტულ სხეულს. მაგრამ ეს ჩვენთვის როგორ იქნება — ღმერთი იწყენს! ეს ყურადღება და ფუფუნება მხოლოდ იმათ, დასავლეთულ სპორტსმენებს ეკუთვნით! ჩვენ კი კორიდაზე შეგდებული ხარისხით მხოლოდ უნდა ვიბრძოლოთ და მედლები მოვიხვეჭოთ!

მოჭიდავემ ჯიქურ შემომანათა საოცრად წრფელი თვალები.

— ამიტომ ღრმად მწამს, მარტო თავისუფალ ჭიდაობაში კი არა, რომ ვიყო რაღაც ზღაპრული სასწაულ-მოქმედებით ათლეტი და სიდნეის ოლიმპიადის ყველა სახეობის ოქროს



მედალი მე მოვიგო და ჩამოვიტანო საქართველოში, მერწმუნეთ, პირადად ჩემს ცხოვრებაში არაფერი არ შეიცვლება — არც მატერიალური და არც მორალური თვალსაზრისით: ფართო საზოგადოებისათვის კვლავაც უცნობად და ჭიდაობის ერთ ხელმოკლე, უღიმამო შავ მუშა-სპორტსმენად დავრჩები!

მძიმე ღუმილი ჩამოწვა.

— თუმცა სხვას რა უნდა მოეთხოვო, როცა თვით სპორტული პრესაც კი არ გვაქცევს ჯეროვან ყურადღებას! ისინი ძირითადად ფეხბურთისა და ფეხბურთელების ავ-კარგით არიან დაკავებული ანდა ბრმად აიჩემებენ ხოლმე დასავლეთელ ვარსკვლავებს და მათ ოჯახებში კატას კუდი რომ გადაუბრუნდეს, გასაკვირი დაწვრილებითა და დაჟინებით ჩასჩინებენ იმას მკითხველებს, საწყალი მოჭიდავე კი, რომელიც კატორღულ პირობებში ვარჯიშობს და მერე გლადიატორივით აბრძოლებენ, ვის ახსოვს და ენაღვლება!..

ჩემი აზრით, ასერიგად მომრავლებულ სპორტულ ჟურნალისტებს აკლიათ პოლიტიკური სიმწიფე და პროფესიონალური შორსმჭვრეტელობა.

მოსაუბრემ თვალი თვალში გამიყარა.

— არ იფიქროთ, თვითგანდიდების ჭია მღრღნიდეს. მე მხოლოდ ჯეროვან დაფასებას მოვითხოვ, რაც, ჩემი აზრით,

საჭიროა ნორჩი თაობისათვის, რომელიც ხედავს, რომ, მაგალითად, ჩარჩიან ქურდს უფრო მეტი სახელი და დაფასება აქვს საზოგადოებაში, ვიდრე ოლიმპიელს თუ მსოფლიოს ჩემპიონს გაფხვკილ სპორტსმენს. ამიტომ ის თავისი მომავლის გადაწყვეტისას საბედისწერო გადაწყვეტილებას ღებულობს. აი, რა მტკენს გულს!!!

ამ სიტყვებით მან მღუმარედ გახდა თავის ხუთი წლის ბიჭუნას, პაპის მოსახელე ნოდარს, რომელიც სასტუმროს ეზოში ბურთს დააგორებდა.

— ამიტომ გულახდილად უნდა გითხრათ, სიდნეიში წამყვება ორი გრძნობა — სევდა და სიხარული. სევდამწუნარების მიზეზი გულწრფელად გაგიმხილეთ უკვე. რაც შეეხება სიხარულს, მას ჩემში ბადებს სპორტული ყინი და თვითდამკვიდრების ინსტინქტი. ასევე ადამიანური ოცნებამისწრაფება, რომ იქნებ შეეძლო და ოქროს მედლით გავახარო როგორც ჩემი გაჭირებული სამშობლო, ისე ჩემი მწვრთნელი გიორგი გალდავა, რომელიც ჩემთვის ყველაფერია. ამხელად ამის მეტს ვერაფერს გეტყვით.

მეც მეტი აღარაფერი მიკითხავს.

ჯემალ მხსრიშვილი



● ათ წელიწადში ერთხელ, ოკეანეში 1000 მილის დაშორებით იბადება უჩრჩხული

ეს ყოველთვის ზამთარში ხდება, ძლიერი ქარიშხლის შემდეგ. მონსტრი მრავალსართულიანი სახლის სიმაღლისაა, ხმელეთისკენ 25 კვანძი სიჩქარით მოძრაობს და თან ანადგურებს დელფინებს, ზღვის ლომებს, თეთრ ზვიგენებს... რამდენიმე დღის შემდეგ ის უახლოვდება სანაპიროს და შთანთქავს ადამიანებსაც, თუკი ისინი გზას გადაუღობავენ.

გიგანტური ტალღა წყნარი ოკეანის შუაგულში მორიგი ქარიშხლის შემდეგ იბადება. თავიდან ეს მშვეთვარე ტალღების უბრალო თამაშია, სადაც ტაიტის მიდამოებში. მაგრამ ეს არის ზედაპირული გასართობი, დიდ სიღრმეში, მოძრაობაში მოდის წყლის უზარმაზარი მასები. ნელ-ნელა წყალი იკრებს ძალას, დაბრკოლების გარეშე გადის 2000 ზღვის მილს და ალიასკასთან ან კალიფორნიის მიდამოებთან უკვე მისი სიმაღლე 10-15 მეტრს აღწევს. ოკეანის ნამდვილი მონსტრი მხოლოდ იმ მიდამოებში იბადება, სადაც სანაპიროდან მოშორებით არის ეგრეთწოდებული „სასიკვდილო ზღვარი“ – ფსკერის მკვეთრი ამაღლება. როცა წყლის მასა ამ ადგილს გადაივლის, მისი ენერჯია და სიმაღლე ორმაგდება. ასე იბადება „გოძილა“ – ათწლეულის ყველაზე დიდი ტალღა.

მისი გამოჩენა ნამდვილი ზეიმია გიგანტური სერფინგის მიყვარულთათვის.

მაშველთა სამსახურის კატეგორიული აკრძალვისა და გაფრთხილების მიუხედავად, მაშინაც მიცურავენ ღია ზღვაში ოკეანის მონსტრთან შესახვედრად. ამ ტალღას ისინი წლობით ელიან, მის წინაშე მუხლს იდრეკენ და... ამავდროულად სძულთ.

მათ ხშირად ეკითხებიან, რა აიძულებთ ბრძოლაში გამოიწვიონ ზღვის მონსტრი?

„თქვენ მგარზნობთ ოდესმე 30 მეტრიანი კლდის კიდეზე, რომელიც მოძრაობს 40 კმ/სთ სიჩქარით, ღრიალებს, მძინევარებს და თან ცდილობს ჩამოგაგდოთ თავისი მწვერვალიდან?“ – სვამენ მორიგ კითხვას „მონადირენი“.

მარკ ფუ, რომელიც ხუთი წლის წინ დაიღუპა „გოძილას“ ცივ კლანჭებში, სიკვდილამდე ცოტა ხნით ადრე ჟურნალისტებს გამოუტყდა: „გვრძნობ, ოდესმე ოკეანე შთანთქავს. მაგრამ თუ ნამდვილად გინდა, ცხოვრებაში ერთხელ მაინც დაიმორჩილო ყველაზე დიდი ტალღა, მზად უნდა იყო იმისათვის, რომ ამ ტალღაზე დამთავრდება შენი სიცოცხლეც...“

ისინი თავის თავს „ოკეანის მთიელებს“ უწოდებენ. მათი არენაა – ზამთრის უკაცრიელი პლაჟები და შავი, მკაცრი ზღვა.

პირველი „მთიელები“ – ხუთი-ექვსი კაცი ჰავაიზე გამოჩნდნენ 1957 წელს. მაშინ მათ ბევრი შეშლილებად ან თვითმკვლელთა საშიშ სექტის წარმომადგენლად თვლიდა. ამ შემზარავი სპორტის „პიონერებს“ პოლიციისა და მაშველთა სამსახურისგან დამალვა უხდებოდათ. სახლის პირობებში აშხადებდნენ მძიმე, წაგრძელებულ „დაფებს“ – მოკლე, ანუ როგორც თვითონ ამბობ ვის არ გამოდგებოდა. ერთი მეტრი სიგრძის დაფაზე რთულია თავის შეკავება, როცა

წყალი ასე მძინევარებს. სეზონისათვის თითოეულს ნახევარი დღეინი სამეტრიანი დაფის დამზადება უხდებოდა – „გოძილას“ ჩვევად აქვს შთანთქოს ისინი და ნაპირზე ნამსხვრევები გამოყაროს...

ჰავაის ტყუილად როდი დაარქვეს სერფინგის სამშობლო... ერთ-ერთ აქაურ კუნძულს – ოახუს – განსაკუთრებით ნოემბერში უტევენ მკვლელი ტალღები, რომლებიც ალექსის კუნძულებიდან მოვრავენ. ასეთ ტალღებს სერფინგის ფანატებმა „ალექსის საჩუქარი“ უწოდეს.

დიდმა სერფინგმა პირველად 1985 მიიპყრო ყველას ყურადღება, როცა ოახუს კუნძულს ესტუმრა „ისტორიული“ 22,5 მეტრი სიმაღლის ტალღა. იმ დღეს ზოგიერთი რეპორტიორი გაიშვას პლაჟზე მივიდა, რომ ფორზე ვადავო, როგორ დაფარავდა სანაპიროს წყლის მთა. მათ შეამჩნიეს რამდენიმე სერფინგისტი თვითნაკეთი გიგანტური „ფიცრებით“. მკაცრი გაფრთხილების მიუხედავად, ისინი ელოდნენ ტალღას ზვირთების ადგილას. ფოტოგრაფებისათვის დაიწყო ნამდვილი შოუ. მეორე დილას გაუთეების პირველი გვერდები დაამშვენა „გოძილაზე“ ამხედრებული მარკ ფუს, კენ ბრედშოუსა და ბროკ ლიტლის ფოტოებმა. „გიჟური სერფინგი ჰავაიზე: სპორტსმენი – კამიკაძეები ერთობიან ცუნამიზე!“ – იუწყებოდნენ მკვეთრი სათაურები.

მსოფლიო ერთ საათში შეიჭყო ზღვის „მთიელებს“ კლანზე და როგორც ჩანს, მხოლოდ ახლა მიხვდა, რა არის ნამდვილი სერფინგი. დღეს უკვე ოკეანის კორიდის არც ერთი შემოტევა არ რჩება პრესის ყურადღების გარეშე და „მთიელებიც“ იძულებულნი არიან, საგულდაგულოდ შეიცვალონ გარეგნული იერ-სახე. ისინი ირჩევენ ყველაზე ლამაზ და მოდურ შავ ჰიდროკოსტიუმებს მკვეთრი ალისფერი, მეწაული, ფიროზისფერი ზოლებით... თავის დაფებს ალამაზებენ ცეცხლისფერი ლაქებით, გაღიმებული თავის ქალებით და თავზედური წარწერებით. ამას გარდა, მათ დაფებზე ხშირად დაინახავთ საცურაო კოსტიუმების და პლაჟების აქსესუარების მწარმოებელი ფირმების რეკლამებს. ადრე ეს არ ხდებოდა, მაგრამ დღეს „მადალმთიანი“ სერფინგის თითქმის ყველა სუპერვარსკვლავი სარეკლამო ბიზნესის ტოპ-მოდელებად ითვლებიან.

ასე, სრულიად მოულოდნელად ისინი გამდიდრდნენ: ექსტრემალური ჰობი შემოსავლის წყარო გახდა. დღესდღეისობით „გოძილასთან“ ნახევარსაათიანი შეხება რამდენიმე ათასი დოლარის მომტანია.

არცაა გასაკვირი, რომ მსურველთა რაოდენობა, მოესინჯათ ძალა გამძვინვარებულ 20 მეტრიან ტალღაზე, 90-იანი წლებიდან საგრძნობლად გაიზარდა. მაგრამ მიუხედავად ახალგაზრდების მოზღვაუებისა, ნამდვილ „მონადირეებს“ რიცხვი – ასამდე – უცვლელია, როგორც ათი წლის წინ. მიზეზი საკმაოდ ტრავიკულია: სპორტის ამ სახეობაში ახალბედებს ნაკლებად უმარ-თლებთ. სერფინგისტის ნებისმიერი მცირე შეცდომა მისთვის ხშირად საბედისწერო ხდება. თუ ძალიან მაღლა შეხტები, ტალღის ქიმთან ახლოს, „გოძილას“ მრავალტონიანი

კუდის დარტყმა წამიერად ამტვრევს ხერხემალს... დაეშვები ძალიან დაბლა და მონსტრი მთელი ძალით მიგაჯაჭვავს ზღვის ფსკერს და არ გაგიშვებს, სანამ ფოტოებში ჰკერია.

„როგორც ჩანს, ჩვენ არასოდეს ვიქნებით ასზე მეტი – ოკეანე ამას თვალს ადევნებს“ – ამბობს ერთ-ერთ ინტერვიუში დიდი სერფინგის ასი კენ ბრედშოუ. ეს სიტყვები პლაჟის ცხოვრებაში ფრიალ გავრცელებული ტრუფუნის ანარეკლია: „მონადირეებს“ მიაჩნიათ, რომ ყოველი „ასმეტრეთ“ სერფინგისტი ზედმეტია და „გოძილას“ თავისთან მიჰყავს. ისინი ცხოვრებაში მეგობრებად რჩებიან, მაგრამ ტალღის ქიმზე ერთმანეთს არ აძლევენ გამარჯვების საშუალებას.

„მონადირეებმა“ დიდი ხანია შენიშნეს, რომ თუ ორი სპორტსმენი ერთდროულად ცდილობს ტალღის დამორჩილებას, ერთ-ერთი მათგანი იღუპება. ზუსტად ასე მოხდა 1994 წელს, როცა 18-მეტრიანმა კალიფორნიულმა „გოძილამ“ შეიწირა მარკ ფუს სიცოცხლე. მარკი სუპერვარსკვლავად ითვლებოდა. ის ფლობდა რამდენიმე მაღაზიას, სადაც სერფინგისთვის საჭირო ნივთები იყიდებოდა. ის გამოდიოდა ტელევიზიით და მრავალათასიან აუდიტორიას ექსკლუზიურ გაკეთილებს ასწავლიდა. და ბოლოს, მან დაამკვიდრა უზარმაზარი ტალღების დამორჩილების საკუთარი სტილი: ენერგიული, შეუპოვარი და ძალიან სახეივით.

სერფინგისტების „დიდ ასეულში“ ჯერ კიდევ 1985 წელს დაიწყო ბრძოლა პირველობისათვის მარკ ფუსა და ამერიკელ კენ ბრედშოუს შორის. მაშინ ჩინელმა განაცხადა: „დედამიწის ზურგზე არავის შეუძლია ჩემზე უკეთ გაუქმლავდეს ალექსის ტალღას“. ამან ძალიან გააღიზიანა ბრედშოუ.

მარკ ფუსმ სერფინგზე ვარჯიში შედარებით გვიან დაიწყო – 17 წლის ასაკში /და არა 6-7 წლიდან, როგორც მისმა ამხანაგებმა/. ის ცურვასა და დაფაზე დგომას ერთდროულად სწავლობდა. პირველად 1983 წელს ჰავაიზე დაინახა მარკმა ჰორიზონტზე 10 მეტრიანი ალექსის გიგანტი და მის შესახვედრად ჩვეულებრივი მოკლე ფიცრით გაემართა. პირველი შეხება წარმატებული გამოდგა. მხოლოდ ნაპირთან ახლოს ვეღარ შეიკავა თავი – რამდენიმე წუთი ტრი-ალბედა ქაფთან წყალში, მერე კი ტალღამ ნაპირზე გამოაგლო ფიცრის ნამსხვრევებთან ერთად. მარკმა მიიღო მკაცრი გაფრთხილება მაშველთა სამსახურისგან, მეგობრებისგან კი – ერთი ყუთი მამპანური. ის მანქანამდე დიდი პატივით მიიყვანეს – ტყვილებისაგან მარკი ვერ მოძრაობდა და რამდენიმე დღე საწოლში გაატარა. ასე დაიწყო მისი სასტიკი რომანი „გოძილასთან“. მას უყვარდა ფოტოგრაფირება, რაც მისი კონკურენტების სიძულვილს იწვევდა. ჩინელი დაუღალავად პოზირებდა კა-ლენდრებისა და კიდვორგოლებისათვის. თითქოს ვიდეოკამერების თანდასწრება ესმარებოდა მას რთული ტრიუკების შესრულებაში. „15 მეტრიანი გიგანტის ქიმზე ისე გრძნობს თავს, როგორც მალბუს რომელიღაც პანსიონში ხელოვნურად

მოამზადა ნინო ღამბაშაძემ



შექმნილ პატარა ტალღაზე” – ამბობდა მისი სინგაპურელი მეგობარი, ცნობილი „მონადირე“ დენის პენი.

მარკ ფუს აზიური ტემპერამენტის კიდევ ერთი განსაკუთრებული იყო სწრაფვა, „მოეპარა“ ტალღა – მას უყვარდა „გზის გადარბენა“ და კოლეგებიც იძულებულნი იყვნენ დაეთმოთ. ერთხელ ზედიზედ ოთხჯერ წაართვა კენ ბრედშოუს დიდი ხნის ნანატრი შანსი ოკეანის მონსტრის დამორჩილებისა, რაც ამერიკელმა ველარ მოითმინა, მიუახლოვდა მოწინააღმდეგეს, თქმში ჩააფრინდა და ასობით ცნობისმოყვარისა და ჟურნალისტის თვალწინ წყალში ჩააყვინთა. ეს მოხდა სანსეტ-ბიჩის სანაპიროზე სერფინგის პირველ მსოფლიო ჩემპიონატზე 1987 წელს. უკვე მეორე დღეს სათანადო ფოტოები ამშვენებდნენ ჟურნალ „სერფერის“ ფურცლებს.

რაოდენ გასაკვირიც არ უნდა იყოს, ამ შემთხვევის შემდეგ მათი ურთიერთობა საგრძობლად გაუძვირდა. მათ ხედავდნენ ერთ კომპანიაში ვაიმეას პლაჟზე მდებარე ბარ „უობლზში“, სადაც კენი ლუდს უკვეთავდა, მარკი კი რომით გაჯერებულ ნაყინს. ისინი მეგობრები გახდნენ და გულკეთილმა კენმა გადადგა უპრეცედენტო ნაბიჯი, აჩვენა მარკს თავისი „საიდუმლო ადგილი“ – მომცრო ზღვის უბე კალიფორნიის სანაპიროზე, სადაც განსაკუთრებით ხშირად ჩნდებოდნენ ხოლმე 10 მეტრიანი „გოძილები“. კენი ამ ადგილს „დიდ ალი-გატორს“ ეძახდა.

ბრედშოუს საიდუმლო კლანის ყველა წევრს აინტერესებდა, მაგრამ ეს პატივი მხოლოდ მარკ ფუსს ერგო. თუმცა მათი მეგობრობა დიდხანს არ გაგრძელბულა. ერთხელ, როცა კენი „დიდ ალიგატორს“ მიუახლოვდა, წყალთან ახლოს უამრავი რეპორტიორი და ძველი ნაცნობი შეაჩნია. „მე ერთ ფოტოჟურნალისტთან საუბრისას შემთხვევით ვახსენე „ალიგატორის“ მდებარეობა“ – თავს იმართლებდა მარკ ფუ. როგორც ჩანს, მას მართლა შეეძლო საოცრებების ჩაღწა, მხოლოდ ვიდუკამერის წინ...

მივიწყებულმა მტრობამ ახალი ძალით იფეთქა. როცა 1994 წლის ზამთარში „ინტერნეტმა“ გაავრცელა ცნობა, რომ მკვლეელი ტალღები უახლოვდება მეივერკის ყურეს, /კალიფორნია/ მარკი და კენი მივიდნენ იქ, როგორც ულმობელი მტრები. ჩინელი მხიარულად გამოიყურებოდა: ის ახლახან დაინიშნა ამერიკელი ლამაზმან ლაიზა ნაკანოზე. ბრედშოუ კი პირიქით მოღუშული იყო: მან ორი კვირა დაკარგა აღიასკაზე „გოძილების“ მოლოდინში, მაგრამ სინობ-ტიკოსების პროგნოზი არ გამართლდა.

და აი, 23 დეკემბრის დილას პორიზონტზე გამოჩნდა ერთდროულად ოთხი შავი ზოლი. უამრავი „მონადირე“ მიაწყდა წყალს. კენმა ყველა უკან ჩამოიტოვა, ის ორი კილომეტრით იყო ნაპირს დაშორებული, როცა გამძვინვარებული წყლის კედელი მიუახლოვდა და ქიმზე აიტაცა. ეს იყო ნამდვილი 25 მეტრიანი მონსტრი – ათწლეულის ყველაზე დიდი ტალღა, რომელიც არ ყოფილა 1985 წლიდან! კენი ფეხზე დადგა, გაწონასწორდა, უცებ წინ შეაძმინა მკვეთრი მეწამული ლაქა: თავის საყვარელ დაფა „ჰავაიან ვაიბრეიშზე“ ამხედრებული ჩინელი კვლავ ტალღის „მოპარვას“ ცდილობდა! უფრო მეტიც: ოდნავ უკან „გოძილაზე“ ასვლას ცდილობდნენ ჰავაის 1992 წლის ჩემპიონი ბროკ ლიტლი და აკრობატული ტრიუკების ცნობილი გამომგონებელი მაიკ პარსონი. ოთხივემ ერთად შეუტია „გოძილას“ და ისიც გამძვინვარდა.


მაიკ პარსონმა მიძიმე დარტყმა მიიღო ზურგში – ის ქიმიდან თავქვე დაეშვა, ტალღამ ქვეშ მოიყოლა და წყლის მორევში ჩაიძირა. ბროკ ლიტლიც რამდენიმე წამში ფსკერს მიაჯაჭვა – ნეილონის ძაფი, რომლითაც მიბმული იყო დაფაზე, სიღრმეში ქვას წამოედო. იგი სასწაულმა იხსნა: ძაფი იმ მომენტში გაწყდა, როცა ლიტლი გონებას კარგავდა. კენ ბრედშოუ კი ნაპირთან ახლოს ჩამოვარდა ტალღის ქიმიდან და მთელი ძალით ეინარცხა მოტივტივე ნავს. მარკ ფუსს ერთი საათი ეძებდნენ. ბოლოს შეამჩნიეს მეწამული ლაქა – ღაფის

ნამსხვრევი, რომელზეც ფეხით მიბმული იყო მისი უსულო სხეული.

მარკი კლანის ტრადიციებით დაკრძალეს. 150-მდე ქალი და კაცი შეიკრიბა ვაიმეას პლაჟზე გრძელი დაფებით. მათ გაცურეს ორი მილი და წარმოქმნეს ცოცხალი წრე. თითოეულმა წყალში თეთრი მიხაკი ჩაავლო, შემდეგ ხელები ჩასჭიდეს ერთმანეთს და სამჯერ წარმოთქვეს დაღუპულის სახელი. ფერფლიანი ურნა კი წყალში ჩაუშვეს. ბედის ირონიით მარკ ფუს ბოლო მოგზაურობასაც მთელს ამერიკაში ტელევიზიით გადასცემდნენ.

სუპერვარსკვლავის სიკვდილმა უფრო მიიზიდა ამ ექსტრემალური სპორტის ახალგაზრდა მიმდევრები – მარკ ფუს სახელი კულტი გახდა. მისი ხსოვნისადმი იყო მიძღვნილი 1998 წლის მსოფლიო პირველობა. ეს სეზონი აღინიშნა ორი გიგანტური ტალღის გამოჩენით: მეივერკის ყურეში და მექსიკაში ტოლოს-სანტოსის კუნძულთან ახლოს. ამჯერად შეჯიბრში მხოლოდ ახალგაზრდები მონაწილეობდნენ და მან მსხვერპლის გარეშე ჩაიარა.

დღეს „მონადირეები“ ინფორმაციებს „გოძილების“ შესახებ, იღებენ ყველაზე თანამედროვე საშუალებების გამოყენებით ინტერნეტის ჩათვლით. თავის მეკავშირეებად ისინი მეტეოროლოგებს თვლიან და განსაკუთრებით აინდის ახალგაზრდა წინასწარმეტყველს შონ კოლინზს. სერფინგით გატაცებულმა, მეტეოროლოგიური კოლეჯის წარუმატებელმა სტუდენტმა, გიგანტური ტალღების ძებნის საკუთარი სისტემა შეიმუშავა. მან თავისი ვიპის სახურავზე თანამგზავრული ანტენა დაამაგრა. ის კოსმოსიდან ფაქსით იღებდა ოკეანის ზედაპირის ფოტოს და შეისწავლა, ზუსტად ნახევარი საათით ადრე ეწინასწარმეტყველა „გოძილას“ მორიგი შეტევა. „მონადირეები“ შონს „ციურ გურუს“ ეძახიან და მის ყველა ინფორმაციას ხარბად ელიან. და როდესაც მთელს მსოფლიოში გავრცელდება შემაშფოთებელი ცნობა „გოძილა ახლოვდება!“, კაცობრიობას შეუძლია მშვიდად იყოს, ზღვის მონსტრს საკადრისად დახვდება.



თარაზულად: 9. მეტყველების რიტმულ-მელოდიური წყობა, ხმის აწვედაწვევა წარმოთქმისას. 10. მედლებისა და ლითონის ფულის ჩამოსხმისა და ჭედვის სპეციალისტი. 12. წრის მეთხედი ნაწილი. 13. სახელმწიფო სამხრეთ ევროპაში, ხმელთაშუა ზღვის სანაპიროზე. 14. ფურცელი რომელზედაც სხვადასხვა კითხვაა ჩამოწერილი გარკვეული ცნობების შესავაროვებლად. 15. ერთ-ერთი რიცხვი და რაოდენობა. 16. გრძელი ფართო წამოსასხამი. 18. ებრაელთა და ქრისტიანთა „საღმრთო წიგნების“ კრებული. 22. ხედი, პანორამა რისამე, რაც დამკვირვებლისაგან მნიშვნელოვნადაა დაშორებული. 23. ადამიანი, რომელმაც განმეორებით ჩაიდინა დანაშაული. 24. ვარიის ტოლა გარეული ფრინველი ქათმების ოჯახისა. 27. ალკოჰოლით მდიდარი ადვილად აალებადი სითხე. 31. წელთაღრიცხვის სისტემა. 34. თავდავიწყებით გატაცება რამეთი. 35. უეცარი შიში, ძრწოლა, თავზარი რომელიც შეიპყრობს ადამიანთა ჯგუფს, ხალხს (ან ცალკე ადამიანს). 36. სიტყვათა თამაში, რაც ემყარება ერთნაირი ბგერითი შემადგენლობის სხვადასხვა სიტყვის (ანდა ერთი სიტყვის სხვადასხვა მნიშვნელობის) გამოყენებას. 37. ბერ-მონაზონთა საეკლესიო და საადგილმამულო ორგანიზაცია, თემი, რომელსაც აქვს თავისი მეურნეობა. 38. უსიამოვნო შემთხვევა, გაუგებრობა, შეხლა-შემოხლა.


შვეულად: 1. კინოს სახელწოდება ძველად. 2. ქალაქი აშშ-ის სამხრეთ-აღმოსავლეთ ნაწილში. 3. ძალიან ლამაზი ბაღი. 4. ქართველი კომპოზიტორი და ღირსიერი. 5. XVIII საუკუნის შოტლანდიელი პოეტი. 6. კინოსა და თეატრის იტალიელი მსახიობი ქალი. 7. სამსტრეიქონიანი სტროფი სონეტში. 8. ქალაქი ჩრდ. ესპანეთში. 11. რელიგიურ-იდეალისტური შეხედულება, რომელიც ცდილობს ახსნას ისტორიული მოვლენები არა მათი შინაგანი კანონზომიერებით, არამედ განგების ძალით. 17. საბალო დეკორატიული ხელოვნება. 19. გემზე ღუზის ამოსაზიდი ჯალამბარი. 20. ქართველი კინორეჟისორი, პირველი ქართული ხმოვანი ფილმის დამდგმელი. 21. ევროპის სახელმწიფო. 25. მდინარე სამხრეთ ამერიკაში. 26. აგურის სახით დაპრესილი რაიმე ფხვიერი მასალა (მაგ. ნახერხი, ჩაი, ნაყენი და სხვა). 28. მსახიობ ვ. ჩხაიძის მიერ განსახიერებული პერსონაჟის სახელი ფილმში „არაჩვეულებრივი გამოფენა“. 29. კუნძული წყნარ ოკეანეში. 30. მხატვარ პაბლო პიკასოს ქალიშვილის სახელი. 31. შენობა, ოთახი, დაწესებულება, სადაც წარმოებს ფულის ოპერაციები. 32. დიდი გრძელკუდიანი ხვლიკი. 33. სოფელი სამხრეთ იმერეთში.

შეადგინა ცილა ამაშუკელა


## „დროშა“ №4-5-ში გამოქვეყნებული კროსვორდის პასუხები

თარაზულად: 7. სარდიონი. 8. მარადონა. 10. ამაგი. 11. სტენდი. 12. ანჩარი. 15. ეტლი. 17. ბრიდვეი. 18. კაჟი. 19. შარიფი. 20. „ოდისეა“. 24. როლი. 25. სკიპტრა. 26. იორი. 29. მენოტი. 30. რატინი. 31. კლერი. 33. სკალპელი. 34. დისკანტი.

შვეულად: 1. პარიტეტი. 2. სინოდი. 3. ანძა. 4. ჰამი. 5. სალონი. 6. ანტურაჟი. 9. ფასადი. 13. გრაფიკა. 14. ტენდერი. 16. ისარი. 18. კვერი. 21. პოლემიკა. 22. ეპოპეა. 23. ტრანზიტი. 27. შტამპი. 28. ბარაკი. 31. კელი. 32. ილია.



# ღუძიანი



მხატვარი მურთაზ აბაშიძე



F412  
2000

9.5.1988  
21.05.2000

г. 219/1

